

IUSTI LIPSI  
EPISTOLARVM  
SELECTARVM  
CENTVRIA TERTIA  
MISCELLANEA.



ANTVERPIÆ,  
EX OFFICINA PLANTINIANA,  
Apud Ioannem Moretum.  
cId. Idc. v.

*Cum Privilegiis Casareo & duorum Regum.*



AMPL<sup>MO</sup> ET NOBIL<sup>MO</sup> DOMINO,  
D. I O A N N I  
D R E N C K W A I R T O

EQVITI, TOPARCHÆ DORMALIÆ,

supremo Belgicæ Thesaurario.



ENTVRIAM hanc MISCE-  
LANEAM ad te mitto, non  
munus, sed particulam luen-  
di æris, quod varium & mul-  
tiplex fatemur debere. De-  
cem anni sunt, cùm me beneficiis alijs su-  
peralia cumulas: vt non dicam relationem,  
sed actionem gratiarum studio videaris præ-  
uenire. Quid autem vel nunc refero?  
EPISTOLAS, plerasque ipsas ad te missas:  
& velleo nomine tibi inscribendas. Sed EPI-  
STOLAS cùm dico, quid nisi rem leuem &  
subitaneam, & intra verba consistentem di-

co ? Sanè argumenti aut grauioris materiæ  
hîc parum est : etsi alibi aliquid intercurrit :  
sed quaecumque , nec felicibus bonisque  
temporibus, cùm flos & acumen ingeniorum  
fuit, repudiatum ab editione & à famâ hoc  
genus. Epistolas quidem scribere , commune  
& , vt sic dicam, passiuum est : benè scribere,  
infrequens , etiam in communi & frequenti  
aliquâ linguâ. Eò magis iure laudem poscit, si  
quis in Romanâ præstat, iam olim desitâ : &  
quæ tamen diuinâ prouidentiâ vinculum gen-  
tium in Europâ hæsit, & thesaurus ac condi-  
torium scientiarum. Quid ? inquires. tanti  
ergo Latinè scribere ? non : sed sic subito &  
in festinationis illo calore , & sine industria  
colore scribere , id fortassè pretium habet,  
apud peritos quidem arbitros rerum & in-  
geniorum. Nam si studium hîc & affectatio  
apparet, nihil est : simplex hoc genus est , sine  
fuco aut paraturâ , &

*Qualis Apellais est color in tabulis.*

Atque ego de elegantia nescio, sed de facili-  
tate aut ( vt liberè dicam ) neglegentiâ scio : &  
quàm



quàm nobis hæc sub manu feri nascique so-  
leant, celerius fortasse quàm scribam. Itaque  
velut præcoces quidam fructus sunt, iidem-  
que fugaces: qui tamen & vestris magnatum  
mensis inferri solent, & gratiam festinationis  
mereri. Quæso apud te, Amplissime Domi-  
ne, ita sit: placeant quia in affectata sunt, quia  
candida & aperta sunt, simillima ingenio &  
moribus tuis. Scio equidem graues seriasque  
tuas curas, in officio laborioso & addam in-  
uidioso: & in quo non dicam gratiam mere-  
ri, sed odium vitare difficile est. Quod tu ta-  
men multos annos est, cum ita sustines, ut in-  
dustriam fidemque tuam Regi antea, nunc  
Principibus probaueris; & communiter om-  
nibus integritatem, & animum ab omni labe  
aut corruptelâ immunem. Nam tu rationes  
istas Belgicæ, publicâ famæ voce administras,  
tam abstinenter quàm alienas, tam diligenter  
quàm tuas, tam religiosè quàm publicas, &  
quæ sacrum illud nomen Patriæ tangunt. Hæc  
tua laus est, & in sedato animo vigor maxi-  
marum rerum capax: quem, ut coepi, iterum  
rogo,

rogo, ad hæc etiam minuta, sed fortasse oblectantia, demitti. Legistine Achillem inter media arma eitharam & fides interposuisse, & animum ægrum curâ aut offensâ recreasse? Idem facito; hæc vt ludicra sumito: sed ab animo tamen serio & graui profecta, & in cultum tui deuoto. Louanij, v. Kalendas . Martias. ∞ . 1671.



INDEX

# INDEX

## EPISTOLARVM

### CENTVRIÆ III.

#### MISCELLANÆ.

**A** BRAHAMO Ortelio xj.  
 Ægidio Schonodoncho, Soc.  
 Iesu lxxxj.  
 Antonio Richardoto suo xcij.

B.

Balduino Iunio suo xlix, liij.  
 Balthasari Moreto suo lxxxix.  
 Balthasari Robiano, Senatori  
 lxxviii.

C.

Carolo Clusio xvj.  
 Carolo Vienhonio xxvij.  
 Claudio Frossardo à Broissia viij.  
 ad Contubernales suos li.  
 Cornelio Anchemanto suo lxxiiij.  
 Cornelio Prunio V. C. xiiij.

D.

Danieli Susio V. N. vj.  
 Dionysio Villerio V. R. & Cl.  
 lxxx.

E.

Erycio Puteano suo lxiiij, c.  
 Euerardo Pollioni I<sup>do</sup> xxxij.

F.

Francisco Billiodo lvij.  
 Francisco Modio xviiij.  
 Francisco Montmorencio Berseij  
 Toparche lxxxviij.  
 Francisco Orano suo lxxxvj.

Francisco Schetto, Senatori xxxj.  
 G.

Gedeoni Tserhendrixio V. R.  
 & N. lv.  
 Gerardo Bhyteuuechio lxxxij.  
 Guilielmo Barclayo xxxiiij.  
 Guilielmo Beeckmanno J<sup>do</sup> xvij.  
 Guilielmo Michielsio J<sup>do</sup> xxvj.  
 Guilielmo Scarbegero suo l.

H.

Hadriano Vander-burchio, patri  
 xl, lx.  
 Hadriano Vander-burchio, filio,  
 Senatori lviiij, lxxv.  
 Henrico Schulteto xciiij.  
 Henrico Vvueno J<sup>do</sup> xlviij.  
 Hermannò Malleano xxv.  
 Huberto Audeiantio xxxix.  
 Huberto Giffanio I<sup>do</sup> xv.  
 Hugoni Grotio xcix.

J.

Jacobo Angiano, Equiti, Toparchæ  
 Kesterpatij xc.  
 Iacobo Campio, Archidiacono &  
 Canonico iiij.  
 Iacobo Carondeleto, Cancellario  
 & Canonico ij.  
 Iacobo Marchantio xxiiij.  
 Iacobo Pontano, Soc. Iesu xxxiv.  
 Iano

Iano Grutero	xcvij.	Leonardo Lessio, Theol. Soc. Iesu	
Iano Lernutio	lxxvj.		xix.
Joanni Baptista Perezio Baronio	lxx, xcij.	Luce VVynardo U. N.	lxxix.
Joanni Bernartio I <sup>ro</sup>	xxviij, liij,		M.
	xcj.	Matthæo Radero, Soc. Iesu	xxx.
Joanni Bezancenotto	lxxj.	Matthæo VVachero, Cancellario	ix.
Joanni Brantio, Graphiario	xx,	Silesia	
	xxxvj.		N.
Joanni Carolo Ænobardo U. N.	xlj.	Nicolao de VVeerdte, J <sup>ro</sup> & Cog-	
Ioanni Drenckvvairto, Thesau-		nato	lxxij, lxxxij.
rario supremo Regio, x, xij,		Nicolao Hacquenillio	lxj.
xxij, xxij, xxxviij, xliij, xlvij,		Nicolao Oudarto U. R.	lvj.
liij, lxij, lxviij, lxxviij, xc.		Nicolao Serario, Soc. Iesu	v.
Joanni Hemelario	lxxxiv.		O.
Ioanni Hollandio	xciiij.	Othoni Hartio J <sup>ro</sup>	xij, xxix.
Ioanni Moreto, Typographo j,			P.
xxxvj.		Petro Lasaillio, Caroli F.	xliij.
Ioanni Orano, Presb. Soc. Iesu	xl.	Petro Orano I <sup>ro</sup>	rv, xxj, lxxxv.
Joanni Seario, Legato Hispaniensi		Petro Pantino Decano	lxiv. lxvj.
à Secretis.	lxxrv.		R.
Ioanni VVouerio suo	xliij, xlvij,	Remaclo Roberti	lxviij.
	lxxxviij.		S.
Isaaco Casaubono	lxix.	Stephano Turnebo, Senatori	
Iulio Salinerio	xcvj.		xxxv.
	L.		T.
Leuino Torrentio, Episcopo	vij.	Theodoro Cantero	lxxv.
			V.
		Vibrando Anskema	lix.

IVSTI

1

IVSTI LIPSI  
EPISTOLARVM  
SELECTARVM  
CENTVRIA TERTIA  
MISCELLANEA.

EPISTOLA I.

I. LIPSIVS IOANNI MORETO, *Typographo* S. D.



ERIO & vno verbo, mi Morete, semel hoc crede. quidquid à vobis ad me venit, gratum est, iucundum est: & meritò istæ tuæ litteræ, sincerissimi affectus in me plenæ. Nolo eū testêris: scio. nec pariter vllus vnquam Plantinianus ramus erit, quem ego non amem, & cui non benefactum velim ex imo isto fonte. Ostendam hoc semper, quamdiu melior ille spiritus diriget hoc corpus. Sed hæc non necessaria. precibus tuis respondebo, quas velut publico nomine ad me defers. Thraseam tuum, inquis, flagitant omnes. De multis, mi Morete, credo: multos etiam aliter esse censeo, & quibus hæc nostra nec grata valdè nec magna. Quæ iudicia vt nec magni ipse facio, nec planè tamen sperno: ita hoc facilè apud me impetrant, vt differam opus, si non vt omittam. Philosophia ista non pro omnium gustu: & calumniam vitare fortasse melius, quàm deprecari. Munus aumarij, in quo chartæ & epistolæ nostræ recondantur, an non gratum sit te mittente: gratissimum: sed & reatque vsu opportunum, & hæcenus desiderabam. In oculis aut manibus cottidie erit: & quod sequitur, eius auctor. Ergo gratia tibi esto & dicta, & reposita: tu aut tui apud me inuenite, & amandi semper amate. Lugd. Bat. v. Id. Decemb. ∞. IO. LXXXIIX.

## EPISTOLA II.

IACOBO CARONDELETO, *Cancellario & Canonico*, S. D.

**H**AVD iniuriâ mihi grataris, de felici aduentu ad Spadanâs Aquas. Certè per multa discrimina, & molestias, huc venimus: è quibus illa Deus depulit, & has mitigavit. Sine illius præfenti numine & auxilio, per tot ambages viarum, in hac afflictâ valetudine, numquam venissemus ad propositam metam. Sed illi gratia esto, iam hîc sumus: atque eo animo sumus, ut non ultrâ reuisamus ambiguos, & bonis parùm gratos, locos. Quæ ipsa causâ deferendi. Statuimus in vicino tractu menses aliquot (fortassè & ultrâ) agere, & in quiete ac solitudine abdere nos in vetera illa Musarum castra. Rogo eundem illum Deum, ut cum publico bono. Quod autem amorem tuum præfers, & testaris: ille verò mihi notus: occasio mihi sit, pariter testificandi & declarandi mei. Dionysium Villerium iampridem ego noui, & amo hominem verè elegantis ingenij, niuci pectoris, & prorsus de meliore luto. Imò hoc te magis amo, quòd tu illum. Mihi valdè in votis, eiusmodi viros amplecti, & alloqui; magis, quàm omnes Principes & Dynastas. De nummis præfatis, coràm videbimus: capior, atque etiam aliquid capio. De fluctibus qui imminere nobis, ex præfagio illius Calchantis, videntur, nō abnuo:

\* nam nobis magna calamitas voluitur. Pind.

— ἡμῖν γὰρ μέγα πῆμα κωλιδεῖ:

\* inclinatio.

sed tamen de exitu haud valdè angor. Quem Deus diligit, per æqua per iniqua, per fluxus & refluxus perueniet ad suum portum. Utinam ego ad illum salutis! salutis inquam duplicis: nam & hæc corporis, videtur per fontes vestros etiam affulgere. Sed adhuc incertò: momentum tamen & \* *πρὸς* ad meliora. Vale R. & Nobilissime Vir, & nos sub metam septimanæ proximæ expecta. Nam rumor hîc de Aulâ, ad quod nomen fugio. VII. Kal. Iulij, ∞. ID. XCI.

## EPISTOLA III.

*Moguntiacum.*IACOBO CAMPIO, *Archidiacono & Canonico* S. D.

**P**RAESENTIS tui vultus, & in vultu ipso conspicua probitas, me delectarunt: nunc litteræ, hanc ipsam præferentes, & in me

in me amorem. Gaudio, & redamo, atque vt litteraria hæc colloquia frequentemus, te rogo. Nummos accepi, atque aliquot Inscriptiones, suo nomine gratas, tum & illius, à quo profecta. Quis studium hoc elegantiae in viro nobili, & Germano, non amet? quæ gens, nescio quomodo, parùm adhuc cò inclinauit: sed cùm eiusmodi proceres viam facient & præbunt, facilè istas Lunas sequentur minora illa astra. Deus faxit, & vt huc potius se dent, quàm ad inutiles & noxias illas super Religione disputationes. Vno verbo. ego Cancellarium vestrum amo, & beniuolentiam pariter eius in me pro beneficio amplector. Cur non vidi eum, cùm essem in vestrà vrbe? Nam ad hoc quidem temporis largiter fuit: sed credo abfuisse, aut de tali viro, & virtute neminem indicium mihi fecisse. si adfuit, & siluisti, tu mi Campi peccasti. Ego salutem, & obsequiosum animum illi defero; & tibi mi Campi significo, me in Eburonibus & nunc esse, & videri futurum hanc hiemem. Amici sunt, qui detinent, tum & locus & vrbs amœna, & caput, quòd res in patriâ nostrâ eo loco, vt nemo ad eam adspirare possit, cui grata & amica quies. Sed nec securitas in plerisque oppidis, Batauo inualecente, & nostris per secordiam, aut pessimam disciplinam infirmis. Me otium capit, non illud solum, & languidum, sed quod libri, & lucubrationes alant, ac vegetent, & quod aliquid egisse nos, etiam cùm nihil egimus, apud posteros testetur. Paro igitur plura: promptius, si diploma nobis, & interdictum à Cæsare esset, ne quis nostra statim (vulgò iam fit) recuderet, & imitaretur. Fit cum Typographi damno, fit cum meâ fraude, cui via adimitur addendi, immutandi, castigandi. Spero me in ipsâ Imperatoris aulâ amicos reperturum, sed per quos id confici, aut impetrari maxime debeat, ignoro. Tu si scis, me quoque scitiorum facito, & magis magisque tibi deuinctum deuinci. In Eburonum dominâ vrbe. XI. Kal. Sextilis. ∞. ID. XCI.

## EPISTOLA IIIL

*Leodicum.*PETRO ORANO *Jas.*

**H**EVUS tu, suauiter herè vnà fuimus: & quid dicam nisi me à consortio vestro mores ducere, & paullatim hilare scere?

A A a 2

Deus

Deus faxit, remittat ille ater humor, quid nisi pater curarum & atræ mortis? De floribus meis dicebam, & inuitabam, & nescio quid promittebam. O benignitatem in inopiâ! Leidæ aliqua nobis copia,

*Huc una è multis capsula me sequitur.*

Tamen veni, vide, cape. Incito te? Carmine etiam facio: sed quod à prorsâ istâ vix abit, & quale sub manu solet nasci.

**P**ETRE, iuris & elegantioris  
*Musæ candide cultor, & sacerdos;  
 Quem ni sic amo, ut hos meos ocellos,  
 Atque ut tu geminos tuos puellios,  
 Iupiter mihi perdat hos ocellos:  
 Quando ad me venies, meosque flores?  
 Namque & gestio ego ipse te videre,  
 Atque illi mage gestiunt videri.  
 En Sol purior hic, & aura Veris,  
 Pinxit, ut Babylonicum tapete,  
 Nostras areolas. veni, videbis,  
 Gaudebis quoque. namque pars eorum,  
 Herculi ut decima, tibi sacrata est.  
 Ecquid te traho? sed veni, peribunt  
 Illi, ni properas, tuumque donum.*

## EPISTOLA V.

*Herbipolim.*

NIC. SERARIO, Soc. Jesu S. D.

**C**VM vsurâ salutem tribui, quæ epistolam bonam & vberem ad me traxit. Ita liberalis es? tamen, non mentiar, illo pænè sine misi. Quid dissimulem? amare te cœpi, cum ob tua bona quæ ille ab alto tribuit, tum quia audiebam quod me amares. Non debuit diutiùs quasi sub cineribus delitescere hic ignis: quin, quia honestus est, exserat se, & chartarum isto adminiculo det flammam. Ergo apertè iam mi Serari, amo te, & cupio à te amari. Spem facis, aut potiùs fidem, ita esse: atque ego non desistam, & donec oculi isti claudentur, non claudet hic affectus. Mitramus blanda. Lecimpitium meum (ita appello. amo



amo virum, & longi molestiq; itineris mei comitem fidum) honore apud vos & titulo publicè auctum, gaudeo : & scio meruisse. In patriam iuit, vtinam labascenti illi fulcrum ! quod vix spero, ita omnia non ad inclinationem spectare videntur, sed ad ruinam. Pax quàm proteruiter reiecta nuper, & illa Pindari <sup>\*tranquil-</sup> *ἡν φιλόφρον, δ' ἔκινε θυγάτηρ* O misera, exfulat ab Europâ : quia nec <sup>litas: bemi-</sup> *ἡν φιλόφρον, δ' ἔκινε θυγάτηρ* <sup>gna, iustitia sua.</sup> diu sedem habitura videtur in Germaniâ vestrâ. Illi Martiales iterum ad suum Martem: vellem ob aliam causam, quàm istam. Sed hæc infelicitas nostri ævi est, innouare, turbare, pugnare: & id specie Pietatis. In caipsâ, hortaris vt in meis refingam vbi opus, aut certè illustrem. Iamdiu statui; impediunt aut tardant partim typographi, partim quòd circumagimur, nec fiximus adhuc stabilem sedem. Scis quietæ mentis, imò & temporis, esse tale aliquod opus. Atqui conabor. & si mors præuenit, testor me alienum ab omni nouitiâ opinione aut errore, firmum in veterum scitis. Vale. Leodici, xvi. Kal. Maijas. ∞. I. O. XCII.

## EPISTOLA VI.

Leodicum.

DANIELI SVSIO IACOBI F. V. N. S. D.

**V**T audiui de morte optimi patris tui, etsi ipse doleam, tamen exegi me ad te solandum. Scio quàm afflicteris; & inter alias virtutes, noui tuam pietatem. Sed mi Susi, debuisse illum mori non ignoras: & si tempora, & ea quæ circumstant, aspicias; fateberis, non potuisse opportuniùs mori. Æuum pessimum, & vix in spe correctionis: vt felices meritò censeamus, & verè <sup>μακαρις</sup> *μακαρις*, qui educti. Ipse in ætate quoque iam pessimâ, & non senex sed senior, cùm illud Lucretij locum habere incipit:

*Claudicat ingenium, delirat linguaque, mensque.*

Itaque si vmquam etymon illud Græcorum habere fidem debet, in his talibus potest: τὸ γῆρας, παρὰ τὸ γῆρας, dictum esse. Ipsi, inquam, qui in cā ætate, abire desiderant, extra miseras suas, & ludibria aliena. Iam quicquid optandum homini, & quæ vitæ longioris causa esse & votum solet, ipse adeptus. optimam famam, liberos propaginem stirpis, atque eos in fortunatis coniugiis, iterum ad propagandum. Alia quæ in te vidit, apud te non dicam. Optare debuit mori, in hoc sereno Fortunæ, & priusquam

AAa 3

nubes

nubes aliqua offuscaret. Addo, quod caput est, mortuum piè, & in sano de religione & Deo sensu. Itaque ne mortuus quidem, sed terra hîc relicta & terræ reddita; ipse immortalis in cælum migravit, ad immortalem illum patrem. Hæc te solentur. nec absentiam eius cogita, quin vnà vbi sit cogites: & si pius es, in æterno eius gaudio gaude. Facturum te confido, & habes qui quod ego breuiter & aridè, copiosè & vbertim tibi instillent: inter eos, Delirium nostrum. Animum tamen meum vides, quem scito in amore tui esse & fore firmum. Louanij, vi. Idus Decemb. ∞. IO. XCII.

## EPISTOLA VII. *Antuerpiam.*

LAEVINO TORRENTIO *Episcopo.*

**A**DOLESCENTES eos vidi, quos per epistolam mihi commendas: nec frustra. Quid enim tu à me frustra? quin ita promptè volo, & debeo, quidquid voles, vt admoneri modò debeam, non rogari. Et sanè in istâ re litterariâ, libens etiam officium confero; quia censeo in publicum me impendere, quicquid ad culturam facit nostratium ingeniorum. Paucos per hæc bella, omnino paucos, ad artes nostras adspirare non ignoras: & cò magis prouehendi sunt, si qui adspirant. Quæ enim resp. tandem futura, si veteres, vt sic dicam, arbores excidantur aut concidant, nouellæ stirpes non depangantur in earum locum? Vastitas profectò, & tenebræ, & boni honestiq; incitia, &, quod sequitur, contemptus. O vir magne, si plerique, qui ad reimp. sedent, hæc tecum iuxta intelligant! maior certè honos aut cura esset eorum, qui has artes profitentur aut ornant; nec sic iaceret hæc ipsa (Louanium dico) earum sedes. In quâ, præter veterem nominis dignitatem, quid pænè reliquum? nec publicis opibus, sed famâ suâ dixeris eam stare. Et tamen stabit, nisi vniuersa ruina patriam hanc inuoluit: à quâ nonnullus mihi interdum metus est, euentus istos improsperos, & magis caussas eorum intuenti. Sed benignus ille Deus, semper nostri tutor, auxiliabitur: qui te quoque Reu<sup>me</sup> in C. P. seruabit Ecclesiæ suæ & Reipub. futurum. Louanij, xii. Idus Sept. ∞. IO. XCIII.

EPI-

EPISTOLA VIII. *Dolam.*

CLAUDIO FROSSARDO A BROISSIA S. D.

**A** MOREM ego, non audaciam interpretor, mi Claudii, quòd ad me scribis. Etsi enim varij interpellant, & verè dicam, melior diei pars scriptiunculis perit: tamen numquam mihi graue, capere aut reddere litteras ijs, qui tui similes, in virtutis & doctrinæ viâ recto cursu pergunt. Est etiam naturâ insitum, vt amemus faueamusque ijs, quos putamus operâ nostrâ meliores, aut instructiores. quo in numero censere te non desinam, qui aliquamdiu cum affectu & industriâ nos audisti. Et nunc patria tua te habet, magis loco alio quàm animo, vti confido; & pergis haud dubiè in ijs, quæ benè cœpisti, & exltruas ædificium, cuius iacta iamdiu fundamenta. Deus faciat. & (ne aliò te mittam) pater tuus, vir magnus, tibi sit in oculis, quem ad culmen hoc honorum caipsa studia artesque duxerunt, ad quas te vocamus. Vixi ipse olim in cā vrbe veltrâ, sed non longum: & specimen etiam tunc aliquod publicè dedimus ingenij, aut facundiæ, siquid in nobis erat. velim scire, ecquid schola nunc floreat? vereor vt minimè, cùm motus, si non vestros, vicinos tamen video, & Martem ac Bellonam vbique in pretio magis, quàm Phæbum aut Musas. Istæ vices rerum sunt, & magnus ille gubernator, modò temporum lenem aliquam mitemque ætatem inducit; modò asperam turbantemque hiemem. Ferenda omnia, & expectanda ac votis expectanda meliora. sed vita in primis: quæ si emendata, profectò hæc quoque breui emendentur. Vale mi Claudii, & Amplissimo parenti tuo officium & salutem meam defer. Louanij, VII. Kal. Febr. ∞. ID. XCIIII.

EPISTOLA IX. *Vratislauiam.*MATHAEO WACHERO *Cancellario Silesiæ* S. D.

**S**i à frequentia scribendi animum meum æstimas & amo-rem; malè audiam necesse est, & deseruisse videbor militiæ huius signa. Quod non ita est, spondeo: sed laxat me, & velut commicatum aliquem liberiorem dat, valetudo. Parens non sumus, quòd apud te profiteor, reponere tot epistolis, quas vndique &

que & assidue missas lectitamus. Tamen vos mihi pauci illuc eximij; & ipsa cessatio etiam habuit causam, vt in occasione te affarer. Ecce data est, scribo, & vnà libellos de C R V C E mitto. Titulus magnum aliquid sponder: tractatui autem stilus noster fortasse non responder. sed vos legite, & quod amicorum est, iudicate, atque etiam indicate. Amo admoneri. De filio, quod postremis litteris consilium meum quæsieras, nunc dabo: celsi ex ipso silentio videre potuisti, quid sentiam. Nam si mittendum huc iudicasset, certè respondissem & id scripsissem: non placuit, ne nunc quidem. quid ita? non quin iucundum esset, tuum aliquem, imò te ipsum quodammodo, hinc habere, sed quia omnia bello etiam iacent, nec est vetus illa schola quæ fuit. Exteri non conueniunt, ob viarum discrimina, & quia in vicino hostis. Qui Louanij iam agimus, nihil mentiemur, si in liberâ quâdam custodiâ nos agere dicimus. Vestigium extra urbem tutò non ponimus, & illa prata, campi, siluulæ, calcantur aut adeuntur raro pede. Cur igitur nos ipsi hinc agimus? quia alia nostra ratio à iuuentute. Quiescere nobis propositum; illis discere, tutò agere & iucundè. denique hæc patria mea est, & incommoda etiam eius meritò fero. Vt parentis aspera aliqua verba, filius patienter audiat, extraneus aspernetur: simile hinc esse dicam. Mollit etiam, quòd Rex & Ordines honestè me & benignè habent. Sic agimus mi Wachere: vt apud te omnia benè & votiue, idque in longum, Deum equidem rogo. Louanij, Nonis Feb. ∞. Io. XCIIII.

## EPISTOLA X.

Bruxellam.

IOANNI DRENCKVAIRTO, *Thesaurario supremo Regio.*

**H**ARTIVM dimittere sine litteris nolui, illū Hartium in amore vtriusque nostrū. Et quod me in tuo esse voluisti, gratias habeo, & in animo agnosco. Non fallunt me aut verba tam benigna, aut ipse vultus, affectus tui index. Habeo, inquam, gratiam, & debeo: atque vtinam in me sit, quo foueam honestum istum ignem! Quod quidem petebas à me nuper, de adolescente aliquo, quem ad manum & honestiora munera haberes, qui esset ex meâ institutione: hoc ipso quid de me sentias video, & statim dedi operam, vt effectum darem. Scripsi ad quem-

dant,

dam, qui nunc Mechliniæ; sed frustra, quia fides eius alteri iam obligata. Putabam tamen illum aptum futurum, ingenio, doctrinâ, moribus. Sed de alio cogitabo & dispiciam, si cruiere aliquid possim. Nam bonâ fide, eiusmodi adolescentum copia rara est, qui cum litteris Modestiam sociant & Virtutem. Sunt qui in illis aliquid possunt, sed ferè iidem vani, elati, & mores mutant. Scio te vtrumque velle, & à litteraturâ modicè instructum, & à moribus vel maximè ornatum. Sicut arborum illæ optimè, quæ non florem solùm, sed fructum ferunt: sic hominum, quibus præter ornamenta doctrinæ, vita etiam est ad frugem. Sed cum de fructibus, tibi quoque agendæ gratiæ, qui altius opimos carduos ex horto tuo submisisti. Quid remitto? animum seriò semper tuum. Louanij, XVII. Kal. Sextil. ∞. 15. XCIII.

EPISTOLA XI. *Antuerpiam.*

ABRAHAMO ORTELIO S. D.

**D**ISSEREBAMVS nuper, vt scis, in mensâ apud Antistitem nostrum de Gestatione: & erat qui fortiter negaret in essendo eam fuisse. Contrâ tendebam, & sciebam: sed non pertendebam, vt meus mos est, & vincar in talibus citius quàm pugnem. Itaque akercationem desij; abeuntj tibi & requirenti obtuli, scripto me consignaturum, quod eius rei esset. Feci largiter, & totum hunc ritum explicatum, & in oculis ecce habes. Videbis, iudicabis, me amabis. GESTATIO veteribus Romanis crebro, vel assiduo potiùs in vsu, exercitij & valetudinis gratiâ: idque ferè sub balnei aut cænæ tempus. Quia, inquam, exercitij: idè Glossæ veteres explicant *Gestationem*, γυμνασία: itèmq; *Gestatorem*, γυμναστήν. Sed laxum est, & finem rei, non rem dicunt. Præstius meliusque eædem alibi: *Ανίστα, Gestatio.* &, *Ανίσταται, Gestatur.* Id verum est. & latio omnis aut vectatio in naui, lecticâ, curru, venit in hoc nomen. Celsus per partes explicat libro II. in Capite proprio, *De Gestatione.* Genera, inquit, *gestationum* plura. sed tamen leuissima est naui, vel in portu vel in flumine: vehementior in alto mari, vel lecticâ aut scamno: acrior vehiculo. Omitto illas in aquis, in terrâ igitur triplex est: Lecticâ, Scamno, Vehiculo.

BBb

culo.

\* In 1. Ele-  
ctor.

culo. De Lecticâ, notum est, & \* alibi explicaui: Scamnum quid est? dico idem esse, quod Sellam. Nam in Lecticâ iacentes ferè vehébantur; in Sellâ sedentes, ideoque & Scamnum dixêre. Haud sæpè legas. sed in Iuuenalis Scholiaste veteri, huic sententiæ firmamentum repperi. qui vbi Iuuenalis dixerat,

— *stratâ positus longaque cathedrâ:*

interpretatus est, *Cervicalibus stratis, Scamnum dicit.* Ergo eo auctore, idem Scamnum quod Cathedra siue Sella: Hæc est quæ *Sellâ gestatoria* Suetonio dicitur Neronis cap. x. Vitellij xvi. De duplici isto genere, iunctim ita Seneca De breuitate vitæ: *Ne illos quidem inter otiosos numeraueris, qui Sellâ se & Lecticâ huc illuc ferunt, & ad Gestationum suarum, quasi deferere eas non liceat, horas occurrunt.* De scamno idem, epistolâ lv. *A Gestatione cum maximè venio, non minùs fatigatus, quàm si tantum ambulassem, quantum sedi. labor est enim diu ferri.* Posset quidem hoc & ad Vehiculum aptari; sed de Scamno verius, quia dixit, *Ferri.* At tertia est in Vehiculo siue Effedo. & communiter valdè sic utebantur, & hanc maximè intellegebant. Suetonius Vespasiano: *Post decisa, quacumque obueniebant, negotia Gestationi, & inde Quietì vacabat.* Eadem enim illa quasi interpretans Aurelius Victor: *Post autem negotiis, quacumque obuenissent, auditis, exerceri Vectatione, deinde requiescere.* Idem Suetonius Galbâ: *Ne ad gestandum quidem vnumquam aliter egressus (ita hæc legerim) quàm vt proximo vehiculo secum decies HS. in auro efferret.* Significat, sic timidum an cautum fuisse Galbam, vt numquam vel leuiter domo egrederetur, etiam ad Gestandum; quin secum altero & sequente vehiculo, decies illud HS. quasi subsidium fugæ (si interuenisset) efferret. Nec sanè quidquam in eâ lectione mutandum est. Seneca de peruerso illo Spanio, epist. cxxiii. *Quaro circa horam noctis octauam, quis sit ille rotarum sonus? dicitur velle Gestari.* Manifestè dat rotas: ergo effedum fuit. Sic Martialis:

*Fllic Flaminia Salariaque*

*Gestator patet effedo tacente,*

*Ne blando rota sit molesta somno.*

Suetonius de Claudio: *Solitus etiam in Gestatione ludere, ita effedo alueoque adaptatis, ne confunderetur ludus.* In effedo igitur, subiunctis equis, aut mulis: & quis vltrà neget? Sanè mulos Iuuenalis adfi-

adsignat, versibus mox dandis; equos Martialis, in istis:

*Gestatus biungis Regulus esset equis.*

Quia autem crebra, imò alsidua hæc Gestatio; curæ fuit, ut locus esset in vrbe aut villis duplex; Apertus & Tectus. Ille in æstate vsui; hic hieme. Et apertæ quidem Gestationes non nisi arboribus clauderantur ad latera, plerumque infructuosas, & quæ speciem modò haberent. Vlpianus de Vsfu fructu: *Et si fortè voluptare fuit prædium, viridaria vel Gestationes, vel deambulationes, arboribus infructuosas opacas atque amœnas, non debet deijcere.* Plinius lib. II. Epistolar. *Gestatio buxo aut rore marino ambitur.* At tectæ, porticibus clauderantur, opere & manu factis. Vtrumque genus Iuuenalis tetigit, Sat. IIII.

*Quid refert igitur, quantis iumenta fatiget*

*Porticibus? quantâ nemorum vectetur in umbrâ?*

Nam priora palàm ad porticum Gestatoriam, in quâ essedo cursus. Et posteriora explicat Scholiastes, *Viridaria, ubi solent Gestari.* Iterum de Tectis, idem Sat. VII.

*Balnea sexcentis, & pluris Porticus, in quâ*

*Gestetur dominus, quoties pluit. anne serenum.*

*Exspectet, spargatque luto iumenta recenti?*

Atque ex Porticus, fortassè & Viridaria, plerumque rotunda, & in orbem ibant. Quare? quia in exiguo spatio scilicet, amplior ita vectatio, continens & recurrens. Plinius indicauit, cum dixit: *Rore marino ambitur.* Ergo Ambitus fuit: & clarius inscriptio hæc marmoris, ubi & magnitudo Porticus expressa:

#### GESTATIO

CIRCINI. EXTERIOR

A DIAETA. APOLLINIS

AD. DIAETA. EANDEM

IN. CIRCIVITV. P. ∞. CC.

LXXVII.

Has tales, ditiores etiam in ipsâ vrbe habebant, suisque domibus. nec Martialem aliter exaudio, lib. XII. ad Sparsum quemdam:

*Et rus in vrbe est, vinitorque Romanus,*

*Intraque limen clausus essedo cursus.*

Non aliud quàm Gestatio clausa tecta que est: eoque non placeat rescribi, *latus essedo cursus.* Noto denique, solum ipsum in his arte

B B b 2

factum

factum & duratum fuisse leuiter: vt & concussio leuior esset, nec rotæ inæqualiter imprimerentur. Plinius in laudibus suburbani Comensis, lib. i. Epist. *Quid Euripus viridis & gemmeus? quid illa mollis, & tamen solida Gestatio?* Nam pro ipso loco accipit, vt superioriâ aliquot exempla item euincunt. Hæc veteres, & pro bono valetudinis, quod res ipsa dicit. Plinius item, lib. xxviii. *Inprimis verò prodest (valetudini) Ambulatio, Gestatio, & ea pluribus modis.* Seneca commendat, epist. xv. *Gestatio & corpus concutit, & studio non officit. possis legere, possis dictare, possis loqui, possis audire.* Et de concussione illâ distinctiùs, epist. lvi. *Mihi tamen opus erat concutere corpus, vt siue bilis infederat faucibus, discuteretur; siue ipse ex aliquâ causâ spiritus densior erat, extenuaret illum iactatio.* Sane litteratorum, & qui menti operantur, exercitium illud sit: dolco periisse, aut certè per mores siue opes à nobis non vsurpari. Tu vale mi Orтели. In Musæo nostro, prid. Kal. Iul. ∞. Id. xciv,

## EPISTOLA XII.

Bruxellam.

OTHONI HARTIO I<sup>do</sup> S. D.

**E**N, mi Otho, ad nostrum Thesaurarium, (quidni nostrum? ego hercules corde veneror & amo) en inquam, de re quam commisit. Iuuenis de quo dixeram, & qui initio excusauerat, nunc paratus videtur, & rumpet vinculum quod ligabat. Scripsi igitur, & exspecto quid videatur. Si arcessi cum placeat, & coram conspici atque audiri; hoc approbem, ne vnus mei suffragio admittatur. Confido equidem fore, qualem volumus, & esse in eo quæ volumus; sed vos quoque diiudicare, quid nocet? imò id opus est, & decet. Rescribe verbo, non longos logos, auocor, & fabri mei strepunt. Adfirmo tibi, per leuam hanc occupatiunculam iacere studia, & interiores litterulas nostras. Sed non diu me tenebit; abi ædificatio, meam imminuis, res tuas tibi habe. Vale. Louanij, vii. Kalend. Sept. ∞. Id. xciiii.

EPI-



EPISTOLA XIII. *Bruxellam.*IOHANNI DRENCKWAIRTO, *Supremo Regio Thesaurario.*

**Q**UOD agere cœperam cum adolescente illo Batau, ut operam daret tibi in scriptione, & alio ministerio honesto, et si initio remora aut impedimentum fuit, tamen videor peregisse. Peregisse inquam, quod ad ipsum attinet: qui iam inclinat, & expecto voluntatis tuæ nutum. Si ita fedit, mittam ipsum ad te ut videas, explores, & transigas etiam, si approbabis. Equidem falli possum, sed moribus, industriâ, & mediocri doctrinâ, spero sustinere meam & tuam expectationem posse. Honestus inter suos est, & natus è Persinis: sed pietas & religionis studium (ama causam) amovit eum è patriâ, ubi parentes quoque sunt inter planè probos. Cetera, Vir Ampl<sup>me</sup> tuo iudicio relinquo, quod certum mihi est acce esse & rectum. Verbo si rescribis, mittam eum ad te, & Mechliniâ euocabo, ubi nunc agit. Ampliss<sup>me</sup> & Nobil<sup>me</sup> Domine, diu reip. regi, & nobis, salue. Louanij, VII. Kal. Sextil. ∞. ID. XCIIII.

EPISTOLA XIIII. *Antuerpiam.*

CORNELIO PRVNIO V. C. S. D.

**E**VGE, eugè benignitatem tuam! qui munera ad me mittis, non plenâ manu aut sinu, quod dicitur, sed toto curru. Fatebor tibi, velut ictu lætitiæ percussus sum, cum vidi: & horto perpetuum emblema & ornamentum insequisti, quo maximè egebat. Nam florum aliquid, fructuum istorum nihil habebam: ut munus tuum non magnitudine solum (verè tale est) sed opportunitate mihi sit gratum. Fecisti quod scripseras, & Dicem patrem ab inferis excitasti, qui non florilegâ Proserpinam, sed Floram ipsam raperet & Pomonam. Amo amo te, etiam cognatum tuum *Dilsum*, qui tam promptè, tam benignè, hoc curavit. Quid autem ultra dicam? etiam illud, pœnitentiam iam agere impudentiæ meæ incipiebam, qui sic confidenter postulassem, quod ipse non haberes. Sed nâ ego pœnitentiæ illius magnam nunc pœnitentiam ago, cum successam video, & ius mihi hoc fuisse in candidissimo tuo amore. Enimvero, mi Pruni,

ferrea hæc sunt tempora, liceat etiam uti interdum ferreâ fronte. Etsi mollis ea mihi per naturam est, sed sic desiderium & cupiditas indurat: qui auidè ista horrensia appeto, auocamenta non à studijs solum, sed à curis. quas tempora hæc assidue & vberitè gignunt. Quibus etsi non tollitur lumen illud, ut sic dicam, mentis: tamen interdum offuscatur, & velut nubeculâ serenitatem eius subducunt. Tu verò accumulas etiam beneficium, & de fenestris in nouâ domo iterum offers. Accepi & accipio, fenestras inquam: & duas nomini tuo inscribam. Te autem ipsum V. C. in hoc pectore, è quo nulla dies euellat. Louanij, III. Kal. Oct. ∞. IO. XCIIII.

## EPISTOLA XV.

*Ingolstadium.*HYBERTO GIFFANIO *Jr<sup>o</sup>* S. D.

**C**VM Francosurti te vidi, & magis cum audiui; decretum mihi certò amicitiam tecum colere, quam etiam colo. Nihil in animo remisi, etsi in scriptione fortasse aliquid fuit, variâ vel culpâ vel causâ. Culpa quidem in ijs, siqui meas (bis enim scripsi) aut non reddiderunt per negligentiam, aut per malitiam suppresserunt: causâ etiam in me, quem occupatiunculæ, & valetudinis infirmitas recidere cogunt & imminuere totum hoc genus scriptionis. Sumus Louanij, docemus, ædificamus etiam: an non bono magnoque animo, inter medias res aduersas? Litteris quidem quid hîc fiat, per te intellegis, nec pueros Musarum nunc in pretio, sed Martis. Apud vos aliter, & video Germaniam totam excoli, & fugitiuas è Gallia artes sedem figere illîc. Longum ita sit, nec magnus ille hostis quietem istam turber, qui in limite, ut audimus, assultat. Ego ab Italis variè vocor, Pisas, Patavium, Mediolanum: tenet patria, à quâ tamen vel inuitus auellat, si possidet & inancipio habet eam Mauors. De Ic<sup>is</sup> quod requiris, nihil mihi nunc in promptu: sed nec otium nostra dispiciendi. Militia me exercet, sed vetus illa Romana: & cœptam est cudi. Tu quid agas, quâ agas, & satin' ex voto tuo illîc & merito, velim scire: & te ætatem valere. Vale V. Cl. Louanij, Idibus Nouemb. ∞. IO. XCIIII.

EPI-

CAROLO CLVSIO S. D.

*Æthereas, tantum radice ad tartara tendit.*

EPISTOLA XVII.

*Leodicum.*

GUILIELMO BEECKMANNO I<sup>do</sup> S. D.

**N**UPER admodum litteras tuas accepi, & haecbam iam-  
nunc respondere, sed muliercula elapsa mihi celerius opi-  
nione fuit. In morâ nihil intertrimenti: animus in te est qui fuit,  
imò addo qui erit: id est, iudicio & affectu tui amans. Iudicium  
meum meruerunt cùm alia in te, tum modestia: quæ numquam  
me fefellit radix esse & altrix virtutis & veræ famæ. Oculi & ani-  
mus mihi sæpè dolent. cùm aliam iuuentutem istam video, pro-  
teruam, lubricam, vanam; & id in laudabilium omnium rerum  
inopiâ, aut raritate. At firma & bona mens, vt ager post quie-  
tē, fructus promittit vberes, & non fallaces. In eâ re vtinam  
contulerit, aut conferat aliquid, consuetudo vel auditio mea! Scio  
optare, & non minùs tibi fauentem, quàm tuos esse. Tu autem  
non speras tantum, sed iactas, & inuidiosum exemplum adfers  
Alexandri & Aristotelis: quod non agnosco, & scio esse super  
sortem

fortem nostram. Affectum tamen tuum agnosco & amplector, nec nolo sic errare leuiter, qui doctorem me habuerunt, aut habent: hoc sine, vt ardentius amplectantur aut perseuerent, quæ præscripsi. Duxisse enim & præiuisse ad bona me spero, & porro volo mi Bæckmanne, vbi occasio aut facultas erit. De Oratio iam olim meo, spondere ausim, quod te amabit, iuuabit, pro copiâ suâ & Genio temporum: nec vltra te scio velle. Ego hoc vnum à te, vti me ames, & fratri tuo Canonico affectum hunc à me nuncies cū salute. Louanij, post. Non. anni noui ∞. Id. xcv.

## EPISTOLA XVIII.

Ariam.

FRANCISCO MODIO S. D.

**G**RATULOR rediisse mi Modi, gratulor, & animi mei vototibi adsum. Quando ad nos? inuise veteres tuas sedes, veteres etiam amicos: reperies & affectus veteres, nec temporum aut locorum interuallo mutasse. Ille quem amare me inuito solebas (liberè dicam) abijt

*Illic, vnde negant redire quemquam.*

Sed abijt & noster ille Victor, ingenio dissimilis, & totus puritas, candor, fides. Rogas de meis studijs. quid si iacere ea dicam, per tempora parum ijs amica? nec mirum, nec iniquum dicam: tamen, vt possum, erigo, & pars altera Militiæ me habebat. Machinas & instrumenta eius tractabam. O me vel in turbis beatum, quod animum abduco, & his oblectatiunculis pascō!

— *nihil amplius oro*

*Maiâ nate, nisi vt propria hæc mihi munera faxis.*

Eodem te, mi Modi, voco. nec ad elegantix illa solùm, sed sapientix studia: quæ & æuo huic, & ætati tuæ maturiori, sint apta. *Satis multum temporis sparsimus*, ait ille, *incipiamus in senectute vasa colligere*. In freto viximus, moriamur in portu. Fac, fac ô ad alta natum ingenium! & semper sic sensi de te, & magnum spondi. Quod autem in extremo me rogas, siquid in Cæsarcos scriptores habeam, communicem: parare te eorum editionem: ecce subiunxi. & amplius dico, siquid in aliâ re iuuare te, etiam re meâ possim, pete, & puta factum. Louanij, viii. Kal. Febr. ∞. Id. xcv.

In Vul-

In Vulcatij Cassio scribitur:

*Enumeravit deinde omnes Principes, qui essent occisi. dicens meruisse Neronem, debuisse Caligulam, Othonem & Vitellium nec imperare voluisse. Nam de Pertinace & Galbâ paria sentiebat, cum diceret, In imperatore avaritiam esse acerbissimum malum.*

Mirum de Pertinace hîc dici, & illum Galbæ etiam (quanto post Galbæ?) præponi. Sed magis mirum, hæc ab Antonino Imp. dici, qui Pertinacem antecessit. An ille de morte eius si fortè diuinavit? Putarem, de *pertinaciâ* Galbæ. & propriè significat vel tenacem nimis fuisse; vel & pervicacem in proposito non largiendi. Spartianus videatur eâ voce sic vsus in Severo: *Cognomen Pertinacis, non tam ex suâ voluntate, quàm ex morum parcimoniâ videtur habuisse.* Nam Pertinacem & Parcum æquiparat. Sed videndum ne ibi veriùs (ex sententiâ) *morum acrimoniâ*. Sic Capitolinus, in Albino: *Cum suis numquam cenauit, vel propter vinolentiam, vel propter morum acrimoniam.* Lampridius in Alexandro:

*Aulicum ministerium contraxit. ita ut annonas non dignitatem acciperent, sullones, vestitores, pictores, & pincerna, omnes castrenses ministri.*

Itane *Castrenses ministri* cum Aulicis hîc miscentur? atque adeo *pincernis* & id genus iunguntur. Vide num, *gastrenses*: *παρα τὸν γαστήρα*. qui, inquam, ventris ministri sunt. Ita Ammianus libro XXV. *Hyperochum antehac rectè gastrensis ministrum, id est ventris & gutturis.* An placet *secta gastrensis*? sed vox compâret. In Festo est: *Mugger dicitur à castrensi hominibus, quasi mucosus, qui talis malè ludis.* Suspicabar & hîc, *gastrensi*. quid enim talis, cum castris? qui illinc, vulgò certè, exsulabant. Atqui vulgi hoc verbum. Si tamen retines; tum placeat *telis* legi: & sic dictum ioco militari, qui in cottidianis proludijs siue exercitijs tela ignauè & languide mitteret. In Lampridij Heliogabalo:

*Vt ex totâ penitus urbe atque ex nauticis monobelos quærerent. sic eos appellabant, qui viriliores videbantur.*

Causam eius nominis haud assequor satis, nec nimis scrutor: sed mihi clarius esset, *onobelos*: quasi asinino telo insignes. Ita Commodus hominem habuit magnâ prominentiâ, quem *Onon* appellabat. In Capitolini M. Antonino:

*Cum agrotare cœpisset, filium aduocauit, atque ab eo primum petijt,*

C C c

vt

*ut belli reliquias non contemneret, ne videretur Remp. prodere. & cum filius ei respondisset, cupere se primum sanitatem, ut vellet, permisit; petens tamen ut exspectaret paucos dies, aut simul proficisceretur.*

A sententiâ corrigere admoncor, *cupere se primum ciuitatem.* Pater quidem filium Commodum hortabatur belli reliqua conficere; sed ille ad urbem adspirabat, quasi illuc imperium firmandum, & sedes eius occupanda. Sed reuerà deliciae & luxus eum trahebant: quod ex Herodiano disces, quem hîc vide. In sequentibus etiam lego: *ut vnâ proficiscerentur.* Cum vidit pater decretum ei ire; permisit, inquit, rogans tamen moram aliquam post suam mortem, ut nempe funere facto, vnam paternam & reliquias secum ferret: atque ita *vnâ proficiscerentur.* In Vulcatij Cassio:

*Scis enim ipse, quod Maiestatis hac natura est, ut videantur vim pati, etiam quibus probatur.*

Sunt verba ex ipsâ epistolâ Marci ad Verum, sed emendanda, etiam quibus parabatur: vel, & à quibus. Dissuadet Marcus puniri Cassium, etsi affectati regni & (ut loquebantur) Maiestatis suspectum. Causam dat, quia egrè persuaderetur alijs, quemquam hoc tentasse: & vim, inquit, atque iniuriam passi videntur, qui ipsam parabant. Hoc est, quod subiicit: *Non credi Principibus de affectatâ tyrannide, nisi interfectis.* In Capitolini Maximo & Balbino:

*Maximum igitur atque Balbinum, quorum vnus in re militari tantus est, uti nobilitatem generis splendore virtutis allegerit, alter ita clarius nobilitate est, ut & morum lenitate reip. sit necessarius.*

Constat maximum istum è nobilitate non fuisse: atque ipse Capitolinus mox addidit: *Maximo pater fuit è plebe.* Itaque legendum: *ut ignobilitatem generis splendore virtutis texerit:* aut si quis mauult, *alluxerit.* In Spartiani Hadriano:

*Omnibus Hispanis Tarraconem vocatis, dilectumque ioculariter (ut verba ipsa ponit Marius Maximus) detrectantibus.*

Imò tota hæc res iocularis non fuit: seriò actum, & puniti mox detractantes. Scribam ego: *populariter detractantibus.* In Lampridij Alexandro:

*Historicos eius temporis legant, & maximè Acholium, qui & itinera:*

*itinerà huius Principis scripsit.*

Conuenire magis censebam, *qui & intima*. Iterùm in Lampridij Alexandro:

*Antonini nomen suscipi mereatur, Senatus Antonini mereatur.*

Veriùs: *suscipe. Mereatur Senatus, Antonini mereantur.* Ohe, satis hæc suntο. *μὴ κόρη ἐλθὼν κρίση*, ait Pindarus. Vale.

## EPISTOLA XIX. *Leodicum.*

P. LEONARDO LESSIO, *Theol. Soc. Iesu S. D.*

**F**ONTES & ego te expectamus. Quid venisti vt sic abires, confors discriminis tantùm, & vix fructus? Redi cum bono Deo, ille aderit & securitatem dabit, fortasse & sanitatem. Turba quidem hîc nunc exigua, sed crescet: & illi ipsi qui Limburgi sunt, & vibices vinculorum adhuc gestant, illi, inquam, redeunt, & sperant meliora. Post latrocinium recens, viâ tutiores sunt, post tempestatem ferè serenitas: nobis, post periculum & fugam, quies & securitas adsint. Principi Electori qui à consilijs sunt, polliciti mihi tutelam, & nostri curam: nihil tamen adhuc factum cuius fructus appareat, & in oculos incurrat. Salue mi Pater, & tecum Smithus. Quandocunque venietis, cænulam vobis paratam apud me scitote, ex legibus Spadanis, tenuem, frugalem, cum fame dimissuram. Spadæ, iv. Idus Iulij ∞. Id. xcvi.

## EPISTOLA XX. *Antuerpiam.*

IOH. BRANTIO, *Graphiario S. D.*

**I**N ipsâ tristitiâ tuâ & luctu super paternâ morte, gaudium aliquod mihi fuisse, non possum mi Branti negare. Non quin dolori mihi dolor tuus fuerit, & seriò fuerit: sed quòd memoria mei in illi ipso adhuc actu apud te fuerit, & binis tuis litteris me compellaris. Benè factum, in tali sorte exprimit se animus & clarè ostendit quos habeat inclusos. Itaque hoc ipso video valdè me à te amari, quòd cogitationem & scripta etiam ad me mittas, & tacitè solatium aliquod petas. Vtinam dare possim, vt volo, mi Branti! si non pulsus dolor tuus, certè fractus esset, & talis à quo periculum non esset viro forti. Et si cur ego

dem? te ita cùm video, nihil opus: qui & legisti hæc omnia, quæ dici possunt & solent, & excerpta eorum quædam in epistolâ tuâ vtiliter sparsa cerno. Duo quidem sunt, quæ solari te maxime debent. & communis illa lex, quam fatuus est qui non cogitat, **DEBVISSE MORI**: & quod indulgentiâ quâdam & benignitate diuinâ diutissimè eo fructus es, & præter communem morem. Ad extremam ætatem parens ille tuus venerat, vidit in plerisque liberorum, quæ voluit: te coniugio, prole, officio florentem: quid ultra ei gaudij accedere potuit, imò quid non doloris? **Ætas** illa pessima subiecta tot incommodis, ætas hæc publica tot vitij aut cladibus: ut nihil nisi miseria propagari illi voluerit, qui vitam. **Votis**, votis prosequendus est cùm abiit mi Branti, ut feliciter & ad supera illa ierit; non querelæ interponendæ, nec reuocandus ad humum & miseria humanas. Quas qui recto oculo intueretur & diiudicat, prohi Deus quid in vitâ eum teneat aut iuuet? Sed fatui ita plerique & terreni sensus sumus, ut viuere tantum ut viuamus iuuet, & quia innatus aliquis metus est à solutione & morte. Tolle hunc, vitæ suauitatem sustuleris; & vereor ut plerique faciant, quod ille qui Platonis Phædone lecto properauit ad spontaneam mortem. Hæc & talia meditanda mi Branti: non dilato, quia & scire te scio, & spero usurpare. Nos Louanij iterum sumus Spadâ reduces, & penè in Bataviâ reduces, ut vis fuit & insidiæ hostiles. At Deus tutatus est, & velut nube me velatum ab ijs texit. Vbi dixi, v. Idus Sextil. ∞. IO. xcv.

## EPISTOLA XXI.

*Leodicum.*PETRO ORANO *1<sup>a</sup>.*

**B**EKEMANNVS ad vos venit, quem litteræ meæ non tam conciliant, quàm ostendunt. Vidisse eum & nouisse, amare est: ita sunt mores & ingenium adolescentis, addo & doctrinam super hanc ætatem. Doctrina autem ipsa melior politiorque est: in lure vestro sine sordibus aut scabritie, denique & à Græcis fontibus hauista. Siue erit apud te in contubernio, siue crebrò veniet, benignus ei meâ causâ esto; & tua audacter aperi, non priuati consilij solum, sed & publici. De fide, & arcani patientiâ, sponso-rem me cape. Filium tuum hîc erudiuit in Iuris rudimentis diligenter



diligenter & libenter : qui filius adhuc benè valet, & se gerit, spero & semper. Vale mi Orane. Louanij, prid. Kal. xbres, ∞. IO. xcv.

## EPISTOLA XXII.

IOANNI DRENCKWAIRTO, *Theſaurario ſupremo Regio.*

**C**VM ipſa liberalitas Fontani Comitſ mihi grata eſt, tum gratior te nunciante. Quid poteſt benignius, à tali viro? & affectu proſectò in me oſtendis, quem animo æſtimare magis & pendere poſſum, quàm ſermone promere aut linguâ. Quid autè gratias tibi agam? nec veteres quidem exſolui, & iamnùc tacitus mihi morſus eſt, quòd pro nupero beneficio pecuniæ annumeratæ, nihil feci aut dixi, quo internam hanc gratitudinem teſtarer. Certè enim ea in animo eſt, crede Vir Ampliſſime; & inter omnes Belgarum proceres, tibi fatemur nos obſtriçtos. Age, quæ benignitas tua eſt, amare imò & curare (ita enim facis) me perge: non quò magis tuus ſiam, quod vix poteſt, ſed quia generoſis animis ita inſitum eſt, beneficia ſua amare. Amp. & N. D. Regi & Reip. vale. Louanij, prid. Kal. Decemb. ∞. IO. xcv.

## EPISTOLA XXIII.

IOANNI DRENCKWAIRTO, *Theſaurario ſupremo Regio.*

**Q**UOD iamdiu inſueui, id facio; & cùm auxiliij aut opis egeo, ad te recurro. Fiducia benignitatis tuæ, in me toties declaratæ, impellit; tum etiam, quia iſta res eſt, quæ propriè te & tribunal tuum ſpectat. Nam cum Ærario regio mihi res eſt: quæ? vt id exhauriam (iocanti dabis veniam) & ego quoque inter publicas neceſſitates, vnà cum multis, veniam petitor. Cum multis, ſed in cauſſâ remotâ & propriâ, & vt ſtipendij ſemelſtris ſolutionem impetrem, quod Rex titulo Hiſtoriographi ſui voluit me ferre acceptum. Libellum communiter ad Senatũ veſtrum (ita moris eſſe audio) concepi: ſed tuâ auctoritate & gratiâ inprimis niti me fateor: ac rogo, vt pro affectu tuo veteri, Amp. & N. D. mihi conſulas, & rem hanc ex tardâ aut turbidâ expeditam reddas & tranquillam. Louanij, XII. Kalend. Sept. ∞. IO. xcvi.

## EPISTOLA XXIIII.

IACOBO MARCHANTIO S. D.

**L**IBRUM tuum & litteras vnâ accepi, etsi eundem librum aliquot iam septimanis antè à Moreto, sed ita vt ipse poposcirem: nam tenebat me (vt verum dicam) auiditas videndi. Vidi, legi, & vel publicè tibi velim dare testimonium, industriæ, prudentiæ, sed & eloquentiæ, pro historico quidem modo. Illud vellem (vt omnia dicam) diffusiores te alibi fuisse; non mihi, cui abundè hæc satis sunt, & neruosa placere solent, sed alijs, qui aut non capiunt hæc breuia, aut ad ea non excitantur. Cetera, in  
*\* Censor.* re accurata & inquisita sunt; nec moueat te, siquid *\* ἐξέτασαι* mutarunt, aut detraxerunt. Solet olim & nunc fieri, & sapientis est publicis his iudicijs suum dare. Illud doleo, nihil benignè adhuc in te factum ab ijs, qui possunt & deberent, si mens & indoles illa vetus esset. Heu sæculum, non pro nostris artibus! & ego, quem tu in copiâ amicorum, circumfluere aliâ copiâ censēs, in me sentio: qui nihil magnopere è studijs meis retuli, præter nomen & famam, & ea quoque à multis calcata. Quid faciamus? quod fecimus. si rectum honestumque est ista colere, perseueremus: & præmium in illisipsis, ac fructu nostro interno, ponamus. Mihi crede, aurifer ille Tagus non nobis fluit: quidquid conetur, & spem faciat amica ibi tua proles. Quam animo complector & saluto, fac tu & meis verbis, cùm scribes. Vale Vir Cl<sup>me</sup>. Louanij, post. Idus Ian. ∞. IO. XCVII.

## EPISTOLA XXV.

*Leodicum.*

HERMANNO MALLEANO S. D.

**B**INAS à te accepi, fateor, sed vnis tantum postremisque respondere mihi fas sit: tum quia occupatiunculæ ita suadent, tum quia in prioribus tuis nihil præter affectum in me erat, quem notum habeo, & item carum. Reponi cum pro meâ parte, semel scito. Rogas & angi te significas de valetudine meâ, præsertim in hac aëris intemperie, quæ multos in valetudinarium, multos in Charonium, apud nos quoque misit. Audi quod  
 gaudeas,

gaudeas, fatis valeo, meliusculè etiam quàm soleo: adeò in hac quoque re morbus meus singularis est, & extra leges communes abit. At horti quoque nostri rident & florent, sed subdolum, ut vereor: & proxima æstas funera nobis aut dabit, aut ostendet. Nam iam nunc esse arbitror, sed terra regit & occultat. De otio tuo sic honesto & industrioso, gaudeo & gratulor. Perge in istis, nec Electa illa (sic appellare soleo) omitte, segetem veram doctrinæ. Qui è variâ illâ lectione nihil colligit, seponit, disponit: nugas agit, & in acceptum pauca refert. Ordo cuique suus solet esse, nec in eâ re temerè præscribam: tuum illum serua, & minora quæ occurrent, in Alphabeti seriem distingue. Sed heus, te dubitare etiam de fato Bogardi, olim hospitis tui! ille verò vixit, & dum Bruxellæ essem, ante quatuor circiter septimanas, subito morbo extinctus est. Quid nouum? homo erat, & omnia in vna voce dicta. Te valere & viuere opto, mi Malleanc. Louanij, XIII. Kal. Febr. ∞. IO. XCVII.

## EPISTOLA XXVI.

*Brugæ.*GVILIELMO MICHIELSIO *J<sup>to</sup>* S. D.

**S**CRIPITIO tua, quâ beniuolentiam in me abundè testaris, pergrata sanè fuit: neque tarda, ut dicis. Nam scio multa interuenire in peregrinatione & itinere, ac priusquam stabilis aliqua sedes sit, quæ mentem à tali cogitatione auocent: tam mihi excusanda, quàm illud dolendum, morbum etiam inter causas fuisse. Sed benè, quòd fuisse: & meliorem firmiore in te nunc esse, eadem litteræ nunciabant. Utinam de matre tuâ eadem spes sit! quam ego vereor, uti hoc genus morbi est, ad lentam & certam mortem ire. Sed præcipe tale iam nunc animo, & illum firma atque erige in omnem euentum. Vitæ hoc salum, ut sic dicam, iam ingredi seriò incipis: pueritia & adolescentia tua lussit adhuc circa litus. Propone tibi & scito, multa falsa & amara euentura, sed quæ tamen voluptate aut amœnitate aliquâ summus ille Deus solet temperare. Vtraque modicè habenda sunt sapienti: hæc cum metu aliquo, illa cum spe, quia vtraque incerta, & vicibus suis mutantur. Idem in Republicâ tibi eueniet, cuius partem (& gratulor) nunc attigisti. Habeas, quaeso, illam ut publicam,

publicam, & valdè nunc afflictam pro viribus erige aut solare. In eâ quoque vices videbis, & Deum nunc vindicem, nunc fauorem: vt vel merita nostra sunt, aut consilia eius occulta. Itaque nec in propinquo quidem naufragio eius despera. ita homini videbitur, sed ille vno nutu attollet, qui omnia nutu suo regit. De Lernutio meo, grata quæ nuncias. amo veteri & fido affectu illum virum: & tempora si alia sint (spero, breui) ita viuam, vt ipse me, aut ego illum videbo. Vale mi Michielfi. Louanij, post: Kal. Febr. ∞. IO. XCVII.

## EPISTOLA XXVII.

*Coloniæ.*

CAROLO VTENHOVIO.

**E**PISTOLAS crebras ad me mittis, & nouo planè genere scriptas. Nam solutis verbis cum legere me censeo, & scriptura præferat, mox versum & vincula agnosco: nec tamen vel prima scriptione me fefellisti. Ita me Musæ, Musicum & lepidum hoc genus est, & quod pauci imitentur, nec nisi quibus pectus imbutum poëtica eâ copiâ, & stilus factus ad promendum. Mitte, mitte sapius, & nos oblecta. Scribis de Pannonico bello, quod feruet, & quid mihi videatur. Mihi? quod Principes faciunt, benè factum, nec in consilia illa inquiri. Videtur & necessitas fuisse bellandi, cum gens illa effera sic instaret, & identidem inducias ac pacta violaret. Sempérne contemni & calcari? Et tamen bellum magnum, anceps præuideo, & cum poëtâ,

*Eheu quantus equis, quantus adest viris  
Sudor?*

imò & sanguis: nec vno alteroque prælio res ibi decernenda. De exitu tamen benè sperem, quia causa bona est: & confidam etiam, si Germani, qui fuerunt, fient. Cum bonâ veniâ gentis dixerim, ab annis centum quæ mutatio, id est inclinatio facta? in robore, in opibus, in animis: nec dixeris esse vltra Martis illos pullos, & Homeri verbo, \*θυμολέοντες. Profectò fuerunt. nec olim & Romano solum æuo, sed Caroli magni, atque infra, persecurarunt. Ecce, in Fridericorum, Orthonum, Henricorum rebus, quàm multa egregiæ fortitudinis opera? Vnum in Friderici primi occurrit mirabile. Obsidebatur Tusculi Antistes Coloniensis

\* animo  
leonino.

nienſis à triginta millibus Romanorum, qui tunc Imperatori hoſtes. Ad opem ferendam, ceteris cunctantibus, Moguntinus progreditur, & *quingentos ſuos milites, cum Caſarienis oſtingentis* educit. Inſtruuntur acies, ſine aſtu aut fraude palàm certatur: fuſi fugatique Itali, & *ad quindecim millia ex iis caſa*. Res fide pænè maior: ſed eius æui ſcriptoribus adfirmata. Neque alibi ſimilia, ſi non paria, exempla deſunt. vt iure iactare & dicere Rudolſus Auſtriacus primus potuerit: \* *Se in qualibet mundi parte, cum electis* quattuor galeatorum, & *quadraginta peditum armatorum de Alemanniâ* millibus, ſtare inuictum: *æſtimans hos omnem multitudinem aggreſſuros*. En robora illius gentis: quid potentia & opes? paucis indiſijs colligendæ. Rudolſus Auſtriacus electus Imperator, cum Aqualgrani venit, coronæ cauſſâ: *occurrerunt ei Dux Bavarie, Saxonie, & alij cum viginti millibus equitum*. Multitudinem aliam hominum ſtrata publica, vſque ad tria milliaria, vix commodè recipiebat. Poſteà deinde, in Adolphi electione: *equos phaleratos habuerunt Moguntinus mille quingentos, Treuirenſis mille trecentos, Albertus dux mille quingentos: & vbi reliqua omnis Nobilitas vtriuſque claſſis? Vnus Fuldenſis Abbas ſexaginta millia bellatorum Imperatori præbebat in hoſtem*. Nec in hominibus tantum, ſed in auro & argento exuberabant. *Ciues Friburgenſes comiti (Rudolſo) domino ſuo, pro modicâ emendâ, viginti millia marcarum tradiderunt*. Item: *Ciues Columbarienſes regi Rudolſo, vno anno, librarum triginta millia tranſmiſerunt*. Paullò poſt: *Thuricenſes mille quingentas, Conſtantiænſes mille ducentas, Columbarienſes quingentas marcas regi Rudolſo dederunt*. Columbarienſes, præter hæc, *mille oſtingentas libras expenderant pro cibarijs & ſeruitijs dominorum*. Sed & quidam Imperatorum in pompâ & inſtrumento inſignes. De Carolo Bœmo Imperatore, Annales: *Erant omnia paramenta menſæ ſue ad comedendam & bibendam, & nauicula continens eleemoſynam illius menſæ, omnia de auro puro, nec quidquam inibi apparebat argenti: omnia autem inferiorum menſarum paramenta, etiam pro garcionibus, & curruſ ducens nauem continentem eleemoſynam, de argento fuerunt*. Ecce, in illius æui ſimplicitate, etiam ſplendorem, imò luxum. Omnia tamen ſuperabant Eccleſiarum opes, quæ pænè immodicæ tunc fuerunt. Vno exemplo oſtendam. Exſtat pars *Chronici veteris rerum Maguntiacarum, per Conradum Episcopum*: in quo recensentur

\* Verba ipſa in M. Alberto, eius æui.

\* Arcana, ſue mul-tiâ.

\* Arcana-gna & receptaculū vaſorum.

templificius vasa, vestes, ornamenta, Deus bone, cui sine stupore legenda? *Purpure, tapetia, dorsalia, palla, casula, tunica, insula, tiara, anuli, thuribula, grues, pelues, urcei, calices, gemmae*: tantâ copiâ, pondere, pretio, varietate, vt recensere deterrear: duo tantum ex omni cumulo excerpam. *Erant calices tres aurei* (auratos omitto:) *qui omnes habebant suas ampullas: & pyxidem ad hostias ex auro purissimo, & margaritis. Vno calice aureo solus Pontifex, vel praelatus Ecclesie in summis festiuitatibus utebatur. Alij duo, tantæ erant quantitatis, quod cum ipsis diuina mysteria nequaquam poterant celebrari. Erat enim vnus maior altero. minor habebat cum patenâ marcas auri electissimi octodecim: in cuius pede per circuitum erant pretiosi lapides valdè, & in patenæ circuitu limbus, qui & ipse gemmis non carebat. Calix maior quot marcas auri habuerit, nescio: certum autem est, quod spissitudo eius erat digiti, & per totum, tam in pede quàm suprâ, gemmis erat pretiosissimis adornatus. Habebat etiam idem calix duas ansas, quæ manus poterant implere leuantis. Huius patena talis erat latitudinis & spissitudinis, quod ipsi congruebat, & ipsa gemmis per circuitum decorata. Hic calix habebat altitudinem vnius vlnæ, & capere poterat dimidium sextarium vini: nec ab omni homine poterat leuari à terrâ. Alterum, quod eligo. inter varias Cruces, vna fuit lignea, auro optimo tæstita. in quâ imago erat aurea Domini crucifixi, quæ imago cuiuslibet hominis communis magnitudinem excedebat: concaua, sed multum spissa: cuius venter plenus erat reliquiis, & gemmis pretiosissimis. Dicebatur autem nec Romanum Imperium meliores habere. In huius imaginis capite, loco oculorum, erant duæ gemmæ quas carbunculos vocant, tantæ magnitudinis, vt duo vitelli ouorum, qui in tenebris coruscabant. Huic cruci inscriptus erat versus iste:*

*Auri sexcentas habet hæc crux aurea libras.*

*Et nota, quod vna libra habet duas marcas. Sic ergo erant mille & ducentæ marca auri probatissimi. Pro speciali huius auri examinatissimo valore, crux ipsa proprio nomine censebatur, vocabatur autem BENNA. Ex his mi Vtenhoui, robur, potentiam, opes, velut pertransennam vides: & quàm ab ijs ætas hæc defecerit, quæ non nisi in vitia & luxum surgit. Quæ causa mutationis? plures, nec lubet dicere. vnâ præcipuam à factionibus scio, quæ diuellunt iunctas olim vires: & Imperatori quid nisi precatiû panè ius & imperium manet? Sed produco scriptionem, voto non querelâ clauden-*

claudendam. — *ſet Capitolium*

*Fulgens, triumphaliſque poſſit*

*Roma ferox dare iura Medis.*

Vale. Louanij, Kal. Iunijſ. ∞. ID. XCVII.

EPISTOLA XXVIII. *Mechliniam.*

IANO BERNARTIO I<sup>do</sup> S. D.

**M**ELLUSCVLE mihi eſſe, aut potiùs minùs malè quàm fuit, hoc tibi nuncio: etſi vires aut alacritatem, quæ in ipſo iſto perpeti languore aliqua fuit, nondum recepi. Cùm Deo videbitur, fiet; aut eò me recipiã, quò noſter Berchemius. quem virum vnicè probum & litteratum nos amiſiſſe, fideli teſtimonio meo ſcito. Heu, quid iſtud eſt, virtutem & prudentiam omnem à nobis ſic abire: vitia, arma, barbariam manere, vel augeri? Iampridem vidimus, quidquid illud eſt, mutationem in Europâ & nobis Deum parare, & velut refingere velle hunc orbem. Sed hæc exſpectanda nobis ſcilicet, & ferenda mente, quæ fortes & peritos cæleſtium decet. Queri, mollitia eſt; reluctari, infania. Sed ad te, laudo quòd pedem figas in genere vitæ, quod Deum & fata quoque ſcire debes tibi impoſuiſſe. Aliud aliquod animo magis allubeſcit fortasſe: ſed quòd tibi, hoc illis quoque euenire ſcito, qui compotes ſunt eius, quod tu petis. Ij ſibi diſplicent, tædia & moleſtias ſuas habent, & fortasſe ad tuum illud acriter anhelant. Miſeria aut inſipientia noſtra! numquam deſiderijs aut iudicijs quieſcere, abſentia petere, præſentia contemnere; & vitam ſemper inter vota ſuſpenſam habere. Interea illa venit, quæ ad Berchemium vênit, & bonâ fide quietos ſemel ſilentſque reddit. At tu, mi Bernarti, viue & vale tuis. nam & augendum te breui aliâ prole ex famâ, an ex tuis litteris accepi? Louanij, IIII. Idus Iun. ∞. ID. XCVII.

EPISTOLA XXIX. *Bruxellam.*

OTHONI HARTIO J<sup>do</sup>.

**I**NTELLEXI iam nunc ex litteris Marchantij de obitu Caroli filioli tui, neque neſcio, ex communi parentum ſenſu, & tacitâ

DD d 2

quâdam

quâdam naturæ lege, te & matrem dolere. eoq̃ue manum stilo adinoui, vt breuiter, sed fortiter te solaret. Quem? virum vsu & doctrinâ, rerum humanarum peritum & gnarum. Quid igitur tam obuium, tam assiduum in ijs, quàm iste casus? Perambula cogitatione vrbis tuæ domos: rara est excepta, quæ familiam quidem & proles habet. Comparatione illâ inuenies, benignè etiam tecum agi, qui non plures amiseris: & plures sanè habes, atque vt diu in solatium & fulcrum instantis senij habeas, Deum rogo. Sed enim iste eminere genio & ingenio videbatur. Credo equidem, & hoc ipsum est cur hîc non perennârit: quia Deus ille optimus, optima ferè ad se trahit. Ad se, inquam mi Harti: & hoc caput alloquij, in superis beatisque locis filius tuus agit. Dubitare non potes: dolere igitur non debes, gaudere potius, si ipsum & bona eius amas. Atqui citò perijt. Quid hoc est? aut quantulum istud ipsum, quod longum nobis videtur? Triginta, sexaginta, centum anni, si cum volumine illo xui & cali comparentur, quid sunt? punctistitium, & vix mereantur hoc nomen. Nihil hîc diuturnum: & verâ imagine tibi exprimam nostram vitam? Vidisti fabulas haud dubiè actitari sæpè, atque etiam à iuuentute in scholis. Prodeunt reges, satrapæ, alia officia, & quidam satellites, ac personæ in speciem, & mutæ. Ecce alij diutius ex ijs hærent in scænâ, & loquuntur; alij ostendunt se tantum, & nec vocem edunt: simile nobis est, vario munere aut dignitate in theatrum hoc Vniuersi mittimur; alij silentio transimus, aut ostendimur tantum. Nihilo tamen deterior ille, qui in vili veste, qui non diu hæsit, quàm ille qui regem aut longum carmen egit. Apud Deum vita longa non optima, sed innocentissima: & eam filius tuus in purâ illâ ætate habuit, & nunc gaudium & triumphum. Adspicit te, & tuos, proque ijs orat & vota concipit: tu pone luctum, & patrem exue, indue Christianum, & virum. Cui rei quoniam & consuetudo & alloquia amicorum aliquid faciunt, ego & vxor vocamus amanter te & tuam ad nostros istos festiuos dies, & rogamus vt non negetis. Domus vobis mea patet, & totus hic animus: venite, possidete, valete. Louanij, III. Nonas Sept. ∞. ID. XCVII.



EPISTOLA XXX. *Augustam.*MATTHAEO RADERO, *Soc. Iesu*, S. D.

**E**T amicitiam libens tecum iungo mi Radere; & illi firmandæ, quod petis de Martiale, in parte effeci. Amicum me toti Societati vestræ esse, quidni profiterar? quæ prima litteris his alijque me imbuunt, quæ salutaria in omnem vitam præcepta dedit & præiuit. Amo hoc corpus, amo & membra: te inter isthæc, qui vel affectu tuo, vel iudicio de me, hunc affectum merebare. Et si de iudicio, noli attollere nimis mi Radere. ego me non vetari inter summos scio, sed inter medios incedere, paulò altiorē fortasse ijs qui serpunt. Sed de Martiale quod tetigi, rem ecce habes. quid rem? pauca verba & notulas, atque eas alibi fortasse notandas. Tu facito, & Censor esto: tum etiam siquid vltra scire me putas, pete, non grauabor respondere, & certè te amare. Unà etiam Pontanum, eruditum & disertum virum, collegam tuum, quem saluto. Louanij, III. Kal. xbres. ∞. IO. XCVII.

EPISTOLA XXXI. *Antuerpiam.*FRANCISCO SCHOTTO, *Senatori* S. D.

**B**ONAE fidei creditum est negotium, ut video, quod tam sedulò & maturè redditum est effectum. Tibi, & fratri tuo, hoc nomine debeo: & magis etiam pro affectu, quem in me ostendistis. Antuerpiam non temerè semper amaui, in quâ tam multi qui me amant. Coràm hoc nuper didici, atque abundè & largiter me vobis dedi. At tu & alij, inquis, queruntur de celeri discessu? Itane? amicè magis, quàm iustè profectò: & quæ vrbs me tamdiu tenuisset, non ipsa Bruxella, quæ patria mea esse vult, nec est tamen nisi incolatu. Alibi natus, ibi educatus sum. Sed confidite. si proxima ætas viuum & valentem me haber, mensem totum etiam vobis dabo, & conuiuiam: sed cā lege, ut semel in die epulemur, reliquum fabulis & fermunculis, aut etiam occupatiunculis, detur. Utinam frater tuus interea ex Hispanis adsit! quem virum iam olim noui, & quia noui, amo. est inter eos, qui rem non speciem in doctrinâ habent. Vale. Louanij, Non. Nouemb. ∞. IO. XCVII.

DDd 3

EPI-

## EPISTOLA XXXII.

EVERARDO POLLIONI, 174.

**L**AETVM me epistola tua reddiderat mi Pollio: ecce alteram ab amico aperio & lego, atque ibi triste illud de obitu parentis tui fulmen. Scio, & in animo isto sentio, ac quasi video dolorem tuum & complorationem: eò scilicet maiorem, quo melior ille tibi parens, & tu filius ei fuisti. Non sensibus solum & animis, sed domo & contubernio hærebatis: ut si amorem natura & sanguis non inderet, posset dedisse consuetudo. O triste discidium! sed soletur te mi Pollio, breue discidium: & quamdiu scilicet hæc terra & alienum domicilium nos habebit? Viue diu, & ita voueo: sed ut viuas diutissimè, quid nisi septuaginta, aut ut improbè, centum annos? Leue & breue est, si *Æuvm* respicis, quod fluxit ab æterno & fluct. O miseræ, ô vanas cogitationes nostras & curas! congerimus, ædificamus, libros scribimus, & eternitatem nobis quacumque viâ spondemus aut optamus. Quid tamen aut quantula ista sunt? quamdiu etiam sunt? non loquar de opibus & ædificijs, quæ statim æuo aut casu percut: ipsa illa Fama, bonorum ingeniorum morbus, quousque se producit? Aliquid de Cicerone hodie aut Senecâ: id ipsum variè, inter culpas & laudes: sed quot anni sunt? vix mille quingenti, aut paullo vltra. Caput ipsum ingeniorum Homerus, nomen vindicat & possidet à bis mille quingentis & paullo amplius annis. Enimuero quid hoc est? trigessimâ aut quadragesimâ stirpe potui eum attingere, & vide quid longum aut diuturnum vocemus. Cogitatio ista sæpè me & solata est, & crexit ad contemptum aut calcationem potius rerum fugacium, id est humanarum. Consolatio altera, à communi omnibus lege. Rideamus, si quis cum tributa populariter danda sunt, lamentetur, & sortem suam accuset. quid ita? quia omnes cum dant, non superbè solum sed stultè facit, qui se vult eximium aut exsortem. In hoc humani generis tributo cur non sic affecti sumus? cur fatuâ mollitiæ querelam & planctum miscemus? Hoc ipso quod homo natus es, mori natus es: & siquid vltra punctum, horam, diem, annum viuis, donum est non debitum, & in gratiâ ac lucro ponas.

ponas. At nos obliuiscimur, aut non attendimus, & in tot mor-  
tibus quæ cotidie occurrunt aut ingeruntur, vna aut altera nos  
mouet & deiecit, quæ nos tangit. Alij si percant, nihil noui aut  
mali est: si nostri, ô nos miseros, ô infelices! Verba aut inuen-  
tiunculæ non desunt, cur iniuria sit facta, cur Parca maligna  
fuerit: & vides sæpè ac rides, credo, in hac re scænam vulgi. Stul-  
ti, bis stulti, quod sumus cogitemus, & non magis miremur ho-  
minem subito, quàm florem mori. At tertio, diuina cogitemus.  
Ad meliora eundum est, ad puriora, lætiora, prauis, turbidis, tri-  
stibus his relictis. Si ad ea te aptasti, & viaticum (vt sic dicam)  
corrogasti virtutum & pietatis, quid malè te habet abire, aut a-  
lium abisse? Gratare, si sapis ô homo, plausu & cantu prosequere,  
qui non diu in salo iactatus peruenit ad beatum portum. Plu-  
ra sunt, quæ tu tibi mi Pollio dices. Ego ex animo in dolore tuo  
doleo, quem aliquem esse & cupio, & par est (neque enim homi-  
nem exuimus) sed temperatum nec longum esse, hoc suadeo &  
opto. Tu inquam tibi dices. quidni hoc sperem, qui mihi sic  
lubenti prædicas studium tuum sapientiæ & quietis? Exoscula-  
tus sum eam vocem. tu re effice, & nostri miserere qui volentes  
& adspirantes ægrè huc venimus. Scripta nostra vides inultum  
(ingenuè fateor) à vano trahentia: ô si meo iudicio & voto illa  
sint, quàm alia & diuersa sint? Verbum aut calami ductum non  
perdam in illis, quæ ad solam fortassè scientiam faciunt: occupet  
in istis, quæ ducunt ad duo dicta. Sapientia, inquam, me sibi  
mancipet, Quies interna & externa (si possit) habeat: sibi alij  
famam, honores, opes, cetera humana. Vt claudam, amo te mi  
Pollio in intimo isto pectore, & opus te meum esse (ita profiteris)  
non admitto solum, sed gaudens sub signo. Perge, perge in viâ  
quam pauci calcant, sed Deo & pietate ducibus, & per inteme-  
rata vestigia maiorum. Louanij, Nonis xbris. ∞. 10. XCVII.  
Nam tuas litteras satis serò accepi, & heri demum.

## EPISTOLA XXXIII.

*Lutetiam.*

GVILIELMO BARCLAYO S. D.

**A**T tu files. vbi promissa de Iliade aut Chiliade ad vnam  
lineam nostram? Expostulo. cò magis, quia materies illic  
scribendi,

scribendi & seges, quam defectam referas in horrea nostra. Ab alijs de te cur audio, quæ non à te audio? Morfus & versiculos in doctores aduenas vidi, nec sine stricturâ nominis mei. Parum est. tu modò rectus perge, nec deiicere, sed nec deflecte aut siste ad repugnandum. Monui antea, & iterò : modestia est, quæ te gratiosum exteris, quæ magnum etiam faciat & seruet. Ad contentiones si venit, clades erunt, & Thebana aliqua pugna, in quâ victi victoresque plorent. Miseri homines, cur eò inclinamus? malitia est : vince, & quam dixi modestiam & frigus, ac me, ama. Louanij, ∞ . IO. XCVIII.

## EPISTOLA XXXIII.

*Augustam.*

IACOBO PONTANO, Soc. Iesu.

**I**N summo hoc frigore, cuius ego quidem impatientissimus sum, calfecit me tamen amica tua scriptio mi Pontane : & excitauit non ad scribendum solum, sed ad redamandum. An non talem virum? inclino iamdiu, & ipse quod tu voluisti volui, ex quo scripta tua prima vidi : quod fuit Augustæ Treuironum, ex dono & beneficio Principum Bauariæ, quos transiens ante septennium illuc salutaui. Ab eo tempore, credes mihi hoc Pontane, & memoria tui inhæsit & probatio : atque idcò facile accendere hanc materiam, igni sic paratam. Quæ tu portò in me nimis benigno corde & ore laudas, scito pauciora omnia esse : dare tamen operam vt sint, imprimis Modestia & Probitas, quas ego æstimo & tollo super nomen omne litterarum. O institutionem vestram olim mihi vtilem ! inhæret ea & inhæsit, atque illa Pallas fuit, quæ inter tempestates, imò naufragia, seruauit hunc Vlyssæm. Eadem iudicium & sensum istum ad virtutes formauit, quas vtinam sic indipisci, vt sequi, detur ! sed conandum est, & Deus manum dabit. Is te mi Pontane seruet, & inter nos mutuum hunc amorem. Louanij, x. Kal. Febr. ∞ . IO. XCVIII.

EPI-

## EPISTOLA XXXV.

*Lutetiam.*STEPHANO TURNÉBO *Senatori S. D.*

**T**RISTE mihi auditu fuit, de Hadriani fratris tui morte, triste: & pænē sic, quasi alterum illum, tuum & Musarum parentem, iterum amisissimus. Nam & amicitia iam inter nos vetus satis, & certē fida, coāluerat: & raritas ibi nunc talium, à clade istā funesti belli. Solatur tamen, quòd & malis temporibus optimus ille subductus sit, & ne in virtutum & artium bonarum isto naufragio diutius iactaretur: solatur, quòd & tu in locum & vicem eius sic vltro venis, germanus Turnebi sanguis. Veni, parent animi huius fores, & affectui tuo velut brachia pando & occurro. Sicut agricola in locum amissæ arboris aliam subserit: sic nos in amicis oportet. Equidem & corporis huius oculis vsurpare te, atque alios insignes ibi viros, aueam: & spēsne est, vt vel obiter fiat? Aliqua, cūm pacem hanc video: maior, si valetudinem non videam, inclinantem & de ruinā (cur dissimulem?) minantem. Sed siue viuo aut morior, vestri amans viuam moriarque: vt tu mei, per parentis, & nunc fratris, magnos manes precor. Louanij, postrid. Kal. Sextil. ∞. ID. XCVIII.

EPISTOLA XXXVI. *Antuerpiam.*IOANNI MORETO, *Typographo celeberrimo.*

**B**RUXELLÆ fuimus, ADMIRANDA obtulimus, grati fuimus: quid vltro? inquires. Hoc satis: & cultum hunc atque alium Principibus debemus; & iamdiu imbibi bonum, quia bonum, amare. Externa ab his internis expetere aut exspectare, inscitia sit: & cum alio æuo hæc fuerunt. Qui nunc, inquam, hæc querit, audacter ei edico abiicere

*Hæc studia, atque omnes delicias animi.*

Recudere te autem ADMIRANDA nostra, mihi gratum sit, priusquam alibi alij. Factum in quibusdam meis in Italiā aut Galliā: & indignor, aut si nō licet, doleo. quia & perperam multa; & mihi ipsi præripiunt castigare quædam, aut recēdere. Quid? polita omnia, & sub ascia, vt sic dicam, à nobis dedicata? Non

E E c

hercules.

hercules. neque ita me *ludit amabilis insania*: neque sum ille ubique

*Candidus, & talos à vertice pulcher ad imos.*

Næui alibi, nodi, laxa quædam aut manca: & præoptem eluere, dissoluere, adstringere, adimplere. Nescio enim quomodo facilius hæc diiudico & arbitror, nitidè excusa à vobis, quàm confusè à me scripta. non enim exscripta: & primam ferè manum nostram semper habes. At isti properi impediunt: calumniæ aut petitioni me exponunt. Nosti hodiernum \* τὸ φιλεπίτιμον. & quàm multi, qui legunt hoc tantùm, vt carpant? scire abnuunt, & sumunt iudicare.

\* cupidum reprehendere.

— *hic nigra succus lolliginis, hæc est*

*Ærugo mera.*

Iam nunc expertus in quodam altioris ordinis, qui luminibus meis ædificio suo sublimi obstruxit scilicet, & titulum mihi ereptum inscripsit. Faciat ipse, aut alij: quid lædunt? non me quidem. sed vt Sarpedon ille apud Homerum, hastâ petens Patroclum, equum eius iugalem interfecit: sic isti non me tangunt, fortasse impetum & velut ardorem illum animi prosternunt, quo ad honesta vehebamur. Etsi nec istum, & melior mentis ignis fuscitat, siquid soporis infuderunt. Sed abeant hæc, & valeat: ego vt istud, ad vos adspiro. Quando? quàm maturrimè potero. nam etsi domi etiam nunc vincula, nec aperti carceres;

— *tamen istuc mens animusque*

*Fert, & amat spatii obstantia rumpere claustra.*

Semper ego non apud vos solùm hilarior, sed à vobis melior redeo: gratia amicis & tibi, qui sic comiter habetis. Tibi, cuius domo, cuius mensâ vtor, pascor: an non hereditarium tibi onus? Nam cum Plantino, heu illo nostro, tessera hæc mihi sancti hospitij: cum vxore post illum: & te liberem, vtriusque heredem? Amice, ego tamquam polypus hæreo: per anticum emitte, per posticum insinuabo. Rides. & veni securus ab hoc metu, inquires. Scio, veniam: & fors sit scriptorum aliquid mecum. Vale, cum tuâ carâ & caris, quos saluto. Louanij, viii. Kal. Octob. 1608. IO. XCVIII.

EPISTOLA XXXVII. *Antuerpiam.*IOANNI BRANTIO, *Graphiario S. D.*

**S**OCERVM tuum libens vidi, mi Branti, virum prudentem, probum, patriæ amantem. Cuiusmodi paucos hodie habemus: & multi res suas agunt & augent, communium prætextu. Enimverò, spes sub nouo hoc Principe & statu noua ac melior nos respicit: si tamen & pax ab Angliâ affulget. Si non illa, & Bataui idem perpendunt: quam Salutis arcem vides? At sunt qui etiam de Regis nostri fato, sanè importuno (si ita est) narrant. Id verò fuerit omnibus consilijs nostris, si non turbandis, certè tardandis. Deus adiuua, & miseros Belgas tandem solatij aliquâ aurâ adspira. De Orteliano Epitaphio, tecum volo: sed languor meus mentem aut stilum vix erigit: & occupor, si vñquam. omninò tempore mihi opus, vt semel & opportunè fiat. Vale mi Branti. Louanij, VII. Idus Septembr. ∞. MD. XCVIII.

## EPISTOLA XXXVIII.

IOANNI DRENCKWAIRTO, *Thesaurario.*

**V**ENIT ad me Balduinus tuus, planè meus futurus, quia tuus. Nec aliâ commendatione est opus. In studijs eius dirigendis prima nunc cura erit: & placuit valdè iudicium tuum de Græcis. Profectò, vt hodie iudicia sunt & exacta eruditio, nemo in aliquâ classè, qui linguâ eâ non sit saltem tinctus. Et vsu etiam suum, immò dixerim necessitatem, in omni ferè scientiarum genere habet. Itaque discet: sed non apud alium, quàm me præceptorem. nam domi exercitia, & quasi gymnasium eius linguæ habemus. De Philosophicis, mihi satis videbatur cum ad disputationes sæpè ire, quæ publicè in Collegijs habentur: atque ea optima ratio est & repetendi, & examinandi. Superest Iuris studium, quò credo cum destinari. & putem satis esse primo hoc anno, si Institutiones audiat, nec longiùs in illud pelagus se mittat. Nam stilus, & eloquentia etiam aliqua assumenda sunt, atque vtilissimæ huic in omnem vitam parti dandæ suæ partes. Hæc ita faciemus, nisi ipse aliquid mutas: & paullatim ac per gradus optimam indolem (ita mihi videtur) ducemus ad op-

E E c 2                      tima,

tima, & scientiarum laudatum illud culmen. Deum precor, ut  
 adspiret: eundem ut te, Amplissime & Nob<sup>me</sup> Domine, Principi-  
 bus, & rebus nostris diutissime incolumem seruet. Louanij,  
 VIII. Kal. Feb. ∞. MD. XCIX.

## EPISTOLA XXXIX.

HYBERTO AVDEIANTIO.

**I**N domum meam cum venturus sis (ita uterque volumus:) quid præcipui muneris tui futurum sis, non ignoras. Prædixi. à manu, lectione, & studijs mihi eris: alijs functionis, quæ ab ingenio aut instituto tuo discordet, immunis. In excipiendo autem aut describendo, dixi Orthographiam aliquam nostram sequi & scire te debere: sed & vsum distinctionum, qui nobis frequentatur. De istis hauebas discere: & quamquam ad quædam in publico Dictata te remitterem, tamen ecce ipse operam hanc tibi iterum subij, & scripto complexus sum quidquid huius rei, pro meo sensu, esset. Lege, sequere & vsurpa. *Distinctio duplex, Sermonis & Scripti.* Illa, quam in pronunciando adhibemus, & per interualla sustinemus, suspendimus, aut deponimus sermonem. Comma sustinet, Colon suspendit, Periodus deponit. *Hæc virtus Distinguendi* (ait Fabius) *fortasse sit parua, sine quâ tamen esse alia nulla in agendo potest.* En momentum, quod in Sermone habet: quid si maius etiam in Scripto dicam? Nam hercules confusa tota lectio & intellectio, nisi notæ suæ diuidant & quasi manuducant. Quid igitur ea est? *Notandi certa ratio, quâ secamus & partimur scruptionem.* Ea quæ veteribus fuerit, quærunt: ego amplius, an fuerit, quæro. Nam prisca omnia monumenta, lapides, tabulæ, æra legum aut orationum: in quibus omnimoda adhiberi ea potuit: nullam præferunt aut habent. Nisi hanc tamen, quâ singula verba punctis suis disparant & secernunt: sed punctis vniufmodi semper & pari formâ. Quæ res, ut verum fatear, turbet magis & sistat lectorem, quàm transferat & adiuret. Quod de lapidibus dico, ad libros etiam priscos traho: nec in ijs Distinctionum illæ variantes notæ. Ut alios omitam, exstant nobiles illæ Pandectæ Etruscæ, à Iustiniani æuo: quære, non dabunt. Quid ergo? ante Iustiniani æuum non fuerunt? mox videbo:  
 sed



sed tamen antiquitus omnino, haud puto. Atqui Cicero & alij videntur agnouisse. vt Crassus apud eum loquens inducitur: *Non librariorum notis, sed verborum & sententiarum modo, interpunctas clausulas in orationibus veteres esse voluerunt.* En notas a librariorum, & quidem in clausulis, & gratiâ interpungendi. Idem pro Murænâ, in Iuriconsultos illudens: *eos in singulis literis, & interpolationibus verborum occupari.* Significat sensum mutari, & cautionem vel cauillum esse, ex interpunctis. Quid Seneca, nonne clarè? Nos, inquit, *etiam cum scribimus, interpungere solemus.* Ecce interpuncta, & quidem solennia in scribendo. Hæc sistant, aut viâ illâ sententiæ eiciant: sed nescio an prouidum & sagacem. Nam prior Tullij locus possit planissimè altrouersum duci, quasi dicat Veteres idè non v'surpassè in clausulis interpuncta, ne ea potiùs, quàm modum & modulum, in verbis, considerarent. Locus alter, dicat Iuris interpretes in minutis occupari, scrutari in contractibus apices litterarum, & puncta verborum: quia nempe ambigua sæpè hæc ista, & ad anteriora aut sequentia ducenda. Id enim eueniebat in illis solitarijs punctis, quæ verba, vt dixi, singula, non membra aut sensus secernebant. In Senecâ hæreo. & an dicit, spiritum stilumque hominis naturaliter etiam pausare in scribendo, & interquiescere cum sententiâ: non rapidè semper, & torrentis vicem, ferri? Profectò dicit: vide. Nam tota eius dissertatio est, contra præcipientes illos & effusos in loquendo, & cursu verba conuoluentes. Quando igitur origo? nam res tam utilis, &, quod caput, tam obuia, ad quam Natura ipsa ducit, non debuit, non potuit diu quæri. Dicat aliquis sub Hadriano cœpisse. quia in Suidâ lego de Nicanore quodam Grammatico eius æui, scripsisse *περί σημείων τῶ καὶ ὁδῶν βιβλία ἕξ*: De interpolatione in genere libros sex: itemque partitè, *περί σημείων τῆς παρ' ὁμήρω, καὶ τῆς ὁδῶν καὶ ἀντιθέσεων*: De interpolatione apud Homerum, & apud Callimachum: neque aliud egit aut scripsit, ita vt per iocum *σηματίας*, Interpunctus aut compunctus (seruile conuiciû est) vocaretur. Potuit igitur tunc agitari de inducendâ, etsi nondû vulgò inductâ. Certissima quam reperio, mentio est in Diomedè Grammatico: qui *apositionem puncti* (ita loquitur) in triplici differentia agnoscit. Differentia est, quæ clariùs apud Cassiodorum sic expressa: *Sed vt his omnibus addere videaris ornatû, Posituras quas Græci θέσεις vocant.*

111. De Orat.

In uocabulo.

Lib. 11. cap. De Pronunciat.

Lib. 1. Infit. Diniuat. Lect.

cant, id est puncta breuissima pariter & rotunda, & planissima, singulis quibusque pone Capitibus, præter translationem sancti Hieronymi, quæ colis & commatibus ornata confisist. quoniam illustrem faciunt orationem, quando suis locis aptata resplendent. Nam si corpus nostrum indiget per membra cognosci, cur lectio, cum suis partibus videatur esse distincta, confusa relinquitur? Iste quidem Positura seu Puncta, quasi quedam via sunt sensuum, & lumina dictionum, quæ sic lectores doctiles faciunt, tamquam si clarissimis expositoribus imbuantur. Prima est, Media; secunda, Subdistinctio; tertia, Plena. Quas à maioribus nostris idèò constat inuentas, ut spiritus longâ dictione fatigatus, vires suas, per spatia decreta (siue discreta) resumeret. Quas si maior cupidus lector agnoscere, Donatum lege, qui te possit de hac re, breui compendio instruere. Pleraque omnia hîc habes: Nomen, Vsum, Discrimen.

Lib. I.  
cap. XII.

Nam veteres Posituras vocarunt: atque ita Isidorus. Positura, inquit, est figura ad distinguendos sensus per Cola, & Commata, & Periodos. dicta, vel quia punctis posit is annotantur, vel quia ibi vox, pro intervallo distinctionis, deponitur. Ex nomine nouitio (hoc quidem sensu) vides rem non esse perantiquam. Addit Vsum, qui liquet. Discrimen deinde, triplicem eam esse, Mediam, Subdistinctionem, Plenam. Isidorus autem ita: Sunt tres Positurae. Prima Subdistinctio dicitur: eadem est Comma. Media distinctio sequens est: ipsa est Colon. Ultima distinctio, quæ totam sententiam claudit: ipsa est Periodus. Talia Diomedes: & consentiunt etiam in Notis, quæ, Isidori verbis, sunt istæ. Vbi in initio pronuntiationis necdum plena pars sensus est, fit Comma: Punctusque ad imam litteram ponitur. & vocatur Subdistinctio, ab eo quod Punctum subius, id est ad imam litteram accipit. Vbi autem in sequentibus iam sententia sensum præstat, sed adhuc aliquid superest, fit Colon, mediamque litteram puncto notamus: & Mediam distinctionem vocamus, quia Punctum ad mediam litteram ponimus. Vbi verò iam per gradus plenam sententiæ clausulam facimus, fit Periodus: Punctumque ad caput litteræ ponimus, & vocatur distinctio. Vbi vides aliam à nostrâ distinctionem fuisse, quod ad notandi posituram aut signum. Nam idem Punctum manebat, sed locis variabat. In fine Cassiodorus remittit ad Donatū: & sunt eadem ista etiam hodie in illo mutilo & fracto. quid opus verba reddere? Nos variasse isto quo, nō ignoras. & viros doctos plenius paulo distinxisse, in Comma, Semicolon, Colon, Periodum. Comma, vbi minima

minima respiratio est, & semicirculo notamus, . *Semicolon*, ubi paullo maior, nec ad Colon tamen accedit, notamusque, . quod locum sæpe habet in *Contrarijs*, aut *Disiunctis*, aut variâ *Partitione*. *Colon* autem, sententiâ in parte perfectâ, sed etiam crescente, & signamus duo puncta: At *Periodi* nota est punctum, longæ siue brevis. Nam & breues *Periodi* sunt (in epistolis creberrimè) quasi membra: & hæc ipsa punctus signet: sed cum discrimine, ut grandiore capitali litterâ non excipiantur. Ista de *Distinctio* ne veteri, & nostrâ, sed in unâ *Periodo* aut sensu. Est alia, quæ veterum fuit, nunc desijt, meo voto reuocanda. Per versus libros diuidebant, & curiosè librarij subnotabant: quod vetus esse, & ab Asconij, id est Claudij ævo, apparet. Nam is in *Commentarijs*, verba Ciceronis cum citat & aduocat: *Versu*, inquit, à primo DCCCL. Item: *Versu circiter* ∞. XI. iterumque: *Circa versum* à primo LXXX. *Versus* appellat. ut & Græci εἴς. Nam ita *Diongenes de Aristotele*: *Libros eius omnes continere* μεράδας εἴχα τετραεες, & τετραράκοντα, πρὸς τοῖς πενταχίλις & ὀκτοσίς ἐξ ὀμνικόντα: *quadringenta quadraginta quinque millia versuum, itemque ducentos septuaginta*. Item de *Chrysippo*, qui πολὺν χρόνον αὐτὸς fuit, in diem scripsisse *versus quingentos*. *Plinius de Zoroastre*: *vicies centum ab eo millia versuum condita*. *Galenus*, *Lyci cuiusdam commentarium se legisse, adeo prolixum, ut quinque millia versuum contineret*. In *Diuo Hieronymo*, epistolâ ad *Magnum*, oratorem Rom. *Scripserunt contra nos Celsus atque Porphyrius: priori Origines, alteri Methodius responderunt. Quorum Origines octo scripsit libros, Methodius usque ad decem millia procedit versuum*. Iterum ad *Damasum*, *Episcopum Rom.* *Quos mihi iam pridem dederas Laetantij libros, ideo non libenter lego, quia & plurima epistola in eis usque ad mille spatia versuum tenduntur*. Denique *Iustinianus* in *Pandectis* suis *quindecim myriades versuum esse*. Ex quibus omnibus liqueat, certam & perpetuam distinctionem in *Versus* fuisse, in omni volumine & descriptione reperiendam. Sed fueruntne igitur veri *Versus*, siue lineæ? Hæremus. si fuissent, quomodo in membranâ aliâ atque aliâ sic caderent? quomodo in litterâ maiore aut minore, ut solet? Nisi quis putat aut variasse per libros: aut certos modulos cuique volumini tributos, quos velut lege seruarent. Tale aliquid *Isidorus*: *Quædam nomina librorum apud antiquos certis modulis conficie-* Lib. vi.  
*bantur.*

Prefac. in  
Ili.

Prolog. in  
Paralip.

Lib. i. In-  
stit. diu.  
Lect.

Ita Esai.

In Orat.  
ad Brutum.

bantur. breuiore formâ Carmina atque Epistole, at verò Historia maiore modulo scribebantur. An satis huc faciat aut firmet, nescio: possit tamen aliquis & Versus explicare membra minuta, & sectiones sic institutas. Hieronymum auctorem habeat. qui alibi *Prophetas versibus descriptos* à se fatetur: & communiter de libris Sacris, *Silvam nominum, sensuumque barbariem per cola versuum digessisse*. Neque aliud sanè vult, quàm quod Cassiodorus: *Primum D. Hieronymum, propter simplicitatem fratrum, colis & commatibus ordinasse translationem suam*. Et idem alibi: *Translatio sancti Hieronymi colis & commatibus ornata consistit*. Ergo idem isti *Versus* (Hieronymo quidem) quod *Cola* & *Commata*: & quid autem ista? nil nisi *Membra*, & *Sectiones*. Nam sic hodieque *Biblia* illa *Sacra* vtiliter legimus distincta, & ipsi *Versus* appellamus. Notat autem idem sanctus scriptor, exemplo prisco se hoc fecisse: *quia idem*, inquit, *in Demosthene & Tullio fieri solet, ut per cola scribantur & commata*. Caue acceperis de Interpunctis, eo nomine: fallèris. quod dixi intellegunt: & ita Demetrius definit, *Colon, aut simplicem periodum, aut composita periodi partem*. Ita Cicero *Commata* sententias accisas & breuiores, sed plenas: ita & Hermogenes genus tale sermonis, *κομματικὸν καὶ ἀλεκτικὸν* appellat. Hæc igitur fuisse videntur. si non; vt nunc sint, & exemplum illud Hieronymianum vsurpetur, consilium meum sit & votum. Valdè ex vsu lectorum, & eorum qui excerptum aut subnotatum aliquid volunt, hoc esset. cùm ecce Liuium, Ciceronem, tales, non nisi per libros aut orationes diuisos habemus: & longum nec promptum in totis ijs aliquid quærere; facile & obuium, si Versus designarent. Industrius aliquis vir facere debeat, & Typographi imitari. Vale, & ad nos quàm maturimè veni.

## EPISTOLA XL.

Vltraiectum.

HADRIANO VANDER-BVRCHIO S. D.

**O** SCVLA tua & OCVLOS accepi, & FVNERA mox & TRISTIA, quæ decorè subiunxisti. Æterna ita lex est, vt hæc in vitâ & vsu temperentur: benè ergo & in Carmine, quod imaginem illius habet. Grata fuerunt, vnâ re minùs, quòd inissionem eam excusandam putasti. Apud mène? qui semper talibus lector,

lector, vel pascor veriùs : & certè non sèpè nunc, vt æuum est, ingeruntur hæc mella. Ferox ille Mars, qui regnum possidet, animis ferociam & duritiã inferit, & abducit ab omni cùm humanitate, tum humaniorum artium cultu. Patiamur, quæ non mutamus. At de EPISTOLIS meis, etiã mne illæ vobis visæ? & tibi placuisse significas : non aliis fortasse, siqui alieni sunt à nobis. Vtinam religionis illa causa, id est res capitalis, vos nō diuidat : cetera dissimulari possint, etsi non probari. Quando autē emendari? leuis & frigida spes, si homines video; si Deum, magna. Vtinam nos modò emendemur, &

*Per nostrum liceat scelus*

*Iracunda Iouem ponere fulmina!*

Sed de EPISTOLIS, alias paramus : neque temerè tamen vos amicos immiscemus, ne beniuolentiæ specie noceamus. Vale V. Cl. & fratrem tuum V. R. Decanum saluta. Louanij, VIII. Kal. Maijas, statim vt tuas accepi.

## EPISTOLA XLI.

*Bruxellam.*

IO. CAROLO ÆNOBARBO, V. N. S. D.

**S**ERIVS omninò epistolam tuam accepi, non amoris solùm, sed curæ de me plenam. Cùm enim Antuerpiæ fuisset, itemque dies aliquot Bruxellæ vestræ; ecce reuerso demùm epistola ea mihi reddita, cui alioquin animus & ratio erat vel statim respondere. Hoc igitur excuso, & ad rem nunc ipsam pergo. Ais te audisse de itinere meo in Italiam, & parùm probare significas, imò libero & aperto ore (hoc quoque amici) dissuades. Vt tibi totum sensum meum aperiam, diffundam me paullùm, & in hoc chartaceo æquore exspatiabor, te, vt spero, fauente aut certè non sistente. Igitur de migratione aut mutatione aliquâ consilij aut status, hoc imprimis cogitare te deprecor : neque est tale aut fuit, & in istâ præsentî meâ conditione & patriâ aquiesco. Quid enim alibi quæram aut spectem? opes? modicæ obuenerunt, sed quas animus iste (audacter dicam) magnas facit, in minoribus etiam magnus. Fines mihi habendi iamdiu posui, & quod naturæ satis est, etiam cupiditati. Sed mihi vltà obuênit, & ad morem etiam viuere possum, non solùm ad naturam. Ergo ab eâ parte

FFf

nulla

nulla causa migrandi aut innouandi. An ambitio fortasse impellit? & famam nouam apud nouas gentes querimus? Liberè dixerim, adesse eam super vota, non solum super merita: & vnum illud mihi curæ esse, non vt augeam, sed vt coërceam, ne in vana aut ventosa effundat. Itaque ab vtriusq; isto telo an stimulo non impellor: quæ autem vera causa consilij mei, candidè & simpliciter audi. Annus Sæcularis ille facer instat, qui ex omni terrarum orbe Christo sacratos hominès ad se euocat: ecce inter illos ego sum: cur non fas obire & frui hunc Pietatis fructum? Ego verò fecero, eò iustius propriusq; quòd onera domi non sint, quæ remorentur aut sistant. Nulla iuuenicula vxor, quæ humentibus oculis abeuntem detineat; nulli parui liberi, qui collo se innectant & ingeminent parentem. Pietatis hoc studium liberum est: & propior aut iustior nulla ratio, quæ sistat. At causa etiam altera, Valetudo. Tredecim amplius annos in tristi eâ sum & aduersâ; vitam nec vitalem, vt sic dicam, viuo; & traho magis spiritum, quàm ducō. Quis ille baro mihi inuideat aut obiciat, si refouere eam vel instaurare peregrinatiunculâ tentem? At enim tenue aut infirmum mihi corpus, nec par molestiis. Agnosco, sed hoc quoque vsu didici, illud ipsum assurgere & excitari per viâ & motum. Melius notabiliter habere soleo, cùm ambulo: & ideò iure hanc veniam peto, vt ij qui viuere me volunt, patiâtur transferri & moueri. Denique causa tertia, viri Principes qui inuitant. Humanitatis est iis se dare, & animum flectere ad desideria aut imperia illorum. At, inquires, illi ipsi te illigabunt & sistent, & hoc amicos tuos angit. Audio, fateor, ab aliis metus similes: & timere me aliquid inducat communis hic timor. Cùm tamen oculos ad me & hoc animi decretum reflexi, ridere magis subit, quàm vereri. Egone vt in hac ætate, & quod caput est in hoc languore, ad sedes me dem & spes nouas? Iamdiu in ipsâ patriâ meâ rudem cogito, & mereri me autumo: transibo, & includi me patiar, in nouum ludum? Non faciam mi Ænobarbe: apud me, apud meos maneo: & nisi Fatum aut Vis interceptiunt, intra paucos menses Belgis me reponam. Deum rogo, vt ita sit: te autem, vt hanc esse mentem meam credas, quam ipsam tibi aperui, remoto omni simulationum velo. Vale Vir Nobilis & Cl<sup>me</sup>. Louanij, viii. Kal. Iul. ∞. Io. xcix.

## EPISTOLA XLII.

IOANNI DRENCKVVAIRTO, *Thesaurario.*

**S**ICUT inter primos consilij mei de peregrinatione Italicâ certiore me feci: ita nunc debeo de impeditâ eâ, aut suspensâ. Litteras ex Italiâ nudiustertius accepi, quibus significant & pestem in aditu atque ore Italiæ sæuire incipere, & metum esse ne in reliquum corpus peruadat. Imò iam in Ferrariensi tractu initia etiam esse. Itaque addunt deliberari Romæ, an sacer annus in alterum sequentemque non sit prorogandus. Hæc causâ iustificimè facit, ut tardem in hoc itinere, & in Veris saltem tempus protollam, aut & totum omittam. Nam cur apud te dissimulem? Animus auct & impellit peregrinari, sed corpusculi huius imbecillitas & pertinax inualerudo, cum ad iudicium redij, dissuadent. Ergo de cognato tuo nihil ultra, nunc quidem, cogitandum. maneat, studeat, ad metam suam eat. Quod cum bono Deo facturum eum spero: utinam nos publicè ad optatam illam metam Pacis! nec despero in Principum aduentu. Ampl. & Nob<sup>re</sup> Domine, Deus te Reip. & Principibus, sed & nobis, ætatem seruet. Louanij, VIII. Kal. Sextil. ∞. 15. XCIX.

## EPISTOLA XLIII.

*Antuerpiam.*

PETRO LAFAILLIO, CAROLI F.

**E**PISTOLAM perbenignam à te accepi, inopinatam, & ideo magis gratam, quia iuuat tales habere qui ament, cupiant, iuuent. Nam nec hoc postremum abnuerim, ubi opus sit aut opportunitas: ac fuisset sanè in Italico nostro itinere, si id pertendissemus. Sed quæ interuenerint, audisti. Omitto meam inualitudinem sic affectam, ut medici pro sano me non facturum putent, si suscepissem: omitto inquam, & animus potuisset corpori imperare & vincere: sed publicæ illi causæ sunt, quæ me quidem iustè videntur vel tardare vel arcere. Quidni, cum illi ipsi deliberent & cunctentur, qui me vocant? In hac ætate aliquid calidè aut temèrè à me fieri indecorum sit, nec veniam habeat quam in iuuentute. Itaque differo aut supersedeo; haud libens,

FFf 2

bens, sed fatis, id est, Deo didici parère. Tibi autem gratias debeo, & semper in animo habebō, pro hac beniuolâ oblatione hospitij in domo tuâ Veronæ: quam urbem certum mihi erat videre, & suâ elegantia celebrem, & memoriâ antiquâ. Quod reponam, nunc non habeo, præter animum: quem scito & tibi ad dictum pròptumq. esse, atq. etiam tuis. Inter eos Petro Scholerio, cognato tuo: cui factum volo, & faciam ubi occasio erit. Re hoc malo ostensum, quàm verbis dictum. Vale Vir ornatissime, & cum tuâ tuisque salue. Louanij, ix. Kal. Sextil. ∞. Id. xcix.

EPISTOLA XLIIII. *Antuerpiam.*Io. VVOVERIO *suo* S. D.

**H**ABES hesternas meas, quid istis opus erat? in vnâ modò re, quam memoria tunc mihi subduxit. Buytevechianæ epistolæ exemplar Micaultianæ iniiciendum erat: quia scis quàm res eum tangat. Itaque neglectum à me, fieri per te rogo. Amplius, ferre te hanc mutationem consilij, & in eâ philosophari circa spes aut cupidines coërcendas. Numquam indulgendum nimis esse. sed ut ij qui in proclui sunt, sese & equos sistant: sic in optabilibus & lætis faciendum, ad quæ animus sponte fertur. Vis cogitare Deum aliquem moderatorem vitæ & actionum esse? illum amantem & curantem nostri? Impediuit, disturbauit: ergo noluit: ergo neque ex usu fuit, etsi animus aliter vellet. Illum igitur ad diuinum apto, & non renuenti passu fati cursum sequor. Fac mi VVouerij, & simul quid parèti & tibi visum (in tuis rebus dico) fac sciam. Vale. Louanij, vii. Kal. Sext. ∞. Id. xcix.

EPISTOLA XLV. *Leodicum.*P. IOANNI ORANO, *Sacerd. Soc. Iesu.*

**I**AM denique sedet tuum & amicorum consilium (nam omnes amici in eâ parte:) manemus, nec Italiam hoc tempore adimus. Præter valetudinem meam nimis tenuem & infirmam, mouet & publica in Italiâ lues, quæ ipsa limina iam insedit. Ab Vrbe litteras habeo, & moneor abiis qui calidissimè inuitarunt, vt deliberem & cuncter, quò lues se ista dabit. Imò seriò agitari de An-



de Anno sacro prorogando, si paullum se diffundit. Scis autem quas molestias Italia peregrinantibus dare soleat, vbi vel suspicio eius morbi est, nedum vbi ipse. Itaque iam scripsi dilaturum me iter in Ver proximum, & tunc fortassè omnia serena magis, & certa quidem fore. Quid ipsos aut me iuuet, periculis & molestiis frustra exponi? Ea dilatio consilium etiam magis dabit, etsi propèdeo in patriâ & meâ istâ Spartâ manere. Apud te hoc promo. & quid me inuitet? pietatem tamen sepono: an pecunia? nec exspecto, nec peto: an ambitio? fortassè minuam aliquid de famâ aspectus, nihil ad eam addam. Quicquid sit, atas mea & iudicium iam maturiora, à vanitate abhorrent: & fortassè in pompam ac speciem multa illuc dicenda, aut gerenda. Præcogitasses hoc, inquires, nec addixisses. Melius erat. sed tamen vel sic præstat ante viam sistere, & temerè aut calidè aliquid dixisse, quàm fecisse. Calorem tamen meum religio & pietas excusabit, quam Deo teste affirmo in oculis præcipuè mihi fuisse. Vale Reu<sup>de</sup> Domine, & hæc cum fratre tuo V.C. Petro Orano, id est, cum me altero participato. Lampsonium communem viam inisse audimus: Deus manibus eius propitius esto. Louanij, v. i. Kal. Sextil. ∞. IO. XCIX.

## EPISTOLA XLVI.

*Antuerpiam.*HENRICO VVVENO I<sup>to</sup>.

**B**ENE est mi Vvvene, benè est (nam familiariter & abruptè apud te ordiar) quòd in eandem sententiæ partem mecum venis. Improbare tibi significas iter Italicum, idque magis quàm magis cogitas: tibi autem? imò addo verè & seriò, amicis plerisque meis omnibus, cum quibus scripto vel sermone de eo egi. Quid autem alios nòminem? ego ille paullò antè calidus valdè & destinatus, cum iustâ iudicij lance rem pondero, remitto affectum, & in rationis partem incipio propendere. Duo me maxime mouent. prius, quod & tu tangis, metum subesse ne veniam facilius, quàm me recipiam: & ne remora mihi illuc, aut & manus iniectio, per beniuolentiam fiat. Quod si esset; iuro tibi sanctè, vitalis non sim, & nullo modo mores, ingenium, vitam ad illud cælum & homines nunc aptem. En senesco, & cani spargunt

Fff 3

meas

meas genas : mutabo familiarem aërem , locum , victum , amicos ? omnia noua sensibus oculisque istis obiiciam , & in meâ pænè vitæ , noua vitæ spatia ingrediar & decurram ? Mihi crede , hæream aut deficiam iuxta ipsos carceres : neque nunc ad senile & compositum ingenium faciant , quæ voluptati erant olim . Pompam dico , & splendorem , & speciosa omnia : præ quibus maturus & iam frigans hic animus otium , secessum , tranquillitatem amat . Duæ pestes humani generis Ambitio & Auaritia , altera nec olim me cepit ; altera iam a plusculis annis dimisit , & nec laciniâ me tenet . Quid cogitem , aut cupiam ? nisi paucos hos & extremos annos , id est , paucillum vini mei reliquum , Deo libare & melioribus vtilioribusq. Musis , quatenus eidem Deo visum ? Huic fini quies mihi conuenit , nec concutere corpusculum hoc caducum , fragile , & velut putre ædificium , ruinæ iam propinquum . Enimuerò cogitavi & antea , fateor ; sed Spes illa blanda & insidiosa mortalibus diua , suggerebat ipso motu & mutatione valetudinem posse corrigi , fortassè & erigi in rectum & veterem suum statum . Suggerebat : sed cùm rei vicinus & viâ , me examino (secundum hoc quod me mouet , esto : ) Deû testor , tam imparem me longo huic itineri , quàm nauigationi ad extremos Indos esse . Suscipere possum , patrare non possum , & in viâ quadrante deficiam aut subsistam . Hæc ita sunt : sed quare addixisti ? inquires . Nollem factum , vt liberè dicam : sed me & illorum , qui vocabant , benignitas induxit ; & mea item cupiditas (cui pietas mixta) prouexit . Suaue erat in cogitatione & animo , reuiscere visa olim loca , tot vrbes , tot homines nobiles , & multos ex iis nobis amicos . Sit venia honesto desiderio : sit venia etiam impotentia , quæ exsortem me effectus facit . Quid autem quòd ab ipsis mihi suggesta excusatio ? imò disertè iam bis scriptum , nequid adproperem , & metum ibi luis esse , ac iam fines & limina Italiæ insedisse . Vt nihil aliud sit , honestius aut certè prouidentius maneo , & iter totum si non tollo , iustè protollo . Quod autem tu mantellum etiam & velum aliquod ab Aulâ quæris , nihil est , nec eò iuerim : & transluceat hæc purgatio , & callidi illi demant a verâ facie hâc personâ . Itaq. in rem maneamus , securi iudiciorum , siqua præter rem dabuntur . Extremum quod vel inimici dixerint , sit leuitas & temeritas : esto : malim dixisse aliquid temerè aut

aut scripſiſſe, quàm feciſſe. Ibi pudor duntaxat, hîc pœnitentia ſit adiuncta. Vale mi amice, & ſeriò te ſcio mihi, & me tibi eſſe. Louanij, Kalendis ipſis Sextilibus. ∞. IO. XCIX.

## EPISTOLA XLVII.

Eòdem.

IO. VVERIO ſuo S. D.

**E** GÒNE vt de Galliâ tibi diſſuadeam? tum planè à me abeam, imò mentis meæ exſors ſim, & cum Homero, <sup>\* τὰς φρένας ἐκπαισσύμενος.</sup> Galliâ in pectore amo, in ore circumfero: & quidni? bonarum artium amantem, & ideò mei quoque (vtinam meruerim!) diligentem. Illa verò tellus ingenia ſemper habet, plurimùm format: & ſiquid nunc incultum aut ferox, à trifti & <sup>\* πελαρίω</sup> iſto Marte eſt, qui nimis diu eos preſſit. Ipſa gens <sup>\* ἰμμεναι.</sup> facta ad virtutem, alacritatem, humanitatem: quâ poſtremâ ceteras orbis terræ gentes vincunt, certè vicerunt. Sed fuerint hæc <sup>\* σπουδερὰ καὶ ὀλίγη:</sup> beata Pax tranquilla omnia referat, & veterem iis indolem ac mores reddat. Eſt, aut erit: tu interea me auctore viſe, oblectare, diſce. hoc poſtremum ſeriò, nec ludus aut aberratio tibi ſit, peregrinari. Plato iuuenes in ſuâ Rep. ab eo arcebat, quia vix apti eligere, & nouiſſe quæ proſint: at ſenes non ire ſolùm, ſed mitti volebat, relatoſ ſiquid boni moris aut exempli uſquam eſſet. Hunc finem, hunc animum, etſi non annos, habe: & velut ſpeculatorem miſſum te cenſe, cum Diogene aliquo, ad res humanas explorandas. Splendet aliquid aut placet? accede, tenta, an verâ luce: & ſi illâ, mirare, aut adſume. Sordet aut iacet? calca, non ſolùm tranſi, & animosâ fiduciâ ad meliora abi. Vt rem tibi dicam, vbique vtrumque reperies: alibi crebriùs, rariùs, bona, mala, mixta. Iuuet te, quòd iudicium iam (aut fallor) in bonam partem formaueris, & firmus ſtare poſſis contra vanitatem, non ſolùm prauitatem. O fac, & contubernio meo honorem hunc concilia, prudentiæ aliquid ab eo, non ſolùm ſcientiæ hauiſſe. Si hanc ſolam, abdicò, vt olim feueri illi parentes. Ceterùm de Italiâ, nolim vltrâ te aut me titillet. mihi exſtinctus ille ardor (ita enim fuit) à ſedatæ rationis quodam imbre: velim & te reſidere, nec meditari fortasſe vana rerum. Res ipſas quæramus: vmbraſ, pompas, breues ſtricturas, recto oculo videamus,

\* *Urbi im-  
misit mor-  
tum tri-  
sem.*

deamus, noscamus, spernamus. Testimonium, quale volebas, hîc habebis : de litteris fac nunc gratiam ; occupor , quâ in re ? extre-  
mâ (ne percellere) & testamentum cum vxore meâ iunctim con-  
do. Hoc vera sapientia iam olim fieri suasisit ; nunc etiam plebeia,  
postquam superus ille Apollo \* Νῆσον ἀνὰ πόδων ὄρον καλέω. Itaque  
funera in oculis habemus , etsi per hos dies rariora , & mitescere  
malum videatur. Deus donet, & te quò tendis sanum ire, redire,  
& manere meum semper. Louanij, IV. Idus Sextil. ∞ . IO. IC.

## TESTIMONIUM.

**E**GO, si quidquam bonâ fide, iam nunc testificor, hunc IO. VVOVE-  
RIVM ē contubernio & domo meâ adolescentem, mihi carum,  
Modestâ, & Musis fuisse : quas semper coluit , & vitam ad optima  
præcepta , ingenium ad artes conformauit. Commendo serîd , bis serîd ,  
quicumque illa amant : addam & verecundè , si quis me amat , vt fa-  
ctum huic velit. Fuso verborum nemini imponam, nec ipse morum : can-  
didus est , bonis benè natus est , & siquid ad rem , in re bonâ. Fauete,  
qui hæc legitis , & breue sed fidum elogium censete : quod à vobis am-  
plius auferet, si noscetis. Louanij, IV. Idus Sextil. ∞ . IO. XCIX.

IVSTVS LIPSIVS.

## EPISTOLA XLVIII.

Bruxellam.

IOANNI DRENCKVVAIRTO, *Theſaurario Belgij.*

**V**ALETUDO mea adegit, vt domum properarem : idq; bre-  
uiore viâ illâ Mechlinienſi. Ita vos non vidi, niſi affectu &  
animo : quem quomodò non ſæpè iſtuc mittam, magis magisq;  
beneficiis veſtris deuinctus? Ingratiſſimus hominum ſum, & di-  
gnus cui vel frons, exemplo Macedonici illius militis, inuratur.  
Balduinus tuus ad nos ſanus ſaluſque rediit : hoc momordit,  
quòd non te talem reliquiſſet. Si vota noſtra locum habeant,  
non illud modò ſis, ſed pænè dicam immortalis. Balduinum  
tuum ſcandere ad tituli illius apicem curabimus : atque vtinam  
breui ad ipſum illud culmen , quò adſpirat ! Ipſe adniti-  
tur, nos alleuabimus: ſed nihil properè, ne non aſcenſum ſed ruinam ſibi  
ſtruat. Sicut aues matres non patiuntur pullos ſuos longiùs auo-  
lare,

lare, sed comitantur & sistunt, & docent : nos item hæc talia in nostrâ iuuentute. At te, Ampl<sup>m</sup> & Nobil<sup>m</sup> Domine, sanum & firum seriò vouemus, publicâ & nostrâ causâ. Louanij, III. Idus Sextil. ∞. IDC.

## EPISTOLA XLIX.

Bruxellum.

BALDVINO IVNIO suo S. D.

**N**IHIL timidè ad me aut cunctanter scriptione debes accedere. cur facias? amo affectum, qui impellit: sed & ipsum illud scribere amo, quod te exerceat, me delectet. In alto otio es, etsi in negotiosâ & turbidâ vrbe: sed in quâ vana & ambitiosa multa rerum videas, nec pro mente studiis melioribus operatâ. Sicut terrâ interiectâ, Luna lumen à sole amittit: sic animus obnubilatur, interuentu isto viliorum rerum. Itaque meritò eas fugis, & ad nos adspiras. etsi es tamen in contuberniò Amplissimi viri, tui auunculi: à quo haurias præcepta, & exempla item videas, ad Virtutem. Sed vt nunc tua ætas, Louanium & hæc Mineruæ dicata loca, magis tibi faciunt: redibis igitur, cum illi visum, quia lues fit rarior & mitior, imò pennas quaterere videtur, & à nobis abire (fiat, fiat) mala illa Diua. Censeo tamen Principum aduentum exspectes, qui appropinquare dicuntur, vt solennia illa videas, nec visa tibi nec fortean videnda. Hoc suadeo. etiam illud, vt mentem & oculos ad libellos flectas, manum subinde ad stilum, ne otiosum tuum illud otium sit: id est, vt noster Seneca appellat, *hominis viui sepultura*. Vale. Louanij, xvii. Kal. Sept. ∞. ID. xcix.

## EPISTOLA L.

Eodem.

GVIL. SCARBERGERO suo S. D.

**B**RUXELLA te etiam habet haud dubiè, & dies fortasse aliquot habebit, in hac publicâ lætitiâ & pompâ, quâ vestra ætas, quid vestra? serior etiam aliqua meritò delectetur. Sed vt te deinde Louanium nostrum, & domus etiam mea, habeat, id cupio: & hæc causâ scribendi. Reuise nos, non quia diu absueris, sed quia fortasse absuturus: & in antecessum, vt aiumt, con-

G G

suetudinis

ſuetudinis hunc fructum capiamus. Coràm de itinere tuo & meo conſilio. De Italico quidem ne vltra cogita, tam periit quàm extrema faba, vt Comicus ille iocatur. Cauſſæ nimis iuſtæ ſunt. & vel ſola tenuitas mea, & hic homo, vt ſic dicam, monogrammus, pro mille. Par non ſum, quicquid coner, quicquid cupiam: & non Italia, ſed via mihi ſit ſepulchrum. Vale, mi Scarbergere, & quod dixi, & (ſi voles etiam) iuſſi, veni. Louanij, III. Non. Sept. 66. I. C. XCIX.

## EPISTOLA LI.

AD CONTYBERNALES SVOS,

Franciſcum Oranum.

Cornelium Anchemantum.

Io. Baptiſtâ Pereſium Baronium.

Joannem VVouerium.

Guilielmum Richardotum.

Baldwinum Iunium.

Antonium Richardotum.

Philippum Rubenium.

Guilielmum Scarbergerum.

Hubertum Audeiantium.

**I**TANE de Potoribus & Edonibus ſcire auctis? & decorè hoc poſcitis? Ita. quia in Scholâ etiam diſcerui in occaſione, vt dicitis: & velletis rariora iſta exempla in promptu habere, non ad imitandum, ſed narrandum. Addam ego, & deteſtandum. nam ſic oportet. monſtra hominum fuère, qui huc ſe dedere, etſi in theatris & regiis etiam ſpectati, cum fauore ſuo & plauſu. Sed videamus igitur primò *Potoreſ*, & iſtos, cum poëtâ priſco,

\* Conning  
nauiſſi, &  
calicum re-  
miges ſive  
trahentes.

Συμφορίας ναύτας, καὶ κυλίκων ἐπιβέτας.

Proludo autem leuiter & vniuerſè de toto genere: quos vbi & quando non eſt inuenire? In veteri & noſtro æuo, in noto & nouo orbe videas: & Pliniij dicto, *nullâ in parte mundi ceſſare ebrietatem*. Nec vina ſolùm huic rei expeti, ſed aquam adſumi: ô ſagacitatem ingenij! quâ repertum, vt hæc quoque inebriaret. Frugibus corrumpi variè eam ſcis, & herbis, & melle: quid quòd & fumis atque odoribus alibi (de Peruanâ Indiâ ſcribunt) inducitur alienatio hæc mentis? Quacumque viâ, madefcere tamen volunt & deſipere: ac pro plurium mente ille apud Comicum ſentit:

— τὸ δὲ ζῆν

Εἰπέ μοι τίδ' ἔστι; τὸ πᾶν οὐ γὰρ, φημι, ἐγώ.

Antipha-  
nes apud  
Atheu. li-  
bro I.

Οἷος

Ορᾶς παρὰ ρείθεσι χυμάρροις, ὅσα  
 Δένδρων δέ τινα νύκτα καὶ τὴν ἡμέραν  
 Βρέχεται, μέγαδ' ὅ καὶ κάλλ' ὅ οἶα γίνε'.  
 Τα δ' ἀντιτείνοντ', οἷον δ' ἔλκον πᾶς  
 Ἡ ξηρασίαν ἔχοντ', αὐτὸ περιμ' ἀπόλλυται:

—sed vivere

*Quid tibi videtur? mihine bibere, ego inquit.*

*Videsne ut, ad fluentia consistat arbores,*

*Et quae diebus perpetim atque noctibus*

*Rigantur, alto stipite & laeta comâ*

*Caelo mimentur? contra, quae velut sitim*

*Patiuntur, has perire cernas stirpitus.*

Plures, inquam, consentiunt: imò velut ad palmam currunt in Dionysiacò hoc agone. Qui olim eam populariter tulerunt, Platonis iudicio sunt *Scythae, Thraces, Celtae, Iberi*: nec vel hodie id culpes, nisi fortè in Iberis, qui demutarunt. Sed bellum, quod de iis etiam addit: *Σκυθαὶ & Θράκες ἀκράτω πάνταςσι χυμάρροις, γυναικας τε καὶ αὐτοί, & καὶ τῶν ἰματίων καταχόμφοι, καλὸν καὶ εὐδαιμονὸν ὁπτιὸς διμμε δάμνησεν νομῆσαι: Scythae & Thraces meràco vino passim viētes, viri atque etiam feminae, & in vestes sibi defundentes, bellam & beatam vitam vivere se censent.* Quid ais? agnoscisne hæc & in nostris moribus? non etiam illud de effusione? quâ bibuli isti vultuntur, siue cùm recusanti alteri poculum in sinum vestis proiiciunt; siue cùm ipsi auidè bibentes, suum stillatim perfundunt. Sed Græcos tuos Plato quid ita omittit? scimus & eos in hac classe, & proverbio innotuisse. Etiam Diui Basilij reprehensione acri, quâ mores sui xui ita corrigit, ut tamen reuelet. *Bibunt, inquit, auidè & comessantur, & propinant*: sed bellum acroama, *ποιοῦντ' ὅ καὶ τὴν πότε, ἐπεισέρχεται πρὸς αὐτοῖς νεανίας, χυμᾶδ' ὅ τὰς αἰμας, ἔπειτα μεθύν, φιάλῃ φέρον εἰμαμένη οἶνον κατεφυγμένον, ὃς τὸν ὀνοχρόον αὐτῶν παρὰ σάμηνον, κατὰς αἰς εἰς τὸ μέσον, δὲ σκολιῶν σκολιῶν ἴστω τοῖς συμπόταις δεινῶς τὴν μέθην. διχόμενοι γὰρ τὰς ὑδρορροίας, καὶ τὴν πρὸς ἑαυτὸν ἔχας ὅ τε βαμμένῳ ὑποδέχμεν, ὡς περὶ ἀπὸ πινῶν δειχάμενης ἀπινδύς ἵπνουν, ὡς οἱ βόες, ποσὶτον ὑφίλκεν ἐπειγόμενοι τοῖς λαμοῖς, ὅσον αὐτοῖς ἀνωθεν ὀφυκτὴρ δειχῶν ἀργύρεον ὀχετῶν ἐπαράναι*: portione iam longius progressâ, intrat adolescens aliquis, validis humeris, & nondum ebrius, vas magnum ferens & sustinens vini refrigerati. Atque is propulso ordinario pœcernâ,

G G g 2

in me-

in medio adflans, per obliquos canales quosdam, æqualem omnibus distri-  
bit ebrietatem. Partiti enim tubos illos, & ad se versum quisque  
accipiens & excipiens, tamquam è cisternâ vno spiritu bibunt, prorsus  
ut boues: adapti tantum in guttur adtrahere & demittere, quantum  
supernè vas illud per argenteos filanos siue canales infundit. Obellum  
morem! ô Græcis illis elegantibus dignum! tam herculè quàm  
alter iste (iuuat commemorare, vterque nouitius nobis est): alter  
inquam Philoni expressus, & apud stirpem illam Græcorû Ale-  
xandrinus vsurpatus. *Certant vino*, inquit, *bibunt confertim & vix*  
*spiritum recipientes, cum identidem pueros à poculis iubent infundere.*  
*& si velleuiter tardent, acriter increpant, quòd calidum ijs (sic loquun-*  
*tur) frigefaciant.* Denique in pulchro hoc certamine *μυῖστα κα-*  
*λά ἀλλήλοις ἀντὶ τοῦ πῶσι, ἅτα, ῥήσας, καὶ χειρῶν ἀνεγὼς ἀκτύλως, καὶ ὅποια δ' αὖ*  
*τύχη μέρη τῶ σώματος ἀπεδύντες*: magna & pulchra inuicem patientur  
& faciunt, aures, nares, manuum extremos digitos, & siquam aliam  
corporis partem fors tulit, sibi mutuò prærodentes. O non amentiam,  
sed insaniam! & fidem mihi aliquis habeat, nisi ipsa verba fidi  
auctoris adnumerem? Vide autem blanditias. nam sic ego in-  
terpreter: & suauis isti compotorculi, vino madidi, sensuum in-  
opes, ita se comprimunt, disfluuantur, allambunt. Dij deæque,  
quid irati aut hostes aliud faciant? Sed populos omitto, ne meos  
fortasse opus habeam tangere: viros videamus (is enim præci-  
pius noster tunc sermo) & qui singuli fortiter certarunt hoc cer-  
tamen. Ecce Alexander Macedo olim, ipse quoque vini audis  
& capiens, & addam, suo & alieno malo captus quoque, is dico  
præmium aliquândo publicè proposuit *ἀπαγορεύσας*, siue meri potio-  
nis. Ludos rege illo dignos, qui per Liberi vestigia ibat scilicet, &  
hunc quoque honorem ei habebat. Ipse igitur editor & arbiter:  
certant plures. sed qui plurimum hausit (ait Plutarchus) *Proma-*  
*chus quidam fuit, qui ad\* congios quattuor peruenit.* Congius cepit o-  
lim libras decē circiter, siue sextarios sex: essent nobis tria vini pocu-  
la, largè. quod autem premium? talentum. quod etiam? mors.  
quæ homini post triduum aduenit: itemque aliis quadraginta &  
vni, qui miscelli super vires certarant. Felicior alter apud eundem  
regem, in eodem isto vini modo, *Protens Macedo*. qui, vt Ehip-  
pus scribit apud Athenæum, *valido & sano semper corpore egit, et-*  
*si vino adsiuè immersus.* Fuit aliquando, inquit, vt Alexander in con-  
uiuio

De Plan-  
tat. Noë.

\* Duode-  
cim pocula.

Lib. x.



niuiio grande poculum posceret duorum congiorum, atque id Proteo offerret. Ille gratanter accipiens, & regem comitatis laudans, cum planctu omnium ebibit. Ac subinde idem poculum repetens, iterum eduxit, & obtulis impletum Alexandro. Quod hic quoque suscipiens ebibit, sed impar viribus non sustinuit, & in puluinar reclinato poculum è manibus est elapsum. Vides & hunc Quadricogium potorem: & vix est vt supra donem. Nam Plinianus ille Nouellius Torquatus Mediolanensis (Gallus fuit, vindicemus hominem cum hac gloriâ) tres dumtaxat congios bibit: sed quod miremur, vno impetu, (Plinij verba) spectante miraculi gratiâ Tiberio Principe. Hem, vno impetu, id est *ἀνὰ ὅς?* Et quod ampliùs miremur, in eo (iterum Plinij verba) rara hac gloria, non labasse sermone, nec leuatum vomitione, non alterâ corporis parte, dum biberet: matutinas obisse vigiliâs: plurimum hausisse vno potu, plurimum præterea aliis minoribus addidisse: optimâ fide non respirasse in hauriendo, neque exspuiffe, neque ad eludendum in pavimento sonum ex vino reliquiffisse. O potorem omnibus numeris perfectum! quis contendet? non tu Cicero fili, qui duos congios simul haurire solitus: sed quid ad hunc aut priores? Abi proles à patre degener, & nec in vitio fatis fortis. Firmus nominetur potiùs, qui Aureliani temporibus in Ægypto imperium vsurpauit. Is *vi-* Spartian.  
*ni non multum bibit, aquæ plurimum; mente firmissimus, neruis robustissimus.* & tamen cum ad bibendum à notissimo quodam potatore, Barburo, prouocatus esset, fitulas duas plenas mero duxit: & toto postea conuiuio sobrius fuit. Cui non dissimilis Bonosus, item inter minutos tyrannos. qui, vt Spartiani verba sunt, *bibit quantum hominum nemo. De quo Aurelianus sæpè dicebat, Non vt uiuat natus est, sed vt bibat. Quem tamen diu in honore habuit, causâ militiæ. Nam si quando legati barbarorum, vndecumque gentium, venissent, ipsis propinabat vt eos inebriaret, atque ab his per vinum cuncta cognosceret. Ipse quantumlibet bibisset, semper securus & sobrius, & vt Onesimus dicit scriptor vitæ Probi, adhuc in vino prudentior. Habuit præterea rem mirabilem, vt quantum bibisset, tantum mingeret, neque vñquam aut eius pectus, aut venter, aut vësica grauaretur.* Is ipse cum, victus à Probo, laqueo vitam finisset, ioco locum dedit, Amphoram pendere, non hominem. Infelix quidem in Martis iuliciâ, fateor; sed hac Bacchi iurificus, & iuxta vel supra Torquatum Tricongium illum ponendus. Quid autem de Carnatero Logothetâ

Lib. III.

*thetâ* pronunciabo, qui Manuelis Byzantini Imp. æuo & rebus interfuit? nam & is palmam sibi poscit. Nicetas Choniates de eo: *Ingenio præstanti fuisse, eloquentiæ extemporalis studiosum & felicem: sed eundem omnium mortalium edonem & bibonem maximum. Et quamvis vinum avidissimè & largissimè sumeret, & spongiarum instar madesceret, tamen mentem non mergebat ea copia, sed pedibus, capite, linguâ constabat, ut sobrius, imò crescebat in eo ratio & oratio velut igne illo humoris accensa simul & irrigata. Hoc genere vita non solum Imperatori acceptus erat, sed & gentium dynastis. ad quos Legatus missus, alios in soporem collocabat, alios æquabat potionum veteres, quique amphoras, ut calices, digitis versare soliti essent. Sponsionem verò aliquando cum ipso Imperatore iniit, exhausturum se vas Porphyræticum aquâ repletum: quod olim in aulâ subdiali Nicephori Phocæ fuit, nunc visitur in huius Michaëlis cœlami aurato, quod struxit. Demiratus Imperator, Euge, inquit, ô Logotheta. vestes floridas, & minas aliquot auri accipies, si saxis; sin autem, ipse dabis. Ille nihil moratus, vas illud, quod ad duas chœas siue congios capiebat, corpore & capite inclinato, instar bovis, totum simul exhausit: & accepit statim ex pacto promissa. Quid dicitis? non hic palmam, ut aiebam, iure suo poscit, & quidem duplicem: non vini solum, sed aquæ singularis potor? Et ecce iam huic aut prioribus dabam: sed è Germaniâ superuenit qui reuocet, & quidem nouus nouitius athleta. Nuptias ante pauculos annos in Norico fuisse audio viri nobilis. ibi ad conuiuias hilarandos, certamen potionis propositum editumque, inter eorum ministros. Magno numero conuenerant: sed vnus forticulus paullò minus *sex congiis*, haud longâ morâ, fertur ebibisse, & simul præmium meruisse. A me quoque, ô homo an orca, accipe: & fateor nihil simile vidisse, audisse, legisse. In vno quidem isto potionis genere. nam Edones magnos, & simul potiores, repperi fortasse, & super istum. Videamus. Mulier Alexandriæ olim fuit, quam Athenæus prodit, *Libras carnis duodecim edisse, panis quattuor chœnicas, id est totidem & amplius librarum; vini autem congium adbibisse.* O mea Venus, ô delictum, bella es & digna marito, sed Vulcano. Super hanc longè (quid in viro mirum?) Imperator Maximinus. quem Capitolinus auctor, *bibisse sæpè in die vini Capitolinam amphoram: comedisse & quadraginta libras carnis; ut autem Cordus dicit, etiam sexaginta.* Scitis, quid illa amphora?*

\* Othod-  
eimpocula.

*amphora ? quadraginta octo sextarios capit : id est , ipsos Congios octo. Trepidarem hæc dicere : sed bonus & priscæ fidei auctor adserit , quam ego non fugilem. Sed audi & crede etiam maiora. Vopiscus in Aureliano principe : Vehementissimè , inquit , delectatus est Phagone. qui usqueò multum comedit , ut vno die , ante mensam eius , Aprum integrum , centum Panes , Veruecem & Porcellum comederet. Clamas , & resilis ? sustine etiam : biberet autem , in fundibulo appposito , plus Orcæ. Cetera liquent : de Orcæ , scio vas vinarium fuisse , & amphorâ sanè maius , sed quantum , mihi later. Quid Clodius Albinus Imperator ? is , Capitolino scribente , tantum pomorum hausit , quantum RATIO HUMANA non patitur. Nam & quingentas ficus passarias , quas Græci Callistruthias vocant , IEIUNVM comedisse , Cordus dicit : & centum Persica Campana , & Melones Ostienses decem , & vuarum Lauicanarum pondò viginti , & Ficedulas centum , & Ostrea quadringenta. Hem , hem !*

— *dij talem terris auertite pestem :*

cettè à nostris hortis , quos ille cum toto foro olitorio depascatur & vastet. Scio vos etiam nunc vacillaturos , & ἐποχῇ quâdam v-<sup>\*inhibitio-</sup> furos in assentiendo : & dedi tamen testes , dignos credi. Vultis & exemplum à superiore paullùm æuo ? nam vetera nunc ferè hoc fatum habent , ut etsi vera , vix videantur : an sui magnitudine , an nostrâ declinatione. Sed addamus non tale aut tantum ; quod tamen venire in numerum possit. *Vguccio Fagiolanus* inter Italiæ tyranniones fuit , & sedes ei plerumque Lucæ , donec pelleretur. Exsul igitur & iam senex , apud Canem Scaligerum , Veronæ gloriabatur in mensâ : *se iuuenem quaternos capos altilles , & totidem perdices , item hedi clunes assos , & vituli infarctum pettus , præter salsamenta , vnâ in candē sitasse.* Atque hic homo non in præmium , sed in vsum & pellendæ fami faciebat : quid si exercuisset se , & nervos intendisset ? Satis talium. ite prodigia , & istos gurgites , pænè dicam , maris aliquis gurges mergat. Louanij , in nostrâ domo : quam quo fine incolitis , ut hunc tangatis , Deum precor.

EPI-

## EPISTOLA LII.

Bruxellam.

BALDVINO IVNIO suo S. D.

**E**CCE ad ipsum auunculum scripsi, & metu in ademi, qui te à nobis amouit. Quid superest, nisi vt iterum te admoneas, & Deas renifas, quantum amore cales? O gratus ille mihi, ô tibi utilis affectus! & quid in hac ætate melius potes, aptius potes? Cole, cole nunc istum adolescentiæ agrum, bonâ fruge scientiarum confere: & maturior, accipies suaues illos Prudentiæ, imò & Sapientiæ, fructus. Miseros, qui aut nolunt, aut negligunt! miserandos, qui cum velint, non possunt! At tibi facultas inprimis adest, & alter ille tuus parens (scis me Thesaurarium dicere:) vbertim suppeditat, quicquid studiis, & eorum instrumentis, est opus. Voluntas à te est, atque etiam in te est, quod gaudeo: vt serues, vel vt augeas potius, hortor. Mihi hoc crede. perueniet ad optatam calcem, quisquis seriò volet & niteretur: & talibus utroque oculo Iuppiter annuit, Mercurius dirigit, ipsa Minerua manum & mentem trahit, & cum iis, mouet. Abripior, & Scarbergerus abit. Louanij, pridie Idus Septembr. ∞. I.D.XCIX.

## EPISTOLA LIII.

IOANNI DRENCKWAIRTO *Thesaurario.*

**S**CRPTIONI huic nullum argumentum est, nisi affectus meus & mos maiorum. Vterque suadet, vt vota, quæ pro salute tua corde facimus, stilo consignem & ad te perferam: sed prius ad illum calidè missa, qui compotes (ita spero) faciet votorum. Deum igitur rogo, quantum animo possum, vt hunc Sæcularem nouum annum felicem tibi tuisque decurrere, te valere per eum & vigere, Principibus & Reip. sine offensâ vacare, me amare doner, qui sum perpetuus & deuotus tuus cultor ac cliens, Louanij, postridie Kal. anni I.D.C. supra ∞. Balduinus tuus apud me valet, quod facere cum vis facit.

EPI-

## EPISTOLA LIIII.

*Mechliniam.*IOANNI BERNARTIO *suo* S. D.

**E**CQUID agis, mi Bernarti? Rarò, inquires, interrogas. Fateor, & ignauum me cum annis fieri, hoc quoque fateor: sed non in amore & interiore affectu remissum. *Omnia fert ætas*, ait ille, *animum quoque*. Sentire incipio, & ingenio tam diu, tam assidue exercito, torpor aliquis adgnascitur, & quod libenter facit, impromptè facit, aut nec facit. Ignosce. ita tu & tui ad æui hanc lineam veniatis, aut potius superetis, beati & felices. Quod precor tibi religioso & prisco voto, in auspicijs huius anni: quo me Italia sibi spondebat, & ego me illi: sed, ô numen quod nos temperat, quàm irritâ destinatione! In patriâ hæreo, neque res tantum abiit, sed desiderium, vt verum apud te liberè loquar. Etsi assidue litteras etiam nunc recipio inuitantes, & nimis benignitate prouocantes. Sed quid verbis opus? Fatalem vim magis & magis indies agnosco, in publicis, in priuatis, in meipso. Ratio omnis vellent fortasse non peregrinari me, sed abire: tamen maneo & video diuinitus decretum, LIPSIVM IN BELGIS MORI. Fiat. apud multos incuriosos mei, paucos contemptores, fortasse & nonnullos æmulos: sed & amicos volentesque alios, inter quos te Mechlinia & *Oudartum* meum cum *Hartio*, sacra mihi nomina, habet. Eandem urbem vestram & iste insidere parat *Vibrandus Anskema*, Iurisconsulti nunc titulo donatus, iam olim inter Musarum cultores, imò etiam mystas. Vtrâque oratione valet solutâ & vincitâ: quod magis ex illo noto, nosces, atq. vt velis te rogo. Louanij, postridie Idus anni Sæcularis ∞. 100. Vxori tuæ suauissimæ salutem per te nuncio, & liberis tuis.

## EPISTOLA LV.

*Gandauum.*

GEDEONI TSERHENDRIXIO, V. R. &amp; N.

**F**VNGOR munere salutationis per litteras, quoniam coram id non datur, vt solet, & quod mihi dolet. Suavis sæpè confabulatio nostra, & præsertim in re hortenfi: quâ vterque delectabamur. Tu magis, quia solutior eras, & pænè sine alijs curis vacabas

HHh

bas

bas huic curæ. At mihi temporis iniuria omnem panem hanc voluptatem deterfit. dico temporis, non ad spectu ad ista publica & tristia ( quæ mitigo potius hac occupatiuncula: ) sed hiemis iniuriam & acrimoniam intellego, quæ mihi hoc biennio funera continuata dedit, & florem omnem, ut sic dicam, florum meorum interfecit. Quicquid singulare erat, præsertim in Tulipis, habuisse me recordor, cum desiderio tristi & pungente. Miserris me? noli, adiua potius, & quoniam diuitem atque vberem te audio, instar vel Phæacum regis, participa veteri amico, & qui in beneficij magni loco hæc, etsi fugacia, munuscula ponet. Confido te facturum. Certè si in causâ simili tu à me, utrâque manu largiter ego donem. Nunc salutem, & hunc animum semper deuinctum. Louanij, postrid. Kal. Mart. ∞. I. C. I.

## EPISTOLA LVI.

*Mechliniam.*

NICOLAO OVDARTO V. R. S. D.

**S**OLEO volente animo, labente manu & pennâ ad te scribere, nunc ille contrahitur, & hæc resistunt. De republicâ me consulis: & quid scribam aut effabor? Istud mallet, & in tuum sinum interiores omnes cogitationes effunderem: à scribendo absterreor, & nimis iustas habeo causas. At Princeps vult, inquit amicus ille noster. Credo equidem, & eius certè interest fida & recta consilia dari: sed ego me in eâ classe non censeo, qui hoc statu rerum debeant aut possint. Adde quòd à republicâ remotus sim, auditione aliquid accipio, interiora rerum non noui: & quid ergo firmiter aut ex vsu suadeam? haud magis quàm medicus, qui egri sui temperiem & constitutionem ignoret. Vota tantum possim addere, quid si & querelas? Hic quidem cottidiana materies, cum miseri rustici præter ora nostra victi abducuntur, haud aliâ specie quàm si hostes irruissent. O patria, ô ipsi Principes! nam ut illius salus agitur, sic dignitas istorum. At enim mox remedia à publico Ordinum conuentu . . . . .  
 . . . . . Ecce quæ possum aut volo hoc tempore. interea Deus illi Episcopo bene faciat, & nostro N. quorum vterque candidè & liberè, quæ ex vsu sunt, aut cer-  
 tè vi-

tè videntur. Nam quid asseram? omnia ista mihi tenebræ sunt, nec finem aut fructum video eiusmodi actionum : nisi si qua consilia specie tristia, exitu læta, ut sæpè in humanis solet. *Occultat enim*, ut Plinius ait, *utrorumque semina Deus, & plerumque bonorum malorumque causa sub diuersa specie latent.* Plinij illius Pancgyricum librum breui à me videbis : & vetera illa monita ac consilia potius, quàm mea noua. At quis vsus? inquires. alibi fortasse, & vbi nolim. Quid faciam? nos, ut in theatris olim, spargimus : ille aut alius sinum aut manum implet. Vale mi optime Oudarte, & vide an malè illi (si sic pergitur) qui me nuper. sed tu iterum vale. Louanij, Idibus April. ∞. IOC.

## EPISTOLA LVII.

Bruxellam.

FRANCISCO BILLIODO S. D.

**N**IHIL minus quàm à te beneficium, aut potius beneficia, exspectabam : quæ largiter, vltro, & aperto animi sinu, mihi defers aut offers. Nam & nummos ad me mittis, adtextum aut supplementum Rokoxianis : & florum etiam lectissimos ex paterno tuo horto polliceris. què ille instructum, ut audio, & supra omnes Alcinoos pænè habet. Negem vtrumque mihi gratum esse? mentiar. gratissimum est, & pro veteri atque insito animi mei desiderio & sensu. Veteres omnes elegantias, & has Antiquitatum reliquias à me amari, notum est omnibus, qui leuiter me norunt : sed & flores & horti ornamenta in deliciis haberi, non puduit scriptis etiam publicè profiteri. Itaque videri libertatem & candorem, quo iam nunc apud te vtor in ipso hoc aditu amicitia. grata, quæ misisti; grata, quæ mittes : atque vt mittas in Vere proximo (vix enim antè euellendi copia) non rogo te sed appello. Quid enim rogem, iam debitorem? Sed extra iocum. scriptio tua mihi in animo placuit, qui eam amicitia conciliandæ esse voluisti : quam purè & sine fraude equidem offero, amans honesti animi tui, & ad honesta sic propensi. Eum vt in illa & in me talem serues, Deum & te rogo. Vale. Louanij, post. Idus Nouemb. ∞. IOC.

## EPISTOLA LVIII.

*Mechliniam.*HADRIANO VANDER-BURCHIO, *Filio, Senatori.*

**B**ENIVOLE à te factum & pro amico, quòd me & dignitatis tuæ & discessionis gnarum fecisti. Ego enim seriò tibi recipio, & fautorem me esse incrementis tuis, quæ virtus & ingenium conciliarunt : & vota interpono, ut plura adstruantur, quod in Principum gloriam & publicum bonum cedit. Illis & huic convenit, tales euehi & educi. Horror autem te vel ex superuacuo (nam sponte facturum confido) ut in isto munere dignum te & parentibus, & ipso te præbeas; denique iustitiâ illâ, cuius sacerdotium nunc profiteris. Ecce in istis meis, quæ in simili occasione & argumento iam scripsi, si quid erit huic rei aut sensui, videbis, eliges : & hoc sine miseri. Vale Vir Cl<sup>me</sup>, & animo à nobis non abi. Louanij, xi. Kal. Nouemb. ∞. Idc.

## EPISTOLA LIX.

VIBRANDO ANSKEMA S. D.

**T**v verò iacere mihi videris, aliter à studijs tuis expectatum. Tardet status huius præsentis, & auidè mutes. quid? itane pessimus ille & abijciendus est? mihi non videtur: nisi ei qui lucem, honorem, alta, id est mala quærit. At ego te in nostrâ hac quictorum classè censebam, ut

— *fecunda placerent*

*Otia, nascentesque irent in sæcula libri.*

Transfuga es, & ad splendoras illas partes abis? Splendoras, sed miseras, & in experimento demum scias. Non volo, inquires: sed à trîcis imò forensibus istis liberari, & bonâ fide Musis operari. Velim mi Vibrande: & si tu sic seriò, etiam illis potes. Pater quod ad usum, & tolerandæ honestæ vitæ sit, affatim suppeditat. Si te excutias (liberè loquar) alium in hoc vlcere vnguem reperiens, & mixtum aliquid à cupidine fortassè non bonâ. At tempora etiam accusas. Facile est, & quis non tecum? pretium non est artibus bonis, non ipsis bonis, & hæc omnia præferendis & ambiciosius calcantur aut iacent. Vera sunt. sed in terrâ tu purum illum ætherem, & serenos semper animos, expectas? non inuc-



inuenies. nimbos magis, procellas, calumnias: & mihi crede, nos quoque (quibus aliquis inuideat) largiter & crebro sumus his iactati. Iactati, sed non afflicti: stetimus, & illud Pindaricum obmurmurauimus:

\* — ὁ μῆλας δὲ κῆρυξ ὅτι ἀναλκιν φῶτα ἢ λαμβάνει.

Ignauī & viles magis tuti ferē & sancti sunt: alij prouocantur, sed nimirum vt aranearum casles animalia fortiora perrumpunt, sic istos à Fortunā laqueos mens robusta. Aliqua tristia, & quæ nolis, incidunt:

\* — τίς δ' ἐπὶ πᾶσι θεῶν,

Α' πάντ' ἀπ' ἡμῶν τὸν δὲ αἰῶνος χέρον;

Sicut stellæ in tenebris etiam fulgent; sic liquidus & libens viri sapientis animus etiam in istâ temporum caligine aut nube. Hæc solatia: nec auxilia tamen abnuo, quæ in meâ quidem sint manu. Quæ tu quod tam prompta censes, nimis falleris: nec fores vbique, non dicam commendationi nostræ, sed mihi ipsi apertæ. Occasio expectanda est: & præuertere aut facere eam, vereor vt succedat. obsecro te, nobis hoc crede,

*Qui periti sumus in vitâ, atque vsu callemus magis.*

Vale autem, & animo ne sic fluctuare: certus, quod millies milleni in hac ipsâ Belgicâ sint, qui optent & reges sibi videantur in tuâ sorte. Louanij, v. Idus Ianuar. ∞. I. C. I.  
Vxorem saluto.

## EPISTOLA LX.

*Vltraiectum.*

HADRIANO VANDER-BVRCHIO, patri.

GRATVM accidit mihi & munus tuum, & scriptio, vtrumque veteris in me animi testis. Est sanè hoc in fido amore, & qui in virtutis, vt sic dicâ, solo radices egit, vt nō magis quàm illa definat, & æuo ipso crescat & vires sumat. In tuo experior: sed & fratris Decani, quem viuere & vigere, etiam in silentio aliquo, mihi liquet. At munus tuum parte aliâ etiam gratum, quod ostendit te nec in occupationibus, quas adsiduas habes, nec temporū hoc tædio aut caligine, deferere nostras illas Deas: quas pauci hodie æstimaunt aut amant. Gaudeo: & scio, præter honestam voluptatem, etiam lucem, & robur aliquod animo

HHh 3

ab

ab iis inferi aut præferri, ô quàm necessarium in hoc ævo! Frue-  
re, vt fecisti, & facis; sed & nos earum atq. honesti omnis aman-  
tes ama priscâ fide. Louanij, vi. Kal. Decemb. ∞. IDC.

R. V. fratrem tuum saluto, & Canterum vetetem nostrum.

## EPISTOLA LXI.

NICOLAO HACQVEVILLIO S. D.

**A**D Historiam cum dare te cœpisti, fateris hære in primâ  
viâ, & confusione rerum aut temporum, ignorantia co-  
rum quæ & quando legenda aut eligenda sint, pedem figere, imò  
tædio aut desperatione pænè referre. Non fiat mi Hacqueuilli.  
opem imploras, pro cœpiâ meâ dabo: & si non plenè ductor (oc-  
cupatio & valetudo nunc abnuunt: ) tamen director ero, & di-  
gitum intendam, quò & quâ contendas. Historia nobis propo-  
sita: quæ, & cuiusmodi? nam variat: & summa eius diuisio est,  
*Mythistoria* & *Historia*. Illa, quæ fabulas vero mixtas, ista quæ  
purum & merum verum habet. In illâ poëtæ sunt, & id genus:  
qui oblectamenta auribus animisquæ quærunt, & floridâ istâ ve-  
ste ornant & augent corpus hoc veritatis. Veteres poëtæ, & rex  
eorum Homerus, pulchrè & sæpè vtiliter fecerunt: cum arcanos  
sensus aut altiora dogmata hoc quasi velo obnubunt & regunt.  
Sed hanc partem mittamus, non nunc adeundam: altera est ve-  
ra *Historia*: quam licet bifariam partiare. Est *Naturalis*, est *Nar-  
rativa*: sit venia sic loquenti, planè, si non purè. Illa est, quæ na-  
turæ faciem & facta reuelat, id est, rerum, stirpium, animalium  
ingenia, proprietates, vires tradit. Aristoteles, Theophrastus, Æ-  
lianus, Plinius fecère: & plures, quos æuui nobis subduxit.  
*Narratiuam* dico, quæ res gestas actionesquæ prodit, sacras siue  
profanas. Ideoque à duplici hac materie iterum duplex, *Diuina*  
& *Humana*. Illa, quæ religionem, aut quod adhæret, tangit: hæc,  
quæ res plurimum actionesquæ humanas. Iterumquæ ea duplex,  
*Priuatâ* & *Publicâ*. Nam aut singulorum res, vitam, virtutes, vi-  
tia recenset: & Priuatâ est. aut quæ publicè, plurium vsui aut  
noxæ, sunt gesta: & Publicam appello. Omnes viles. propriè  
tamen & distinctè, Naturalis scientiam, Diuina religionem, Hu-  
mana prudentiam, omnes delectationem habent. Ad quas au-  
tem

tem te voco? velim ad omnes ire, sed in tempore. *Naturalem* nunc seponamus: *Narratiuam* ingero, quam vulgò & peculiariter Historiam etiam appellamus. Ad hanc priusquam venias, duo præmittenda sunt, *Geographia* & *Chronologia*. Illa, ut locorum, regionum, urbium noticiam aliquam concilies; hæc, ut temporum, quibus quæque res gestæ. Sed communem dumtaxat, & non illam exactam noticiam exigo: satis sit mundi partes situsque distinguere; prouincias, & in iis flumina, montes, opida clariora nouisse. In temporibus etiam, seriem eorum & ordinem tenere, & velut terminis quibusdam finire imperia, bella, euentus. Velim equidem, & tacitus sæpe opto, imò ipse meditor, esse qui breuiter & compendio, & quod caput est, iudicio, ab orbe condito velut Fastos concinnet: nec aliud quam annos, & præcipua rerum, notet ac libet. Qui hætenus fecere, aut confundunt nimis, aut diffundunt: & nec notabilia aut laudabilia tamen maximè excerpunt. Sed hoc dum fiat, potes Eusebio uti, & nouellis quibusdam, qui herè & nuper prodierunt. Atque ista cum parauimus, age ad ipsam iam Historiam: & quam præmittimus? pietas vult *Diuinam*. Facilis ea est, nec diu tenebit. *Judaica* vetus est, è libris sacris. Iosepho, & eius interprete Hegesippo petenda: nostra hæc noua, id est *Christiana*, olim ex Eusebio, Sozomeno, pluribus, nunc ex vno Cæsare Baronio adfatim haurietur: & quid in diligentia viri tantâ deest? Imò ut supersit, vereor: iis utique, qui ex professo Theologos non agunt, & sufficit vniuersè initia, progressum, diffidia, capita & antistites religionis nostræ scire. Non abnuo. compendium bonum exactissimi illius laboris sit, non sit fortassè bono auctoris. Est & *Miscella* religionis historia. ut Mahumetanæ, quæ magnam orbis partem, à multis iam sæculis, obrinet; ut Sinensium, Indorum, & qui alij vanam & simulacris seruam eam habent. Hæc quoque carptim quis neget viro Politico & experienti libanda esse? sed ut dixi, carptim. *Humana* superest: illa præcipua quò te voco. Præter prudentiam & rerum peritiā,

*Hæc tibi virtutum stimulos, hæc semina laudum,*

*Hæc exempla dabit:*

alibi vberius laudata & laudanda, nunc præeunda. Duplicem eam feci, *Privatam* & *Publicam*. Ab utrâ ordiemur? A *Publica*

ego

ego cenſeo : & hæc, ordinis doſtrinæque cauſſâ, quadruplex iterum eſto. Valdè, inquires, diuidis. Fateor. nec animi vel argutiarum cauſſâ : ſed quia vſu didici, nihil ad methodum, id eſt viam rationemque docendi vel diſcendi, aptius & efficacius eſſe. Itaque Socratem ſequor, Diuiſioni amicum : & cum illo, *diuinum virum habeo, qui commodè & oportunè vtetur*. Sed ad rem, quadruplex hæc Hiſtoria : *Orientalis, Græca, Romana, Barbara*. Prima, quæ primi aut priſci orbis res habet : cùm noſtra hæc omnia inculta, aut infrequentia, & certè obſcura & ignota. Itaque in Iudæis, Ægyptiis, Æthiopibus, Syris, Perſis, reliquâ Aſiâ, res ferè & nobiliores euentus tunc ſiſtunt : aut ſiquid admixtum, leue eſt, nec ſcriptione aut lectione diuellendum. Hanc primò noſci ſuaſeam : & peti à *Iuſtino* breuiter : vberiùs deinde ab *Herodoto, Diodoro Siculo*, & ſiqui Græcorum eam ſuis miſcent. Quædam enim *Polybius, Plutarchus, Zonaras*, alij ſuggerent, huc apponenda. Sed Diodorum ego laudo & approbo : vtinam plenum &, vt ſcripſit, abſolutum. Altera eſt, *Græca*. in quâ Spartanorum, Athenienſium, Thebanorum, & præcipuè Macedonum res ſunt : quos huc traho, & includo. Præter iam dictos, dabunt *Thucydides, Plutarchus, Arrianus, & Q. Curtius* è Latinis. Per partes colligenda eſt. nam qui totam & ordine ſcripſerit, totus ad nos non venit. Tertia *Romana* eſt : in quâ vbertim rerum & euentuum, eorumque inſignium : & quæ plures ſcriptores illuſtrarunt. O magnum, ô pulchrum imperium ! & addo, diuturnum. ideoque non mirum ſi viris factisque breuia illa & fugacia Græcorum ſuperauit. *Græci præceptis valent* (ait quiſpiam) *Romani exemplis*. Et hercules ita eſt. non fuit gens, puto non erit, quæ plura vel in militiâ vel in pace, laudis & virtutis ſuppeditabit. Itaque ad hanc, mi adoleſcens, ad hanc ſegetem veni, manipulos frugum collige, & in vſum tuum reconde. Sed vt ordine fiat, ea ipſa diuidatur triſariam : in *Veterem, Mediam, Nouam*. Prima mihi eſt, à Regibus & vrbe conditâ, ad Auguſtum : *Media*, cùm immutato ſtatu ad Principes ventum : *Noua*, cùm iterum mutato, ſedes ipſa Principatus Byzantium eſt translata. In *Veteri* ſcriptores Græci Latiniſque ſunt, ſed præcipui iſti : *Dionyſius Halicarnaſſæus, T. Lilius, Polybius, Plutarchus, Appianus* : quibus compendia adiungere liceat, *Velleij, Flori, Eutropij, Oroſij*. Velleianum laudabile fuit, ſed

potior

potior pars perit. iudicio & ordinetamen scriptum, & quod exemplar pleniori Chronologiæ sit ad imitandum. Faciant huic parti *Fasti Romani à Carolo Sigonio* editi, & producti ad Augustum. At in *Mediâ*, nolite *Tacitus, Suetonius, Ammianus, Spartianus*, & adiuncti Cæsarei Scriptores: è Græcis autem, *Dio Cæsius, Io. Zonaras, Herodianus*, legendi. tum & Compendium *P. Victoris*, itemque *Eutropij*. Adde ad seriem temporum, imò & rerum lucem, *Onusrij Panuinij Fastos*, ab Augusto ad Iustinianum diligenter & industrie consignatos. *Nova* superest. & in eâ ferè Græci isti, *Zonaras, Zosimus, Procopius, Agathias, Nicetas Choniates, Nicephorus Gregoras, Michaël Glycas, Georgius Cedrenus*: etsi hîc ultimus quidem, anilium sæpè fabellarum scriptor, & veri incuriosus vel ignarus. Iudicio legatur tamen, dabit quod iuuet. De *Romanâ* habes: quarta erat *Barbarica*: quid nisi lacinia & spoliū ab illâ veste? Nam hanc appello & intellego, cū scissio tractoque imperio, maior pars ad Gallos, Germanos, Turcas iuit, & alternatim hucusque mansit. Nec enim Gothos, Hunnos, Vandalos, Scythas aut illam faciem huc includo: quæ maneat in *Mediâ* aut *Nouâ Romanâ*, & iis inserta nempe legetur. Faciunt huc propriè tamen *Iordanes, Procopius, Agathias*, & siqui tales. Sed meam hanc Barbaricam varij scripsere, atque ipsi ferè barbari, & addam barbarè. exstantque *Germanici, Gallici, Britannici* scriptores, in vnum corpus nuper decorè & vtiliter conducti ac vulgati. Sunt & *Annales à P. Pythæo* editi: & cottidie huiusce argumenti prodeunt, iudicio eligendi. Scripsit & *Carolus Sigonius* de Regno Italiæ, quod huc facit: & *Io. Leônclanius* Turcica, uterque mihi bonus & laudatus. Quid omitto? *Laonicus Chalcondylas* se suggerit, in Turcicis Græcis quæ legendus, item *Guilielmus Tyrinus*, & alij in transmarinis sacrisque bellis. Hem, inquires, quanta materia, & quæ silua? quis ingreditur sine errore, & egredietur? qui Ordine insistet, qui industriam & Curam adferet; iam dicenda. Ordine, inquam, inprimis opus. & ne confusa & vaga lectio sit, aut desultoria & interrupta. Hoc plerisque euenit. & velut ex equo in equum se traiciunt, ab hoc scriptore in alium, ab isto argumento in illud: quo fructu? momentaneæ voluptatis, & ut tempus suum, imò & se, fallant. Apage tales istos, & ad *Amadæum* suum, aut si aliùs assurgere velint, *Heliodo-*

rum cant. Tu Ordine leges. quem ex ipsis à me dictis etsi potes instituire: tamen in exemplo dabo. Ecce Romanam *Veterem* legere decreui. ordiar ab vniuersali aliquâ notitiâ, & Compendium *Flori*, aut *Eutropij* præmittam. Tum à capite, & ab ipso *Liui*: cui *Dionysium* adiungam, & *Polybium*, *Plutarchum*, aut *Appianum*: sed quemque in consimili argumento. Cùm peregero, ad *Mediam Nouam*que veniam, & constantiâ eâdem peragrabo. Et de *Ordine* facile est, atque animi tantùm decreto opus: *Cura* plus habet operæ, & in eâ omnis est legentium fructus. Duo in hâc specto, siue exigo: *Attentionem*, & *Electiorem*. Cùm legis, non suspensum aut attonitum te habeat tantùm nouitas aut magnitudo euentuum: insiste, inquire, cui rei hoc facere possit, & æquum vsum sui præbere. Mora hâc aliqua inter legendum & tarditas, fateor: sed nimirum, dicto veteri, *Nulla res potest esse eadem, festinata simul & examinata: nec esse quidquam omnium, quod habeat laudem diligentie, simul & gratiam celeritatis*. Tarda igitur, & quære. cùm repperisti, tum sit *Electio*: id est, vt stilum capias & excerpas, & velut annonam in horrea quædam reponas. Ea distincta etiam sint, & iamantè libri parati, meo iudicio, quattuor; in quos, quidquid eligis, conferas & tutò deponas. Nam memoriæ suæ qui credit tantùm: quid agit? non dicam nihil, sed in breue, proficit: nec vlla ea tam vasta, capax, tenax est, quæ varia ista cum fide asseruet & reddat. Trade libris. in quo labor aliquis, & iterum in legendo remora: sed, mihi crede, utilis, si quidquam in omni ratione studiorum. Libri isti quattuor, totidem titulos habeant rerum, quas præcipuè in Historiis notes: *Memorabilem*, *Ritualium*, *Ciuium*, *Moralium*. Quid *Memorable*? res designo magnas, & cum admiratione aut motu legendas, siue audiendas. vt est notabilis *Potentia* alicuius regis aut populi, *Opera*, vel *Opes*, *Prodigia*, & noui aut insoliti *Euentus*. vno verbo quidquid non obuium, & magnitudine vel raritate se commendat. *Ritualia* autem, quæ pertinent ad instituta ritusq; veteres, siue quos in publico, siue in priuato vsurpabant. Alios enim istos Orientales, Græci, Romanique habuerunt: & ab eâ notitiâ, seria omnis intelligentia dependet veterum scriptorum. At *Ciuium* appello, quæ ad vitam & regimen commune faciunt, & hanc hominum iure & legibus deuinctam societatem. *Moralia* denique

denique, ea quæ priuatim ad nos & vitam formandam, virtutibus amicam, vitis alienam. Ecce, quattuor hi sunt *Tituli*: quid superest? referre in eos, quidquid ad singulos illos facit, siue *Sententiarum*, siue *Exemplorum*: idque cum hac *Attentionis* curâ, & *Judicij* item nominâ. Dic clarius, inquires. Nempe quisque liber alios & minores suos titulos habeat: quia Natura & Memoria ordinæ & partitione istâ gaudet. Vt, ille *Memorabilem*, in ea quæ attigi: nec nimis sanè argumentum hoc patet. Latissimè *Ritualium*: ac diuidamus in *Sacra* & *Profana*. Sacra omnia publica: continentque *Deos*, & eorum *Nomina*, item *Cognomina*: tum *Insignia*, *Munia*, *Cultum*, & *Templa*. Amplius, *Sacerdotes*, aliosq. ministris: tum *Sacrificia* ipsa, *Hostias*, *Cerimonias* & ritus: deniq; *Verba sollemnia* & formulas precationum, & quidquid illos aut ista spectat. Nimis partiti, tenue est, & hîc inutile: spernes. Iam *Profana* sequuntur: atque ea duplicia, *Publica*, & *Priuata*. Illa, quæ communiter omnes aut plures tangunt, & publicis legibus aut institutis continentur. vt *Magistratus*, & singulorum *Munia*, aut *Ornamenta*: vt *Senatus*, *Militia*, *Prouinciæ*, *Præfecturæ*, *Officia*, & quidquid istis adhæret. tum *Leges*, *Iudicia*, & eorum ratio, *Supplicia*, *Tormenta*, *Pœnæ*: lætiora denique, *Ludi* & *Spæctacula*, *Triumphus* & *Festi dies*. Ad *Priuata* venio, & iis subiungo, *Nuptias*, *Funera*, *Balneæ*, *Conuiuia*, *Vestes*, *Nummos*, & quæ longum sit complecti. Minuta enim etiam intercurrunt: sed in sermone ostendenda potius, quàm scripto adumbranda. Imò adeò minuta, vt nec *Titulos* suos grandiores quædam habeant: sed verbis signentur, & ordine isto litterarum. Ac si me audis, in plerisque eo vtêris: quia non ad famam aut pompam ista disponuntur, sed tui vsum. Sequuntur & excipiunt *Ciuiilia*: vtilissima pars iis, quos genus aut destinatio ad rempublicam vocant. Is liber tres partes habeat, antiquâ & verissimâ diuisione: *status Regum*, *Optimum*, *Populi*. In quaque parte notes, & eò referas, quæ *Firmandæ* sint, aut *Vertendæ*: & hæc ipsa subtilius diuidas, vt à me in *Politiciis* factum. Vt hoc exemplo cum fiduciâ: & conueniant vel qui noua adferunt, aut vetera referunt, non dabunt in ordine & methodo, quod fortasse anteponas. Sed vnum etiam addi potest, & debet. vel vt *Sententiæ* plures vni rei congerantur, vel vt *Exempla*. Hanc postremam partem non neglexi equidem, & habeo

sepositam inò paratam in scriniis, & auidam exire. Sed tu aut alius, non ideo remitte: & quisque sibi, vel firmitus, vel iucundius certè, tale aliquid struit. Postrema sunt *Moralia*. quorum duæ partes, *Virtutum* & *Vitiorum*. Velim & hæc disponi ordine litterarum: sed ita, ut *Virtute* præeunte, cuique bina sua *Vitia* sint subiuncta. Traho eodem etiam non *Vitia* propriè, sed *Affectus*: & *Cupidinum* stirpes, *Spem*, *Metum*, *Gaudium*, *Dolorem* adnecto: tum etiam de *Beatâ Vitâ*, & quidquid in *Ethicis* sedem suam habet. Sed satis hæc communia in scripto præiui: in sermone alia. illud in fine te sedulò moneo, ut ne mole hac, quæ videtur, absterreare. Quid enim? tam varia, tam multa? inquires. Nihil est: imò incredibile, quàm citò hæc suscipiantur, & fiant, si tenor & constantia sit, & quisque dies opus suum præbet. Triennij res, non diu te differo: mihi si olim talis monitor, vel citius absoluissem. Cogita te in ipso flore æui, & corpus labori, animus intentioni ferendæ esse: quid cessamus,

*Dum res, & ætas, & sororum*

*Fila trium patiuntur atra?*

Non fac, mi adolescens: cui ego factum consultumque tuâ causâ volo, tum & Cl<sup>mi</sup> V. Legati Regij: qui etsi connubio tantum tibi parens, tamen vel naturalem affectu & curâ præstat. Tu agnosce, illum cole, me & bona ama. Louanij, III. Non. Decemb. ∞. 1500.

## EPISTOLA LXII.

IOANNI DRENCKWAIRTO, *Theſaurario Belgicæ*.

**D**IVINA planè virgulâ (quomodo enim aliter interpreter?) factum videtur, ut ipsâ horâ ac pænè momento, quo tuas accepi, hic ad me veniret, quem vides. Est mihi cognatione aliquâ iunctus, orbus utroque parente, in stirpe honestâ exiguis & vix dicendis opibus: tamen auxilio amicorum ad Magisterij gradum peruenit. A quibus ipsis litteræ mihi commendatiæ pro subsidio, ut Theologiæ studia, ad quæ adspirat, ordiri & finire feliciter possit. Equidè cum humanissimam, & cui obligor, oblationem tuam videre in, & vnâ istum: putavi, ut dixi, diuinitus fuisse hunc concursum: & eundem statui, eo fine, sedulò commendare. Non ut cognatum tamen, nec hos aspectus in istâ re ha-



re habeo : sed ut boni ingenij & industriæ, ut notæ modestiæ iuuenem, & qui toto animo ad Pietatem & sacra studia, imò & sacram vitam, id est Sacerdotium, contendit. Iuua cum in laudabili hoc cursu : nos quoque secundas faciemus, & in libris aliisque necessariis iuuabimus, pro parte. Ego spondere audeo utilem Ecclesiæ futurum, & beneficij tui non ipsum solùm, sed & nos memores : qui adsiduè nouis à te, nec inuiti, obligamur. Non enim hîc, ut in pecuniâ, redditione aut re opus, ut soluaris : sed agnitione & grato animo. quæ in nobis largiter esse & fore assero, quamdiu Deus ille dabit hîc esse. Ille te Ampl<sup>m</sup> & Nobil<sup>m</sup> Domine, longæuum reip. nostræ & Principibus præster. Louanij, prid. Nonas Decemb. ∞. Ioc.

## EPISTOLA LXIII.

*Mediolanum.*

ERYCIO PUTEANO suo S. D.

**E**GO verò honestissimum munus, à Senatu Mediolanensi in te collatum, & iudicio meo approbaui, & gratulatione etiam profectus sum : quam scripto consignatam per Velsrum nostrum misi. An aliter possem ? placet, placet hæc tui productio : sustine personam, quam sumpisti, & mereare non vnâ palmam. Sola gloria multis

— *quemuis perferre laborem*

*Suadet, & inducit noctes vigilare serenas :*

te & hæc, & merces quæ etiam functioni tuæ est adiuncta. Orationem, de quâ scribis, auspicalem tuæ operæ, libens videbo : libentius *Promissidem Epistolarum*. quidni? mihi inscriptam. Ambigis an amplectar ? utrâque manu : veniat & ad libentem, & addam etiam merentem. Non negabis mi Puteane, si non seuius hanc arborem, tamen rigauimus, putauimus : & in parte fecimus, qualem alij mirantur, & ipsa esse gaudet. An iniurium, si fructus aliquos ex eâ mihi asseram ? imò veniant & vascar istos primotinos, & hæc libamenta audacter nobis pone. Nos quoque iam edimus EPISTOLARVM CENTVRIAM III. ad solos Italos aut Hispanos (caussa discernendi sic fuit) siue qui in iis oris. In iis & tuum nomen interlucet, & Sacci nostri, & plurium ibi amicorum. Septalium esse in te, qui est, gaudeo, & beneficia hæc

mihî etiam inscribo. Quid si ad eum ipsum hoc scribam? puto, nisi abstrahor : tu vale, ille salueat. Louanij, xv. Kal. Ianuar. anni ∞. IOCI.

Hub. Audeantius meus Carmen parabat Promulsidi tuæ præponendum. Est is qui nuper ad te scripsit. ama amore dignum.

## EPISTOLA LXIII.

*Bruxellam.*PETRO PANTINO *Decano.*

**E**N CENTVRIAM nostram, de quâ antè scripsi. Dic seriò quid videtur? damus & subserimus alias? an satis est vnius huius erroris? ludicium à te peto, quod pauci mihi donent (ô miseriam!) inter meos Belgas. Nam doctrinæ aut litterarum studia quò eant, vides. in terras certè alias: aut fortassis eò denique, quò olim Astræa. Nimbus à Galliâ dissipatus videtur, iterumque ibi \* *νέμελος ἀΐθρη*: si tamen regiâ & bonâ fide hæ res geruntur. Nam sunt qui verentur ne fallax serenitas, & in nos incumbat ac deronet nubes illa belli. Abominor, & Deum patriæ tutorem precor, & tibi Vir Reu<sup>de</sup> & Clariss<sup>me</sup>. Louanij, x. Kal. Mart. ∞. IOCI.

\* *serenus  
aër.*

## EPISTOLA LXV.

*Mechliniam.*

HADRIANO VANDER-BVRCHIO I<sup>to</sup> & *Consiliario*  
*in Senatu Geldriæ S. D.*

**E**N ad te quoque CENTVRIAM istam. quidni autem? qui & me amas, & mea æstimas; atque adeò istis quoque leuioribus pretium aliquod donas. Vtinam tecum alij! sed vereor ut tuum punctum amor mihi donet; alij refragentur, quibus iudicium in iudicio hoc adhibetur. Sed vicumque, vel error tuus gratus est ab eâ causâ: & Numen precor, etiam si ille desinit, ista perseveret semper. Vale Vir Cl<sup>me</sup>. Louanij, x. Kal. Mart. ∞. IOCI.

EPI-

EPISTOLA LXVI. *Bruxellam.*PETRO PANTINO *Decano.*

**T**v verò non ambigens & cunctanter, sed liberè & apertâ fronte petere debebas istud, quod tribui à me vides ambitioni etiam vulgarium ingeniorum: quid non Pantino meo, vndique sic merenti? Feci igitur, & hîc habes: vtinam pro tui pretio, pro meo affectu! Meletæas chartas æquarem, si hoc esset: nunc vires conantem deserunt, nec ad alta assurgimus vel studiis fatigati, vel languoribus fracti. Agnosce, & animum certè amicū ama. Louanij, v. Idus Mart. ∞. IOCI.

## I. L I P S I

## SVPER SS. PATRV M SYNTAGMATE

nouiter à PETRO PANTINO V. R. & Cl<sup>mo</sup>

vulgato, &amp; eruditè verso,

Phaleuci.

**Q**VIS novus liber hic? liber sacratus,  
*Sacra nomina, res habet sacratas.*  
*Quis auctor? varij, vetusto ab ævo:*  
*Cum mos & pietas vetus vigeant.*  
*Quis produxit? & ipse moris, atque*  
*Virtutis veteris: vetustiorum*  
*Gnarus artium, & viriusque lingue,*  
 PANTINVS meus. ille, comparata  
*Cui niues videantur esse nigrae:*  
*Quem suum veteres velint Athenæ,*  
*Quem suum vetus ipsa Roma dici:*  
*Quem meum cupio, & meum esse iactō:*  
*Cui, dum corpore mens mea illigatur,*  
*Fido & firmo adamante colligabor.*  
 Quod SANCVS pater audiat, FIDESQUE.

EPI-

## EPISTOLA LXVII.

Bruxellam.

REMACLO ROBERTI S. D.

**D**E Transylvaniâ mitiora nos hîc audiebamus, & conatum magis turbandi pellendique, quàm effectû fuisse. Opto ita sit, quia hercules eâ prouinciâ, post Canisiam, nunc amissâ: quid spei super de Hungariâ maneat? Quæ & nunc tenuis, nisi alia consilia & fœdera Principes incant ac iungant. qui ferè (veteri Europæ morbo) suis dissidiis & bellis atteruntur, publici discriminis securi aut negligentes. In Belgicâ nostrâ re, ego plagam aut plagas hac æstate metuo: nec video equidem valdè comparatos ad arcendûm. De Buscoducis ( quanti momenti opido?) occultus rumor est ciues languidiores fieri, & vt verbo dicam, nauseare. Si vis adhibetur, vereor vt, quod ferre possunt, ferant. Sed vobis hæc notiora. Quod nuper scribebas de liberis apud te, quosdam vidi, quosdam nunc non lubet nec vacat. NN. ego habeo, & obiter legi: neque nimis me cepit. Legatus Reginus recenter de te amicè & benignè scripsit, sensitque. Ita enim de candore eius mihi polliceor, & dicta in rem collaturum, vbi occasio erit. Tu in eâ officium & salutem à me defer, & hanc ipse voto meo habe. Louanij, III. Idus Mart. ∞. IOCI.

## EPISTOLA LXVIII.

IOANNI DRENCKWAIRTO, *Thesaurario supremo.*

**D**VO vouco. & latum tibi hoc sollenne, & plura, quæ valens letusque addas: tum & in me eiusmodi culpas, quæ tali pœnitentiâ luantur. Tu me silentio offenderis? non potes in tuis occupationibus quas noui, & quæ reipublicam nostram summam tangunt: nec, absque iis, causâ erat aut materies literis respondendi, quæ nihil nisi affectus mei auram ad te mitterebant. At tu benignè quasi offensam agnoscis, & optimo vino (gustavi enim heri) luis: quid nisi gaudente me in hoc affectu, & pro eo gratias agente, & perseverantiam optante? imò & sperante. quia à me, pro viribus quidem, semper alimentum ei erit in officiis & cultu, quem tibi debemus. De tuo Balduino, non possum nisi bona dicere, & meliora prædicere: ita & mores eius

eius & ingenium omnia ea præstant, aut spondent. Modestia & probitas adsunt, quæ à stirpe & gente traxit: adest industria, & acrimonia ingenij, quæ à Deo dona habet. Iudicium adhuc formandum in multis, ut hæc eius ætas est: sed & supra ætatem in multis rectum & maturum habet. Confidentia, & securitas, & illa dispositio sermonum paullatim accedent: & nos elaborabimus polire, & reddere te dignum. In studiis, iam diu est cum me auctore ius civile etiam adiunxit; titulum Baccalaurei meruit; & disputationes publicas ac priuatas (in quibus plurimum momenti est) adit. Itaque sperarem, & ausim promittere eum aptum futurum, qui proximâ hieme Licentiæ titulo insigniatur. Præmaturum est, inquires. Ita, si ætatem vides: non est, si progressum, & communem nunc etiam morem. Mouet me & causa, quod velim tempestiuè eum ad res adinueri, & tuæ auctoritatis velut manu educi & attolli. Nam spes certè omnis dignitatis eius in te est (post Deum quidem:) & te tamen mortalem esse, cogitare cogimur, etsi multos annos vouemus etiam & destinamus. Sed hoc totum iudicij tui & prudentiæ facimus: & tempus superest deliberandi. Ampl<sup>me</sup> & Nobil<sup>me</sup> Domine, vale. Louanij, VIII. Kal. Maias. ∞. MDCL.

## EPISTOLA LXIX.

Lutetiam.

ISAACO CASAVBONO S. D.

**B**ARONIVS meus nondum venit, tuas tamen, quasi metatobres præmisit hospitio indicendo, sanè gratas. Placuisse ipsum vobis, gaudeo: utinam diutiùs in illo sole velut colorem potuisset ducere! sed negauit ille, cui ipsum nihil negare ratio iubet. Dete quod addis, exuere paullatim scribendi edendique animum: malè narras, nolim. Tu in illo ætatis ingeniique flore? & addam etiam, famâ ac fauore sic adspirante? Nam habes ea certè à doctis: ab omnibus si expectas, tum licet alias res agas, & has paucorum hominum facias missas. Iustius mihi ea mens sit, annorum, laborum, morborum veteri: & cui omnis lex & mos det missionem. Tamen perseuero, etsi vereor ut vel inuitum soluat illa *δυσίκατος ἀσπυσία*, graue onus, & quam nullâ medicinâ aut curâ excutimus, vix leuamus. Itaque SENECA meus

*incurabilis morbus.*

KKk

diu

diu iacuit, nescio an attollendus. EPISTOLAS nuper dedi; sed ad Italos & Hispanos tantum: quia nihil ad vos, & logi aliquot aut inanix sunt, pudicum est mittere. Sed heus, loci sunt in Senecâ, in quibus hæremus aut pendemus, & possis mihi subsistere. vt in illo Consolationis Heluianæ cap. x. *Ingens Capitolij vestibulum*, de Apicij luxu. Quid hoc ad eum? an comparatio est? an & mutatio placeat? Consolationis Polybianæ, cap. xxxv. *In quas per templa aditur*: De Palatio accipimus, vbi templa, scio, sed an sic in aditu? & per ipsa intratum? De Irâ iii. cap. xxii. *Huius nepos fuit Alexander, qui lanceam*. Mirum, si Antigoni illius nepos, qui ipsi inter successores fuit: & nec in nomine quidē error, quia nemo talis inter Macedonas reges proauos. Atqui mox etiam addit: *Non habuit hoc autum ille vitium*. Plura talia alibi in isto aut noto, aut corrigo: sed hoc noto tantum. In *Militiâ* etiam nostrâ, quid tibi videtur de *tripedalî parma diametro*: de *Pili, palmari*? aliud à me sentis aut habes? doce volentem & imputaturum, & salue. Illud autem de frigore tuo in scribendo, iterum seriò ingero: *Ὅπως δ' αὐτὸς νῦν ἔχεις τὴν χύδαλον*. Incalcesce. Louanij, ix. Kal. Maijas. ∞. IOCI.

\* Hac ipsa  
mens, mihi  
crede,  
mentem  
non habet:

## EPISTOLA LXX.

Antuerpiam.

IO. BAPTISTAE BARONIO S. D.

**G**AUDEO te rediisse, etsi præter opinionem meam factum. Causas parenti tuo fuisse non dubito, & vel illa causâ sufficit, quod voluit parens. Quî Gallia placuerit, quî ibi homines, atque alia, seruabimus in sermonem, auidē tecum miscendum, atque etiam amplexum. Veni, veni. sed quando? de die scire velim. nam ego peregrinatiunculam paro in Neruios, & amici iamdiu eò inuitant. Nolim te me absentem requirere, & doleam si fiat. Tamen, vt tuæ litteræ erant, intra paucos dies, atque adeò hâc septimanâ, te exspectamus. Domum è quâ egressus es nosti: caue aliam ingredi, quamdiu ego vivo. Vides non rogare me hoc, sed iubere. Neque enim omni vindictâ te munifi, & attineo vinculo aliquo obsequij, quod bono iure non laxes. Vale, & auum, parentem, fratres saluta. Louanij, viii. Kal. Maijas. ∞. IOCI.

EPI-

## EPISTOLA LXXI.

*Dolan.*

IO. BEZANCENOTTO S. D.

**A**N & I<sup>ai</sup> titulum addam? certè donatum eo iam cum fratre esse, ex litteris colligo, quas ad me dedisti. Amo & scrip-  
tionem tuam, mi Bezancenotte, & iamdiu ipsum te: idque ob  
ingenij melioris dotes, quas Deus dedit. Excolere eas cœpisti, &  
proferre: sed cum ætate magis & magis: & nunc denique è scho-  
lis & umbrâ ad fori & rerum lucem actionemque venitis. in quâ  
versari vos cum laude, id est cum fide & probitate, velim atque  
optem. Doctrinam certè adferetis (nam & fratrem tuum inclu-  
do: ) sed per Deum immortalem, Themidi vestræ Mineruam  
etiam miscete, & Sapientiæ illa decreta adsumite, sine quibus in  
hâc rerum caligine non est, mihi credite, pergere viam rectam.  
Ut in familiâ opus est herâ ac dominâ, quæ coërceat: sic in hac  
interiore œconomiâ, Sapientiæ illo imperio, quod affectus regat  
ac dirigat exultantes. Facite, ita Deus vobis fauceat, & honore si-  
mul ac virtute mactet. Louanij, prid. Kal. Maijas. ∞ . IOCI.

## EPISTOLA LXXII.

*Bruxellam.*NICOLAO DE VVEERDT I<sup>to</sup> & Cognato.

**B**ENE est, benè est, pecuniam adnumeratam esse: nequid  
ultrâ tergiueretur vel mutet noster ille Proteus. liceat sic  
appellare meum Fabrum, virum bonum quidem, sed parùm in  
verbis aut pactis (sensi aliquoties) stabilem, & qui aliquid trahat  
à leuitate sui ignis. Nunc tenetur, & vel anguis fiat, non elabe-  
tur. Hoc igitur lætum; illud mordet, quòd de aduentu tuo dis-  
tulisti. An mecum igitur in reditu vis, & iam nunc spondes? At  
ecce quia meliorem Bacchum, & è femore Iouis natum, gustare  
apud me noluisti; ego velut in pœnam, tristiore istum & Se-  
mele natum (Becani argutiolas agnoscis) bibendum ad te mitto.  
Rogo, extra iocum, munusculum volēs accipias, quod à volente  
scis mitti: & spero in suo genere non inter vilissima futurum.  
Gustus tui, tuam etiam addo, res erit: & si sedebit, ecce fontem  
è quo quotannis petas. Flores mei cladem, ut scripsi, magnam  
passi erant: reparauit in parte & supplementa accisis copiis mi-  
sit Gaspar Taius, Goïckensis toparcha, sanequàm opportunè &  
beni-

benignè. Gaude hoc mecum : nam & tibi in meo horto feritur & meritur , atque illo crescente crescet etiam tuus. Vale. Louanij, prid. Kal. Maijas. ∞ . IOCI.

## EPISTOLA LXXIII.

Brugas.

CORN. ANCHEMANTO suo S.D.

**V**ALERETE , & apud tuos etiam esse , mihi quidem placet. At non inhi , inquires , in hoc otio & desidiâ. Credo. sed patriæ & tuis aliquod etiam tempus dandum est , à quibus diutulè abfuiisti. Prouidè item & lentè agendum de Peregrinatione. quam ego in Galliam nunc non dissuadeam , qui res quietæ & firmæ videntur , per Allobrogicam hanc pactionem. Antea hercules hærebam , & ne nos traheremur in partes , id est in vetera mala & bellum. Itaque si amicis tuis idem videtur , & sedet te aliquò ablegare : age , cum bono Deo , fiat in Galliam , doctrinæ & elegantix iam olim sedem. De Italiâ , post illam deliberabimus. Tu tantum cogita iam nunc & imbibere , vt immunem te serues à noxis & vitiis , quæ in eâ regione , per bella ciuica maximè , pullularunt. Luxus , libido , ~~doctores~~ , regnum in multis locis habent : coercere te & abstinere , & Honesti illum splendorem & Numen ante oculos pone , quæ fumos aut nebulas istas dissipabunt. Didicisse te ostende , non vt scias quid deceat , sed vsurpes.

*Et grauius curis , animum sortita virilem,*

*Ignea longauo frænctur corde iuuentus.*

Quibus curis : scientiæ & prudentiæ , quæ scopum peregrinationi tuæ habes. Addo Virtutem : quæ suprema cura , & finium , vt ita dicam , finis : quam sic stringe , vt ab hac vitâ citius , quàm ab eâ auellaris. Ita abi , & redi , semper meus , si illius. Louanij, VIII. Kal. Iun. ∞ . IOCI.

## EPISTOLA LXXIV.

In castra.

IOANNI SEVRIO, Legato Hispaniensi à Secretis.

**B**ENIVOLENTIAM , quam sermo tuus nuper spirabat , nunc & litteræ. quid debeo ? quid , nisi eamdem beniuolentiam ? quam animo huic firmo charactere impressam , audeo dicere , & non nisi mecum delendam. Tu foue , mutuum à me fiet. Conquereris de discessu meo inopinato : sed ita res tulit , & diutius domo



domo & scholis abfueram, quàm meus aut publicus etiam vſus eſſet. Ea cauſſa mihi ſubductionis. alioqui, Genium teſtor, ſuaue eſſet apud veſtri ſimiles agere; vt frontem atque animum exporrigerem, vel ſtudiorum ſeueritate, vel temporum hâc mœſtitiâ contractum. Non licet, & in animi etiam libertate ſeruitus aliqua externa adiuncta, quam nullæ vindiciæ hîc quidem reſoluunt. Publica per te didici, in ſpe magis quàm in re læta. Sed tamen aut ego nihil in Principum rebus video, aut aliud aliquid agitur & arcanè apparatus, quàm vulgares iſti oculi aut mentes vident. Eâ cogitatione ſæpè me firmo. & niſi ſit, fateor liberè, vt nunc res eunt aut potius fluunt, nihil me pro votis bonorum, aut dignitate imperantium exſpectare. O dii deæque (liceat ſic indignantem loqui) in tantis opibus, & vbi omnia ad magnitudinem ſic parata & ad manum ſunt, tamdiu nos: ſed deſino. Numen videbit: quod gaudet inuertere iſta humana, ſæpè præter humanam ſpem aut mentem. Noſtrum eſt, quæ non in nobis, ferre, & alto animo excipere omnem caſum. De pace, ſiquid cum Turcis conueniet, mirabor, & gaudebo. Neque negem; hoc ſtatu Chriſtianæ rei, quancumque illam optabilem & vtilem fore. Mihi tua amicitia: quam delatam amplector, & tenebo: & tu me in ſinu illo mentis. Louanij, III. Kal. Iul. ∞. 1661.

## EPISTOLA LXXV.

THEODORO CANTERO S. D.

**L**AETIS oculis atque animo litteras tuas vidi, legi: & præne dicam,

— *Amyclæis velut exſultauit arenis*

*Pæſtor, ad Jdaas Helenâ veniente carinas.*

Vetus inter nos amor, & ab honeſtiſſimâ ſtudiorum ſocietate eſt; quem temporum hæc iniquitas interpellare, non abrumperè potuit: & in me quidem viuit vixitque cum affectu & fide, qualem tu litteris his præfers, & volenti credenti que teſtaris. Ita ſit vtrimque, & maneat: nec externa iſta diſſidia animos tangent aut polluant, ab eâ labe iure ſuo exſortes. Finem illorum ſi exſpectamus, quando erit? cum nos non erimus fortæſſe. adeo pertinax Fortuna Belgis incumbit,

KKk 3

- quæ

— *quæ procudit enses*  
*Et socias inimicat vrbes.*

Heu, quor iam illa

\*hominū  
 validos  
 Orco pro-  
 iecit?  
 \*projicies.

— *ἰσθίμης κεφαλᾶς αἰδῶ περὶ αὐτῆς;*  
 & adhuc \* *ὑπὸ δ' ἑσ,* vt rerum hæc facies minatur. Tu sapiens in-  
 terea & felix, qui quantum potes reductus à fluctibus terram  
 legis, & tibi studiisq; asseris, vnico in his turbis solatio & le-  
 uamento. In me quidem sic experior,

— *quem mea tellus*

*Lare secreto tutoq; tegit:*

libris & scriptis inuolutum. Ergo eumdem animum iure tibi  
 gratulor; & siquid adiutum aut alleuatum hîc ire possim, habes  
 volentem & audientem. Significas de *Eleusiniis sacris* syntagma  
 te parare: sed in quæ etiam illa *Cybeles & Isidis* includas. Pro-  
 bo, & pergere adhörtor: quia pars ea sacrorum multas ἀρχαιο-  
 λῆτας habet, & ad lucem etiam scriptorum nostrorum, qui primi-  
 tîs profana illa & superstitiosa abiecerunt. Equidem non deero,  
 vbi distinctè rogabis, suppetiari: atque adeò etiam nunc vtrò a-  
 Cap. VII. liquid de Cybeleis sacris adiungo. In Suetonij Othone est, *Ex-*  
*peditionem impigrè incohassè, die quo cultores matris Deum lamentari*  
*& plangere incipiunt*: atque id inter tristitia omina recenser. Inter-  
 pretes referunt ad diem VI. Kal. Aprilium: quia in Amimiano ita  
 legerunt, lib. xxvi. *Ad diem VI. Kal. (Apriles) quo Romæ matri*  
*Deum pompe celebrantur annales, & carpentum, quo vehitur simu-*  
*lacrum, Almonis vndis ablui perhibetur.* Errant. imò ad IX. Kal.  
 Apriles referendum est, qui dies *Sanguinis* dicebatur. Is enim tri-  
 stis, & planctus tunc suos Galli ordiebantur, atque adeò corpor-  
 um sectiones. Trebellius Pollio in Claudio: *Cum esset nuncia-*  
*tum IX. Kal. Apriles, ipso in sacrario Matris, Sanguinis die, Clau-*  
*dium Imp. factum, neque cogi Senatus, sacrorum causâ, posset.* Vides  
 diem sollenni veneratione, & illo nomine fuisse: quod Tertul-  
 lianus in Carmine ad Senatorem adfirmat. de Gallis:

*Mente fremunt, lacerant corpus, funduntq; cruorem.*

*Quale sacrum est, vero quod fertur nomine SANGVIS?*

Causam etiam ibi nominis habes, quia tunc sanguinem inci-  
 piunt fundere, ac perseverant vsque ad diem illum (Amimiano  
 notatum) VI. Kalendarum, quo *Lamatio* instituitur, & luctus  
 suos

suos ponunt. Statius:

*Est locus ante urbem, quàm primùm nascitur ingens  
Appia, quaq; Italo GEMITVS Almone Cybelle  
Ponit, & Idcos iam non reminiscitur amnes.*

v. Silu.

Itaque dies ille tantum abest vt funesti ominis, læti potius fuit: & vulgò *Hilaria* dicebatur. Leges in Lampridij Alexandro, *Hilaria matris deum*. De Lauatione porro, cùm alij, tum Prudèrius *œd. sc. p. d.* hymno x. & Augustinus II. de Ciuit. cap. IIII. Herodian. l. I. Vides propensionem meam in te & tua studia, magis declarandam si sermonis alterni copia esset. Pollioni nostro dignitatem gratulor, Deū precatus vt bono publico exercendam. Liberi tui quid & quā agunt? iam & alter vxorem habet? In honesto quidem otio, tuo exemplo, esse arbitror: faciant, te vnerentur, nos ament. Louanij, prid. Idus Sextil. ∞. IOCI.

## EPISTOLA LXXVI.

Brugas.

IANO LERNVTIO S. D.

**Q**UID ait meus Audeantius? irasceris, & tuum  
*Fervens difficili bile tumet iecur?*

Ego rideo, & adeò satisfactionem non offero, vt à te eam poscam. O mens pura, & innocentia sibi conscia! At aliquid in Carminibus tuis me fugit, nec liberè monui aut notavi. Prius potest, alterum abnuo: & quæ vidi, certè monui & scripsi. Fac me aliquid conuiiente oculo, aut parùm præsentī mente, legisse. Id quoque potest, & vt distractiones meas omittam, quis, quem non in suis & alienis aliquid fugit & elabitur? Si quis est,

—— *immolet æquis Hic porcum laribus:*

ego fateor me inter Homericos sæpè esse, & oculis non semper acutis, imò non apertis. Sed hoc mittamus. ego tibi, mi Lernuti, & fui serio & ero amicus,

*Dum pecori lupus, & nautis infestus Orion.*

Sed de Audeantio meo iterum. adolescens adprobi ingenij est, & in Prudentium aliquid vellet, à te iniectum. Gisellini nostri illius quædam habes: per eum possent edi, & honore non solum saluo illius amici, sed aucto. Cogita, & scribe, aut si probas, mitte. Ostenda vos etiam exercet, sed spe tamen nunc certiore, vt audimus,

audimus, eius pouundæ. Deus faciat: vtinam ego te aliquando! In Neruiis nuper fui, anno proximo (si vita mihi & vires) Morinos fortasse vestros & te, te videbo, quod

*Mens desiderijs ista fidelibus*

nimiùm auet. Ita sim saluus, vt sentio & propono: ille modò

*Gentis humane pater atque custos*

te meq. in id tempus seruet. Louanij, prid. Idus Sextil. ∞. I. CCI.

## EPISTOLA LXXVII.

IOANNI DRENCKWAIRTO, *supremo Thesaurario.*

**E**XCVSARE metibi debeo, etsi immunem à culpâ, sed ne silendo faciam me illi adfinem. Nam fui Antuerpiæ nuper, & Bruxellâ reuerti ac te adfari mos meus ac tui cultus volebant: sed mutauì, & compendio Mechliniensi viâ redij, quia monitus eram Præsidis filiû cum Rubenio reuocari, & subito abeundum eis esse. Festinaui, vt Vale caperem & dicerem: in eâ tamen ipsâ re deceptus, & tutum non putarunt expectare. Eant cum bono Deo: quid autem, si in tam bellâ occasione Balduinus tuus cum ipsis? Fateor de titulo capiendo hîc, decretum nuper à te esse: sed & in taliâ posset: nec tales certè itineris comites semper ei erit nâcisci. Pro tuâ prudentiâ, Amplissime Domine, statues quod è re videbitur: nam mihi indicare conueniebat, tibi iudicare. quem Deus ille publico & nobis incolumem diutissimè seruet, perpetuo nostro voto. Louanij, xvii. Kal. Octob. ∞. I. CCI.

## EPISTOLA LXXVIII.

*Antuerpiam.*

BALTHASARI ROBIANO *Senatori.*

**A**MICVM amicis me fateor: & sum hercules opido vestro, & illi V. C. de quo in sermone nuper egi. Eò grauius fero inter se dissidere, & ad litem venire, meo voto, & tuo auxilio (ita cupio) finiendam. Annue hanc operam mi amice. quid honestius tibi, & fortasse vtilius vtrique parti potes? Opidum, tinon nunc, fortasse postea detrimentum, & quidem cum sænore, sentiet: at iste pondus grauissimæ litis excipiet, & in eius humeros, qui consortes sunt, maximè inclinabunt. Adiueamus, & vocem  
moni-

monitumque Rudolphi primi Austriaci audiamus. cui cum plures lites cum pluribus essent, vna atq. altera grauis cum Abbate Sancti Galli, tunc potente: accessit vltro & inuocatus ad eius conuiuium. mirante illo atque aliis (nam & inimicitia, vt solet, ex lite ortæ erant) ipse constanter persequitur, & sine conuiuij cum Abbate seorsim locutus transigit, & pacem cum eo pepigit; ita fidam, vt Abbas postea auxilio etiam ei in bellis fuerit, quæ minuta (nam Comes adhuc erat) cum vicinis habebat. Sed vox eius abeuntis excepta à familiaribus est, totidem his verbis: *Quicumque tres lites habet, duas, si poterit, componat: hoc est meum consilium.* Et hercules meum, o Rudolphe: sed hoc amplius, etiam tertiam, vt nullum caput huic Cerbero supersit. Age mi Robiane, non ternæ, sed ter denæ aliquæ vobis lites sunt: recidite istas maximè grâdes, & quæ in môstra aut hydras succrescunt. Quid magis sollenne, nostris moribus & iuridicinâ? Lis litem gignit, iterumque hæc aliam, & catena fit quæ heredes etiam ligat. Bonâ Vvveni nostri veniâ hoc dicam, dubitare me an bono consilio in vitam & vsum Ius Iustinianæum à Lothario Imperatore reuocatum sit: sic dico, totum & plenum. Non quin bona in eo, arguta, & à sæculo veteri: sed nimis fortasse bona, arguta, vetera: & ideo seminarium ingeniis, ad calumnias fraudesq. pangendas. Dic fodes, quàm multa in eo, quæ vsum hodie non habent? quàm multa implicata, & variantibus sententiis enodanda? quid si pugnancia quædam dicam? sed vix ausim, & iuncti vimbonibus me inuadant. Et de iure ipso prisco, parum etiam sit: sed Commentarij quàm multi & pænè infiniti accesserunt? atqui & ij si concordant, vim legis in tribunalibus nostris poscunt. Amelij vetus querela an scœmma fuit, *Jurisprudentiam multorum camelorum onus esse*: quid nunc dicam? elephantos ab Indiâ adde, vix ferent. Atqui Platonis oraculum (recens à lectione suum) auribus meis insonat: *ὅτι παρ' οἷς νόμοι πολλοὶ, καὶ δίκαι παρὰ πολλοῖς, οἱ βίαι μαχόμεναι*: *Quod ubi leges multe, ibi & lites multe, & vitæ moresque prauæ.* Audi, & scrutare: verè oraculum est, & de multitudinè litium, nostra Belgica, vicina Gallia, & Italia dicent. Quomodo autem non & mores prauæ? nam primùm concordia tollitur, odia aperta aut occulta in animis gignuntur, adde fraudes, insidias, & studium vincendi quouis nexu, ac supplantandi.

*Non enim, vt Celsus verissimè scriptit, bona consciètia, sed victoria ligantis est premium.* De multis hoc dico; absit de omnibus, & animus me meus refellat. Sed proborum causâ indignor equidem, cùm Iasones istos video, qui palàm ad Colchos & aureum vellus eunt. Et quidem non improbi solum, sed stolidi aut fronte ferreâ, qui & artem hanc protollendæ siue tollendæ Iustitiæ iactant. Memini olim fuisse inter Byzantinos Oratores, qui interrogatus, *Qualis Byzantiis lex esset? Qualem ego volo,* respondit: ô dignum, qui pateretur quod ego vellem! Sed an non hodie tales, qui leges, vt ceram habent? pro animo aut lucello suo huc illuc ducunt & flectunt? Mentiri optem: sed hoc vnice, vt Rex sit aut Princeps qui inedeatur, & paucas, faciles, concordēs leges donet. Sed hæc *Monitis Politicis* seruentur, epistolæ modulo grandiora. Illud de re, quam institui, te rogo: pergas nauare operam, & vt pax coæt inter volentes. Noster certè cupit, & quoscumque interpretes eius aut pararios non recusat. Vtinam tam in procliui Bataua nostra pax sit! quæ ante annos aliquot prompta, magis magisque subducitur: & adeò non rem, vix nomen eius admittunt. Quid autem fiet, si Ostendam non capimus? quos illi animos? Sed capiemus, ita ominor: & vtinam illos nosque fatietas pessimi & omnia atterentis belli. Vale V. C. & salueat noster communis VVenus: an & hæc legat? legat, homo disparissimus iis, quos noto. Talium tacita vota, si non voces, sunt mecum. Louanij, XIII. Kal. Octobr. ∞. 1601.

## EPISTOLA LXXIX.

Brugas.

LVCAE VVYNGARDO V. N. S. D.

**E**N meas litteras, quas tuæ non elicerunt: sed ipsis tuis factis iure debebam. Quid enim minus possum pro donis sic vltro & vbertim missis, quàm gratias stilo dicere, animo habere? Et donis herclè meo animo lepidis, & quæ verè sunt illi recreando aut vegetando. Nam flores & hæc hortensis oblectatio ipsam vitam pænè dicam mihi seruat: cùm à libris & studiis, siue etiam turbis aut interpellatoribus, illuc confugio, & ad spectu ac secessu me pascō. Quid sit in hac re arcani adfectus, nescio: nisi quòd & post vitam veteres, hortos & campos Elysios imaginati sunt; & ipse Deus primo homini sedem beatæ vitæ dedig

dedit *ἑταῖρον*. Define, inquires:

\* *Μηδ' ἐξομῶρξῃ μωρίας τὴν σὴν ἐμῇ:*

Non faciam, desino: & publicæ occupationes aliò te ducunt. Quod proposui tamen, gratias ago: hoc ipso maiores, quò magis munus tuum commendo. De Theocriti versu quæsitum, *βολβός τις κοχλίας ἐξήρπεν*: — non alium sensum arbitror, quàm *Bulbum* (edulem scilicet) & *cochleam electam*, & propositam ad comessandum. Ita solent etiam Latini. In Martiale aliquoties mentio, & iunctim lib. iv.

*Et ficus Libycâ gelata testâ,*

*Cum bulbis cochleisque caseoque.*

Etiam Romæ hodie cochleas solent apponere; illi vsui aut fini. Sed hoc sensu, vide an non copulâ insertâ melius scribi: *κοχλίας ἐξήρπεν*. Valere te cupio, Vir nobilis, & \* *φιλοῦντα ἀντιφιλεῖν*. Louanij, III. Idus Octob. ∞. IOCI.

Iacobo Damhouderio salutem & gratias, rogo, à me dicito, qui & se floribus procurandis benignè impendit. Debeo.

## EPISTOLA LXXX.

*Tornacum.*

DIONYSIO VILLERIO V. R. & Cl.

**B**ENIS me tuis affatus es, à tristi nostro (mihi certè) discessu: At ego filui. quid causæ? distractiunculæ, quæ præter morem mihi me eripuerunt, nec nisi cogitationem & affectum passæ ad te mitti. Audi, sodes, & miserere. Nuptiæ vno tempore in domo meâ, hospites, interuentores. De nuptiis, vt sagax es, credo audisse. ancillam mihi ab annis xxvi. tæsam nocturnæ solitudinis (quid enim aliud ipsa aut ego dicam?) viro se iunxisse, & conuiuia illa, choreas, nugas in meâ domo fuisse. Ecce sub eas ipsas Bernartius mihi hospes, gratus sanè: sed cui me & tempus tamen impendi. Quid de exteris aduentoribus dicam? qui anno inclinante velut per agmina adfluxerunt, & salus capienda ab iis & danda, humanitatis quâdam lege, fuit. Atqui vix credas, quot horas & isti eripiant, etsi in breuibus fabellis. Iam sollennes & assiduas occupatiunculas meas omitto, in dies docere, scribere, & quidquid muneri meo adhæret. Scio ipsum te ingemiscere in splendidâ hâc meâ miseriâ, & quam fama aliqua melior nobis donat. Quid etiam omitto? quid? vel præcipuum turbamen-

LLI 2

tum,

tum, quod tamen famam video ad te tulisse. N. N. triennium ferè in meo contubernio & curâ, præter omnem omnium opinionem, tantis opibus & spe relicta, in diui Francisci cœtum se dedit, & diuino cultui mancipauit. Quàm me percussit censes hoc  
 \* *inopinatum?* ἀδῶντων? & cò magis, quia auunculo & parentibus (nam & ij viuunt) magnam hanc in animo plagam futuram videbam. Itaq. statim vxor illius & soror huc ad me, & mecum ad illum: conamur refrigerare aut abducere: at ille, veluti rupes, sermunculos nostros assilientes fregit aut repulit, & Deo duce vitam electam dixit, quæ nisi cum vitâ non eriperetur. Ita vltimus ille meorum me deseruit, & in solitudine iam reliquit. Quam tu damnas & dissuades, & atræ meæ bilis fomentum aut alimentum habes. Falli te puto: ego certè amo, & corpore atque animo cā pascor. Quàm liberæ mihi nunc cogitationes sunt? quàm curis istis alienis aut externis non districtæ? quàm vago itaque & diffundor? in cælum, terras, maria, in nostrum & alium orbem. Apagè à me, illum, qui

*Non horam secum esse potest, non otia rectè*

*Ponere, sequè ipsum vitæ fugitiuus & erro.*

Ego sapientiæ non dicam indicium, sed initium tamen esse puto, secum consistere, & sibi vacare. O si rure hoc etiam liceat!

*Propter aquæ riuum, sub ramis arboris altæ.*

Sed bella hoc vetant, nec Ostenda illa etiam PACEM OSTENDIT. Classè in Hiberniam sex millium Iberorum appulisse autumant: illam magnam, Africæ inuadendæ paratam, tempestate disiectam, & re nullâ nec tentatâ quidem reuersam. Hæc in publicis sunt: etiam illud, Reginam Hispaniæ peperisse, sed prolem fæminam. In priuatis tuis quid? bibliothecam pergis instruire? Index hic Francofurtensis quædam dabit. Io. Macarius, cum gratâ tui memoriâ, ante biduum mihi adfuit, vnâ cum Wingij nostri fratre. Vterque gratus, & in mensulâ meâ miscuimus fabellas. Quando tecum iterum? dispeream nisi aueo: & fiet, ita tu atque ego valeamus. Louanij, 11. Idus Octob. ∞. I. C. C.

De Neruiis tuis, seriò aliquoties à te quæsitum, quæ mihi visa hîc habes. Cæsaris & Strabonis tempore has sedes coluisse. Treuironum finibus, ab Oriente; ad Occasum à tergo, Ambianis & Atrebatibus iunctos; Veromanduos, in Meridiem, Atuaticos in

Septem-



Septemtrionem despexisse. Porrectos in longum magis, quàm latum: ab Oriente in Occasum. Hodiernâ nomenclaturâ fines eorum si vis designem, arbitror supra *Namurum* (vulgò *Namurcum*) & ab Arduennæ finibus cœpisse; iuisse in Meridiem *Fumacum* versus, tum *Chimacum*, *Auenas*, *Bauaci*, *Valentiana*, & flexu deinde in Occasum & Septemtriones, *Orchiacum*, *Tornacum*, *Aldenardam*; iterumque flexu in Orientem & Meridiem, *Geertsbergam*, *Angium*, *Brainum*, *Gemblacum*, denique rediisse *Namurum*. Coniectura hæc nostra est: & quis aliud in his adferat? sed veterum profectò verbis sensibusque innixa. Nam magnos fines habuisse, Cæsar apertè indicat: qui *ab Ambianis triduū iter se fecisse per Nervios* ait, *priusquam ad Sabin veniret* (hodie *Sainbram*) ubi copiarum & castra. A Treuiris autem cœpisse quod dixi, non id quidem Cæsar, sed apertissimè bis Strabo scribit, libro quarto: & à Germanis utrosque ortos, ipse ibi, & Tacitus in Germaniâ suâ, scribunt. Iungit & Panegyricus scriptor, *Nerviurum & Trevirurum arma*. At Tacitus *Bethasius* finitimos facit IIII. Histor. *Quilis Bethasios quoque ac Nervios in fidem acceptos copiis suis iungit*. Et antea: *Claudius Labeo quosdā Nerviorum Bethasiorumque, in arma traxit*. At qui isti *Bethasij* Brabanti nostri videntur, quâ parte Hannones tangunt: & hodieque iuxta *Hallas* vicus est *Beeths* nomine, qui verus illud refert. Itaque fines eorum ab hâc quoque parte satis stabiles videantur. Plura quæ dicam non habeo: nisi *Torniacum* vestrum (sic ibi scriptū) à Reginone nominari, in anno Christiano CCCC. xcviii. *Hulpericus*, inquit, *fugiens cum uxore & liberis Torniacum est ingressus*. At in Antonini itinerario est *Turnacum*.

EPISTOLA LXXXI. *Audomaropolim.*ÆGIDIO SCONDONCHO *Sacerd. Soc. Iesu.*

**A**BIISTI sanè à nobis, nec vel solenne illud Vale dixisti aut scripsisti. Accusem? absit: scio vestrorum imperia, quibus statim & *ὑπακούω*, sit parendum. Doluisse tamen me non nego, <sup>\*simul ut dictum.</sup> cui plures iam amici sic abiuncti aut erepti: inter eos Delrius ille, ad Europæ fines, sed suâ sponte, relegatus. Hemelarij nostri litteras legi, & ex iis disco etiam nunc *παρρησιάζομαι*. Habet à naturâ <sup>\*animo abijci.</sup> modestum illud, & pænè immodicè: erigendus est, quod sermo-

LLI 3 ne &amp;

ne & litteris scio me factitalle. Et profectò nec Aula illa ei placet, vbi fumi & fuci multum; & Barauus ille candor non delectetur, non delectet. Nosti mollem frontem, parum aptam inter duos illos, & cum Homero, \* *ἔδ' αἰδῶς μοῖσεν ἥχεται*. Itaque de mansione vix suadeam: cur non ad nos redeat, vitæ genus eligat, in quo & salutem & quietem suam curet? Mihi videatur: nec Barauia moueat, videnda obiter non insidenda. De me, in studiis scriptisque sumus, sed languidè, vt in languore. Non ille me deferit: neque ego tamen illa,

\* nec par-  
tè sortito  
nèpe pudo-  
ris.

\* Ante mi-  
hi quàm  
moris nu-  
bes lumina  
velat.

\* Πεν γ' ὅτε δὴ θανάτοιο μέλαν ἦτορ ἀμφιγλύφει.

Tu vale mi Pater, tuo & plurium bono. Louanij, III. Kal. No- uemb. ∞ .I.CCI.

## EPISTOLA LXXXII.

GERARDO BUYTEWECHIO.

**E**T addam MEO? an alia iam te habet? Habeat, sed non totum: & in te ius meum teneo, nec vllum vinclum no- uum ab illo veteri resoluat. Sed faueo & gratulor toto animo huic incepto, & Deum rogo id non prosperare solùm, sed prope- rare. Satis diu suspendisti nostra & parentum vota:

*Eia age, iunge toros, atque otia deme iuuenta.*

Omnia eò vocant. natura ipsa, quæ hanc legem iugandi & gig- nendi dedit, & sæcula per rationem propagandi.

*Sic rerum series, mundi quæ renascitur ætas.*

Vocant & tui, quibus vnicus es, & (nisi fallor) stirpis tuæ extre- mus. Patiare extingui? non debes. & quamquam tempora tri- stia vel turbida cunctari suadeant; ætas tua recusat, & nunc fie- ri, quod aliquando possit, impellit. Habet etiam hæc vita suas voluptates & lenocinia; præsertim tali compare, qualem descri- bis, à stirpe, à parentibus, à se honestam, bonam, mitem. Euripi- dis effatum est:

\* Mortalium  
quibus se-  
cunda na-  
stia  
Cedunt,  
beata vita:  
sed quibus  
aliter,  
illi domi  
infelicitè  
agunt, &  
foris.

\* Γάμος δ' ὅσους μὲν δὲ κατὰ τὸν βροτῶν,  
Μακάριον αἰὼν οἷς δὲ μὴ πένεσιν εἶ,  
Τὰ τ' ἔνδον εἶσι, τὰ τε δὲ παρὰ τὸν θυγχεῖς.

Adsit illud, absit hoc à tuis nuptiis:

— det Juno verenda

Vincula,

*Vincula, & insigni geminet Concordia tādā.*

Mihi in eo vno voto omnia inesse videantur, & vbi pax & concordia inter consortes obtinent, felicitatem illam & alia bona comitari. FIAT, FIAT: & amplius, huic felicitati fecunditas comitetur, vt verè illa sit *γυνή*, quam pulchrè *ἡ δὲ τὴν γυνήν* veteres magistri deriuarunt. Sed heus, scis & in domo meā nuptias, & quidem duplices, fuisse? Verè in domo meā priores. ē quā ancilla mea *Ἀννα* illa, quam nosti, ante paucas septimanas enupsit: alteras ē domo, si non in ipsā. Tenes memoriā N. N. gente vestrum, Thesaurarij ex sorore nepotem apud me triennium circiter egisse? & modestè quidem ac laudabiliter egisse. Sed exitus fuit, opinioni nostræ dispar, & relictā magnā spe opum (nam auunculo, non solum patri, heres destinabatur) in Diui Francisci familiam nomen dedit. Hoc ipso die manè publicè induit cœtus eius sacram vestem. Deus robur adspiret, & athletam ad metam sistat: etsi cursum hunc currere cœpit nobis omnibus insciis, neque enim dicam (de me quidem) inuitis. Reliqui etiam mei contubernales ordine abierunt, in Italiam, in Galliam, Hispaniam, quo sua quemque fors duxit: & in solitudine sum, diu mihi optatā, & in omni æuo dilectā. O si com meatus ad vos sit, qui solet! testor Numen, oculis imò & osculis tuam nunc libem: vetamur. tu vicem meam facito, atque ita vt iterum nos lætifices, te patre, parentibus tris auis. quos saluto, & gaudium illorum gaudeo, quod animi his luminibus cerno. Vale, & rem gere mi Buytewechi, verè *ἀνὴρ \* παρὰ τὸ ἀνὴρ* *πύττειν*, ait vir sanctus: ne vt lasciuiusculum hoc culpes. Louanij, v. Kal. Nouembr. ∞. 1661.

*à genit-  
ra.*

*\* à fœder-  
do.  
Ildorus  
Pelusiota,  
in Epist.*

## EPISTOLA LXXXIII. *Bruxellam.*

NICOLAO DE VVEERDT I<sup>to</sup> & Cognato.

**D**OLEO & gaudeo in vnâ tuâ, & vnus argumenti scriptio-  
ne. Doleo iterum præteritum me in officio, quod sic libes  
lætusque obtuli, & vsurpem: gaudeo tamen peperisse tuam, &  
vinculis illis exsolutam, quæ etsi optabile periculum, periculum  
tamen ostendunt & minantur. Deus & ipsam det valescere, &  
prolem natam crescere, suę glorię, gaudio longo atq. vsui vestro.

Differ-

Differs me in filium. age igitur ne tu Fabius aliquis, magis Annibal esto, & felicius te ad Romæ portas siste. Ne cunctare, & cognatum mihi da, cui sanctiore parentis etiam nomine iungar. Fict, ominor: & decem tibi menses suprema dies sunt. De feminibus quæ misi, vix opus gratiam dicere: si scias quàm animo liberalis & benignus in te sum, plura poscas, & addam, feras. Modestiam tamen non exue, & sic si non promptius, tamen libentius scito me daturum. Vides artem? incito te & reprimō: sexus etiam ille solet, de quo initio egi. valeat, & tu vale optime Cognate. Louanij, prid. Kal. Nou. ∞. 1661.  
Salutem & officia deferō Cognato focero, & Cognatæ.

EPISTOLA LXXXIIII. *Romæ.*

IOANNI HEMELARIO.

**A**GE, cum Deo, fiat. Veni, inquam ad nos, imò & ad tuos: sed ut videas, non adhæreas aut ibi sis. Comineatum ego quidem tibi do. Nam cur dissimulem? iamdiu mihi egre est, non esse te Romæ ex destinatione aut spe meâ, nec eo loco quem aliud æuum adsignasset. O Europa, quam in omnibus membris labascis! Nam si ibi etiam, ubi alta & immota pax est, in exiguo pretio & vix assis sunt istæ pacis artes; quid alibi arbitremur, aut speremus? Mundi lex viderit:

— ego utrū

*Naue ferar magnâ an parvâ, ferar vnus & idem.*

Tibi sit istæ cōstantia. & aut ratio profectò aut vsus dabit. Diogenem aut veteres sophos tibi non ingero, qui Alexandros & Philippos omnes prouocabant in suâ vberi inopiâ: vidē Christiana nostra olim & nunc (venia verbo sit) mendicabula: reges omnes non æquant securitate & tranquillitate, sed vincunt. Iacis femina aliqua melioris mentis in tuis litteris: Deum precor ut foueat, attollat, maturet. Tantū hortor & ingero, non sic <sup>tuæ</sup> ~~tuæ~~ <sup>vo peregrin</sup> ~~vo peregrin~~: tolle caput, quod Deus ad sidera crexit, & melior tua mens eò ducit. Hanc audi: fumos & fucos illos non vide, non audi, qui obnubilant & specie ingentium ad minuta impellunt. Impedimenta esse & fore, non nescio: sed altus & Deo filius animus

<sup>\*humili & abiectione</sup>  
<sup>mente esse:</sup>

— per obstantes cateruas

*Expli-*

*Explicuit sua victor arma.*

Tu eo faciente facies, mi Hemelari: atque ita mihi salue. Louanij, prid. Kal. Nouemb. ∞. 1661.

EPISTOLA LXXXV. *Leodicum.*PETRO ORANO *J<sup>ro</sup>.*

**A**RD te nec excuso quidem, quòd sileam. Non mihi semel liceat, quod tibi frequens, & pænè in morem vertit? Feci apud Carondeletum: & tu quoque è lustralibus illis aquis sume. Filium valere, gaudeo; & magis, quem volumus & destinamus, esse. Angit de lite, quam imminere significat in domo à Patruo relicta: & si mei arbitrij res sit, ad concordiam potiùs inclinèr. Cum Principe viro res est; & nosti Homericum,

*\* Μῆτις οὐ πινθείδῃ δ' ἐλ' ἐελίμεναι βασιλῆϊ* *Artisim.*

*\* Nec tu  
Pelida regi  
contendere  
sentes  
Aduersus.*

Fiat tamen, quod tu iudicabis, harum rerum vetus & gnarus. Billæum rediisse, gaudeo: idem breui de Principe vouemus, & in circumstantibus turbis aut periculis ex vsu vestro fore putamus. Te quoque valere, mei voti est, & semper me amaturum amare. Louanij, postrid. Kal. Nouemb. ∞. 1661.

EPISTOLA LXXXVI. *Romam.*FRANCISCO ORANO *suo S. D.*

**R**ESPONSVM debeo binis iam tuis litteris: imò non debeo, nec paria tecum facere in hoc genere aut induxi animum, aut copia mea ferat. Otij vos beatos! nos obrui mur, & quod publicè minùs aut tardiùs aliquid præstamus, sit priuatis istis scriptiunculis, quæ à manè ad vesperam sæpè habent. Quid querar apud te gnarum? ideò ignoscet, & animum semper in te agnosces, qui est & fuit. Lite m tibi esse nolim: odi ipsum nomen: & vtique non cum illo è Dynastis: ac si me audis (ad patrem etiam scripsi) transigas & componas. Plumarum potiùs aliquid amitte, quàm vt de cute aut carne pericliteris.

*Contracto melius parua Cupidine*

*Vestigalia porriges.*

& vitæ genus quod elegisti, in arcta te non derrudet. Et honos & vbertas, in eo præfagio, te manent. Noster ibi Richardotus ecquid

M M m apud

apud te frequens? credo non frigere amicitiam, quæ in domo meâ, & iure contubernij, incepit. Alter etiam mox frater, Guilielmus, ibi erit: & ante quinque septimanas à me dimissi illuc iturientem. Rubenium vnâ. ô insignem iuuenem, & optimis litteris artibusque non tinctum, sed imbutum! At audi aliud, cum tuo miraculo. N. N. ille noster, quem iam Licentiæ destinabamus, in D. Francisci cœtum se dedit, amicis omnibus ignaris, inuitis, iratis. Quid tu ais? nōne maior vis, aut altior vox, eum traxit? Publica sunt, quæ fuere, & fortassis erunt, lenta, ambigua, tristibus lætisque varianda. Ad Ostendam adhuc sedemus: de claudendâ à mari spes erat, benè si rata. Si fallit, ve reor vt aliâ vi aut viâ aliquid fiat: nisi Deus palàm iuuat. qui nobis in tot malis constantiam, tibi salutem mi Orane seruet. Louanij, postrid. Kal. Nouemb. ∞. 1661.  
Audeantius te salutat.

EPISTOLA LXXXVII. *Hispalim.*

IOANNI WOVERIO S. D.

**E**STNE? amantes ad ineptias etiam labi? In te experior (ignosce) mi Woueri: qui sermone nuper, & nunc litteris iteras, vt aliquid pangam de vitâ meâ & scriptis. Cui rei autem? alijs? ineptum, aut superuacuum est: & nihil in illâ, quod nosse aliorum intersit. Tibi igitur? atqui in contubernio meo fuisti, & hoc pænè est, vitam meam totam nosse. Quid enim in eâ nisi æquale illud & vniforme, quod vidisti? legere, docere, scribere: & cetera tranquillum, & ab actione remotum esse. Quid ergo narrem? non maiorum res gestas, non meas possum: & tenuia in nobis pleraque aut minuta. Tamen quia valdè cupis, & ego naturâ obsequens: accipe ea ipsa tenuia, & quidem à carceribus, id est, cum missus sum in hanc vitam. Id fuit, Dei benignitate, Anno ∞. 16. XLVII. die qui D. Lucæ sacer est, xv. Kal. Nouembris. Nox media me edidit: cum mater (ita narrantem sæpè audiui) superiori proximâ nocte, vidisset vigilans & exsomnis, duos puellōs mirè candidos, per cubiculum inambulantes, mutuum se complexos. Interpretatio (si tamen vlla) ipsi nobisque incerta. In Iscano autem sum genitus, municipio aëre, aquis, situ peramceno: quod  
tertio

tertio milliari à Bruxellâ, itemque à Louanio abest. Vidisti ipse me ducente : quid describam? & locum adeò domumque nunc semirutam, in quâ sum natus. Non enim auitâ illâ nostrâ & paternâ, quæ incendio perierat, paullò post Instauranda. Parentes mihi, *Ægidius Lipsius* & *Isabella Petirinia*: ille vnicus parentibus, hæc vnica: opibus & genere vterque perhonestis. Auus *Nicolaus Lipsius*, quieti & litteris operatus: propatruus *Martinus Lipsius*, vir ob doctrinam Erasmo familiaris, & à suis illiusque scriptis notus. Vxor aui *Margareta Eechontia*, stirpe nobili: & maiores, pater, fratres eius, in Principum nostrorum aulis. Proauus *Iustus Lipsius*, cui vxor *Anna Linckebekia*, genere nobilissimo, sed in virili stirpe iam extincto. Ea in dotem villam, agros, domum contulit, quæ in Iscano: atque ea occasio mei illic nati. Nam pater & maiores, domo omnes Bruxellenses erant: atque ibi, aut in viciniâ, opes. Agitatum in sacro fonte & die meo lustrico, de Luca nomine imponendo, causâ à mediâ: sed pater abnuuit, & aui paterni, maternique nomen in me renouauit. Parentes Iscanum aliquot annos tenuit, quia & mater in propinquo villam & agros vberes habebat, supra Wavriam: & pater item in Iscano dicta bona. Ergo & ibi educatus sum: non sine duplici periculo, quod præsens vitæ meæ fuit. Puer quadriennis, egressus domo ad vesiculam leuandam, video niues (media hiems erat) in colliculum vtrinque, vt via media esset, scopis aggestas. Conscendo, in faciem cado, spirandi impos & iam suffocandus: nisi ancilla, quæ supernè verrebat, bono fato me respexisset, & erectum seruasset. Alterum, cum domus, vt dixi, repararetur, per tabulata & machinas fabrorum lusingo: decido quindecim pedum altitudine, cum sodali meo: qui crus sibi frangit, ego caput & sinistram aurem leuiter lædo. Tutela mea, Genius fuit: &, quòd cingulo sericeo suspensus in perticâ hæsi, donec eo soluto caderem, sed ictu molliore. Annos iam sex natus, Bruxellam cum parentibus migro. ibi studijs litterarum initior: facili promptoque ingenio adeò, vt præceptor me paruulum (memoriâ teneo) genibus impositum, & sic recitantem, alijs ostenderet in æmulationem aut exemplum. Inter condiscipulos *Dionysius Villerius* tunc fuit: ô carum mihi exinde nomen. Grammaticalia statim hausi, & sponte ad linguam Gallicam etiam me dedi; quam è libris sine do-

ctore ita didici, vt scribere possem, etsi loqui & legitimè pronunciare non possem. Sed hîc mihi etiam discrimen, non nisi à Deo palàm depulsum. Cum æqualibus currere & lusitare, feriatis diebus, extra vrbe[m] solemus: & euēnit, vt circa Sennaim flumen. Ibi cymbula ripæ applicita, & fune ad arborem religata, haud longè supra frumentariam molam. nos intramus, solui-mus, & agitamus: videt molitor, accurrit, & voce minatur. Mei deferunt, exeunt: pænultimus ego idem conor, sed pedibus priorum repulsa cymba, & à ripâ disunctior, saltum sefellit. Capite igitur præceps in flumen labor, puero vno, qui post me, diuinitus animato vt pedem mihi prehenderet, atque ita suspensum teneret. Interea[m] molitor aduenit, attollit semianimum, aquæ saturum: & sospitator vtrique nostrum fuit. Vtrique inquam. nam & cymba prono fluxu (absque illo erat) ad molam ibat, eius vorticibus inuoluenda & mergenda. Sed ad vitæ meæ spatia redeo. Anno decimo Athum Hannoniæ ablegor, bonæ famæ scholam: atque iterum ibi Grammaticalia, prauo æui nostri more. Bien-nium in ijs detineor, mox carmen cœpi scribere: & anno tertio Coloniam Vbiorum porro, ad *Patres Societatis* mitor. Ij me Rhetoricis, ij Philosophicis imbuerunt: capere sanè pronum, atque ibi & alibi antea (non per iactantiam dico) semper ductorem & principem meæ classis. Sub id tempus pietas pectus meum tangere, & Patribus ipsis velle accenseri: parentes sciuerunt, abduxerunt, & annos iam sedecim natum Louanium amandarunt. Ibi litteratum & antiquitatis hæc studia ad se traxerunt: quorum tamen gustum amoremque Colonix infuderat *Gerardus Kempeffis*, præceptor meus in Græcis, acerbis homo fati. Sed Louanij compares mihi comitesque in ijsdem studijs *Ludovicus Carrio*, *Franciscus Martinus*, *Arnoldus Deinus*; ductore omnium nostrum *Cornelio Valerio* & quasi chorago. Nam is *Petro Nannio*, qui primus honestum ibi ignem accenderat, successor datus: studio non impar, ingenio inferior. Accessere mox *Martinus Delrius*, *Victor Giselinus*, *Ianus Lernutius*, *Andreas Schottus*: interiores isti, & ex alle amici: & vterque ille primus, arcti affectus, liberi oris. Dum autem inibi sum, & Iuris etiam artem libo, pater mihi factus functus est: vir acer, manu promptus, sodalium ac conuiuiorum appetens, & qui hâc comitate amplum patrimo-

Anno 15. LXIII.



patrimonium valdè attriuit. Mater curam eius reliqui, & nostrum (mei & sororis dico) suscepit: matrona in summa modestiâ virilis animi & consilij, & cui ex illo sexu, ævo, populo, non aliam iudicio præponam. Hæc meâ causâ Louanium venit, sedem transtulit, atque ibi ex hydrope non diu post obiit. Annum agebam tum ferè decimum octauum, & publicè iam specimen aliquod mei dederam declamando in Scholis, aut disserendo. sed magis magisque Musa vetus me capere: & eius amore Italiam cogitare. Feci. sed libris antea **VARIARVM LECTIONVM** quattuor conscriptis atque editis, quos *Antonio Perenotto* Cardinali Granuellano inscripsi. Primus hic mihi aditus ad famam, etiam in illius patroni nostri domum fuit: in quam Romæ admissus, biennium circiter egi: cum omni benignitate ab eo habitus, & ad studia tractanda non incitatus solum, sed adiutus. Eram à Latinis ei epistolis: sed otium & omne liberum tempus dabat inspectioni lapidum, locorum veterum, & si quid visendum noscendumque in vrbe aut circa esset. Bibliotheca etiam Vaticana mihi pereum & *Guilielmum Zirletum* Cardinalem (aureo ævo dignum) patuit: & in ijs studijs curisque tempus illud sumpsi. Innotui *Paullo Manutio*, *Fulvio Vrsino*, *Latino Latinio*, *Hieronymo Mercuriali*, *Antonio Mureto*: familiarissimus *Plauto Bencio*, qui *Francisci* postea nomen sanctius cum sanctiore vitâ assumpsit. *Petrum Victorium* etiam, & *Carolus Sigonium*, per viam vidi: atque ego venerationem illis, ipsi affectum mihi exhibuerunt. Louaniū deinde redij, annū vnum egi, in \* *æuū* ipsâ adolescentiæ, \* *vigore*.

*Iucundum cum ætas florida ver ageret:*

& egi (simpliciter apud te dicam) haud vsquequaque ad prisce Catonis normam. Liber eram, parentum & tutorum expert: atque ita choreis, sodalitijs, nugis, ludum & libentiam aliquam ætati dedi. Sed non diu dedi. natura melior me reduxit, atque ego adeò me subduxi peregrinatiunculâ: quam Viennam Austriæ, & in Cæsaris aulam, decreui, suscepi, perfeci. prius tamen & obiter Dola Sequanorum lustratâ. Ibi, acerrima febris me pernissimè sustulit: quam contraxeram Oratiunculâ in honore & titulo *Giselinæ* mei dictâ à meridie, & conuiuio mox infecuto. Euasi, Viennam perrexi. atque ibi *Augerio Busbequio*, *Ioanni Sambuco*, *Ioanni Cratoni*, *Stephano Pighio* innotui, & placui: atque ij re-

Anno 80.  
Id. LXXII.

\* à dijs fa-  
taliter hoc  
decretauit.

Anno  
LXXVI.

tinere me & illigare in ijs locis, non vnâ conditione conati. Frustrâ. nam patriam respectabam : & animo redeundi, per Bohe-  
miam, Misniam, Thuringiam, & ea loca iter institui: cum acerbi  
nunciij de afflictâ nouis bellis nostrâ Belgicâ, patrimonio vi mi-  
litum attrito, me pedem figere in ijs locis adegerunt. Ienæ paullò  
plus annum mansi, docui, & illa primordia mihi ad Professoriũ  
hoc munus fuere. Sed rebus paullum modò tranquillatis, oculos  
iterum ad meos & mea flexi, Coloniam Vbiorum veni, vxorem  
duxi; mei magis animi, quàm amicorum, impulsu. Sed, vt ille ait,  
ἄλλο τὸ μὲν ἄρ' αὖτε ἐπὶ τὴν λωσαν θύοι αὐτοί: & concorditer sanè viximus, fru-  
ctus tamen matrimonij, id est liberorum, exsortes. Coloniae no-  
uem menses substiti: TACITVM primò correctum, & NOTAS  
ad eum dedi: ibidem ANTIQVAS LECTIONES conscripsi. Inde  
in Iscanum meum migraui, animo destinato ruri agere, & taber-  
naculum vitæ in quiete illâ collocare. Bella vetuerunt, Louanium  
compulerunt: atque ibi (hoc tamen ex amicorum consilio) iuris  
studijs paullò magis seriò me dedi, & titulum etiam 1<sup>ci</sup> publicâ  
inauguratione sumpsi. EPISTOLICAE meæ lucem tunc vide-  
runt; & sub tempus LEGES REGIAE & DECENVIRALES con-  
cinnatae, non famę tamen sed auditorum gratiâ; quibus publicè  
interpretatus sum, itemque *Linij* quædam. Tum acriores procel-  
lae iterum & venti, quibus nihil propius factum, quàm vt mer-  
geretur Belgicę hæc nauis. Fluctu, cum pluribus, eiecti sumus in  
Baratuiam terram: insedimus, sed mente, vt stationem eam habe-  
remus, non portum. Turbae tamen è turbis mutare vetuerunt, &  
tredecim ipsos annos tenuerunt. Cur autem negem? homines be-  
nignos & beneficos repperi: sed relinquere eos Religio & Fama  
(acre vtrumque telum) adegerunt. Dum inibi sum scripsi,

ELECTORVM LIBROS II.

SATYRAM MENIPPAEAM.

SATVRNALIYM LIBRR. II.

COMMENTARIOS PLENOS in CORN. TACITVM.

DE CONSTANTIA LIBRR. II.

DE AMPHITHEATRO LIBRR. II.

AD VALERIYM MAXIMYM NOTAS.

EPISTOLARVM CENTVRR. II.

EPISTOLICAM INSTITVTIONEM.

DE

DE RECTA PRONVCIATIONE LINGVAE LATINAE.

ANIMADVERSIONES IN SENECAE TRAGOEDIAS.

ANIMADVERSIONES IN VELLEIVM PATERCVLM.

POLITICORVM LIBRR. VI.

DE VNA RELIGIONE LIBRVLM.

Pluscula, vt vides, & (vt in meis) optima ferè : quid mirum ? in flore æui & ingenij, in alto otio: nec valetudo, nisi sub extremos annos, titubauit. Tum hepaticus iste morbus, & tabes an languor, inuasit : & quamquam remisit, bonâ fide numquam dimisit. Illinc digressi, Leodici aut Spadæ biennium propemodum egimus, valetudini per Acidulas illas refouendæ : tum Louanium regressi, vltimam, nisi fallor, & fatalem meam sedem. A quâ tamen variè auocati fuimus, à Pontifice, Rege Galliæ, Venetis, Duce Etruriæ, Bononiensibus : sed placuit mansio, vt in æuo meo labente, & valetudine iam lapsâ. Stipendium mihi modicum: sed rex Philippus, faciente *Petro Enriquez* Comite Fontano, auxit, & Historiographi etiam sui titulo donauit. Scripsimus autem Louanij,

Anno .cc.  
lxxi.

DE CRUCE LIBRR. III.

DE MILITIA ROMANA LIBRR. V.

POLIORCETICON, V.

DE MAGNITVDINE ROMANA IIIL.

DISSERTATIONCVLAM, ET COMMENTARIVM IN

PLINII PANEGYRICVM.

Hæc octennio circiter, ad istum annum ∞. IŒC. qui nunc currit. Et pluria ac varia affecta nobis aut profligata esse, non negamus: sed temporum aspectu quædam premi, & iudicio differri. En, mi Woueri, nostram vitam & scripta: dic seriò, non subpœniter impetrasse? de meipso tamen aut indole meâ, tria etiam verba. Corpus & facies non indecora, vtique ante morbum: os probum, animus verecundus: ingenium docile & capax omnium, excipio Musicam: iudicatio collineans & recta: memoria non sine præceptorum miraculo, etiam in puero: quæ nunc, etsi elanguit, non defecit. Eloquentia nobis prompta, nec sine Venere, in publico: priuatim, restricti magis, & minus amœni. Stili & inuentionum faciles: labori & assiduitati impares; & naturæ, quàm illis, in omni ætate obstrictiores. In cultu, gèstu, sermone modici:

modici : & exterorum qui *Lipsum* videbant, sæpè requirebant. Quod superest, bona & bonos amavi, amatus sum : scientiam, & magis sapientiam; colui : lites fugi, honores fugi : domi forisque benignus, comis, & quem vereri posses non timere. Sed quò co? tuus quoque me calor abripit : reprimo, & cum Euripide,

Συσσώζεσθ' ἐν σοὶ βούλομαι, ἀλλ' ἢ συνοσσεῖν :

*Conspere, non desipere tecum debeo.*

Louanij, Kal. Octobr. ∞. 160.

## EPISTOLA LXXXIIX.

*Duacum.*

FRANCISCO MONTMORENCIO *Bersëj Toparchæ.*

**A**DOLESCENTEM nobilem *Gommicourtium*, cognatum tuum, mihi commendas : & est certè, quia tuus, & quia te & stirpe suâ (ita vultus & sermones mihi dicunt) dignus. Ego, quicquid in meâ copiâ erit, faciam libens, & promptius laxiusque, quàm dicam. Significas etiam te, animi causâ, Dissertationem in publico habiturum super Peregrinatione. Quin laudabis eam, non ambigo : instrumentum profectò vsui rerum & prudentiæ. vt ingenuam voluptatem omittam, quæ in ipsâ est, & post ipsam. Nam & cogitatione, quis non eadem illa visâ, reuisit suauiter & gustat? colloquia, viros, vrbes, agros, siluas, montes, flumina: quæ mihi imagines sæpè ambulanti aut dormituri ingunt, & cum delectatione in ijs acquiesco. Platonem causæ suæ duxerint, vt è compositâ republicâ eam tolleret, aut parcè & tardè indulgeret : manum aut suffragium ego non dederim, & alijs suadeam, ipse vsurpem, hoc lustrare & vagari. Quid? Deus ipse, nōne hominem condidit, vt Philosophus optimi sensus ait, \* *διατὴν αὐτοῦ τε, καὶ τῶν ἔργων τῶν αὐτοῦ*? Non iuuet & deceat me, cū mundanus sim, nosse & videre, quantum datur, hanc meam patriam?

\* *Speculationem sui & suorum operum?*  
Epicet.

*Si Ladas ego, pennipēsve Perseus,*

*Aut si Pegasco scīar volatu;*

ô quantum maris terræque obeam? quàm nota & noua regionum lustrēm: Sed ligamur ætate, coniugio, languore, bellis: itaque

EPISTOLA LXXXIX. *Antuerpiam.*

**B**ENE factum de Corollario. merebantur & hanc laudem siue elogium nostri canes. Dic serio, non risisti cum legisti? At ego & Equos laudatum ita iui, & Centuria sequens dabit. Libros Lutetiâ accepi, sanè gratos & in meum usum. De Chronicis scriptoribus, postea videbimus: Vvenero nunc gratia & salus esto. nam ego interea, ut spero, Antuerpiam & vos videbo. Tum de subsidij operis, ad quod ædificandum inclino. Etsi FAX mea est, quam velim item absolutam: & ausim dicere, nihil vilius conceptum in rem litterarum. O subitam mortem illius amici! cui bono nunc illa, quæ falsò appellantur bona? quid possidenti dederunt? umbram, non fructum: & vereor ut nec hic superstes impendat, & heredibus modò seruet. Ludibria humana! & fortunam meritò cæcam, quæ ad me aut alios non venit, aliter vsuros, imò & fruituros. Res nostræ publicæ me interim angunt, id est sollicitum habent quò sint euasuræ. Partes nostræ crescunt, animos & ordinem & disciplinam habent aut sumunt: nos in confusione, & nec monita sequi lubet aut exempla. Fati vis est, agnosco: cui parere & sine murmure obsequi vetus sapientum dogma est. Ego audio, te amo mi Morete. Louanij, xv. Kal. Decemb. ∞. IOCI. Parentes, & fratrem tuum saluto, ac reditum ei gratulor corde.

IACOBO ANGIANO, *Equiti, Toparchæ Kestergatij.*

Digitized by Google

mentio veteris consuetudinis nostræ, iam à pueritiâ contractæ, erat. Gauisus sum, fateor. nam quî obliuiscar primos illos amores ac delicias, quas simplex & malarum artium rudis ætas gignit? Atque ea mihi inhærent, & suavi recordatione etiam nunc sensus titillant. Rogo igitur te, vt in legitimam & maturam, id est virilem amicitiam exerescere iacta iam tunc illa semina velis: quod fiet, si recondita ea in hoc animo, velut aruo, affectu beniuolentiæ tuæ velut Zephyri flatu, & alloquio interdum vt imbre, educes ac rigabis. Quod autem petieras, in memoriam tuorum maiorum aliquid breue, & monumenti loco, pangi: ecce feci. duo hîc habes, vrêris alterutro, vt tibi visum: & siquid addi, demi, mutari censebis; significabis, & factum putabis. Nam ego Nobil<sup>me</sup> Domine, cultum & obsequia virtuti ac dignitati tuæ debeo, & hâc scriptione defero ac subsigno. Louanij, XI. Kal. Decembr. ∞. I. CCI.

Historiam gentilis tui obiter vidi. totam adhuc non licuit; vsui fore video in ijs quæ paro. Remittetur, cum voles.

## EPISTOLA XCI.

*Mechliniam.*IANO BERNARTIO *suo.*

**Z**YPENVS, insignis iuuenis, & communis noster litteras à te tulit, ad spectu magis quàm lectu gratas. Nam de inuoluntudine tuâ habebant, mihi triste: nisi quod spero tentatiunculam modò esse, non firmum aut cum\* discrimine morbum. Quicquid erit, porrò significa, & Deum rogo vt lata. Te autem, vt in omni sorte toleres, & constes præceptis illis tuis, quæ Consolationi Boëtianæ miscuisti. Non est tibi integrum, mollem aut pro vulgi more & sensu esse, qui altas illas voces emisisti, & regnû omne fortunæ calcantes. Reminiscere, & vt alij velint, tu exemplo præi, & præsume. Alioquin, quid nisi citharæ similes sumus, quæ suaves sonos edit, nec ipsa eos audit: sic nos egregia monita & doctrinas, ipsi ab ijs expertes? Si in scribendo delectare nobis propositum, aut etiam alijs non nobis prodesse: desinamus hanc operam licet, facilius & promptius aliâ arte affecturi. Clausula est, patienda humana esse. quare? quia *Deum sequi*, vetus & commune sapientum dogma est:

\* Falsus fui. ex hoc ipso morbo post paucos dies obiit, paulatim tricesimo anno maior. Dolor mihi, & suis, & Musis, quas & inter leges colebat.

—*cuncta autem hæc superum demissa supremâ*

*Mente fluunt.*

quod altiloquus ille poëta tuus dixit. Sed de Boëtio, non breui fruemur? addixit ita Moretus in suis ad me litteris: & puto ad te idem. Milites à Buscoducensi liberatione redeunt, & agminatim hac transeunt: ô liberatione nobis optatâ! Etsi ea Deo potius adscribenda, qui hiemem, niues, gelu induxit, & aërem commilitare nobis, omnesque in eo Genios, fecit. Sed periculo quàm propinqui fuimus? magne, mire, non credendę in breui illo tempore Batauorum munitiones. Dixi tibi, & verum est, Romana opera & militiam imitantur: & ad illud Corbulonis, *Dolabrâ*, non gladio solùm, *victoriam quærunt*. Sed quomodocumque, vicimus, aut obrinuimus: etsi cum tremore aliquo hæc securitas,

*Magnaque post lacrimas etiamnum gaudia pallent.*

Actum de hac urbe & Academiâ erat, si ea in partes aduersas cecisset. Ad Ostendam quid fiet, in dies expectamus, spei iam propiores, quia & illic hiems ista præproperea nobis opportuna. Deus victoriam illic, tibi valetudinem mi Bernarti donet, ac tuæ seruet: quam saluto. Louanij, VII. Idus Decemb. ∞. 1561.

## EPISTOLA XCII.

*Romam.*

ANTONIO RICHARDOTO *suo*.

**N**ULLAE mihi litteræ tuæ suauiores (eo verbo vtendum est) his postreminis, quæ de reditu tuo non spem sed fiduciam faciebant. O res breui sit! ô te meum, & tu me, amplectare! Non annos, sed lustra videris abfuisse: quos ego quidem magis numero, quia pauci mihi supersunt, senescenti, & cuius, cū poëta,

*Lenit albescent animos capillus.*

De te igitur lætum, de fratre Guiljelmo pendemus animi: & quid suspicabimur? Ne vos quidem aliquid audisse? nam nos certè (parentem etiam tuum includo) ab eius discessu nihil. Nisi si litteræ perierint, aut in viâ alibi hæserint, triste nobis omen ab hoc silentio detur. Sed Deus auertat, qui illum & te seruet, & vtrumque nobis, sed te statim reddat. Titulo Præfecti equitum donatum te à Principe, puto audisti: & ampliora te manent, cū adueneris, quæ magis magisque, cum ætate, mereri te cupio: &

NN n 2

crefcere

crescere vnà virtutis & prudentiæ studium atque amorem. Opatriam nostram adflictam, & consilij vel auxilij egentem! Etsi consilium sint; qui dare possunt, inter eos consilij caput tuus parens: sed Deus inclinare & flectere ad ea corda Principum potest, itemque ea ipsa prosperare. Sæpè enim, aut non raro, optimè consulta successus destituit, qui, à cælo pender. Tu vale, & veni optatissime nobis, & D. Legato fratri tuo me & mea seriò defer. Louanij, XVI. Kal. Ianuar. anni ∞. 1611.

## EPISTOLA XCIII.

*Antuerpiam.*

IO. BAPTISTAE PEREZIO BARONIO S. D.

**T**RISTE mihi fuisse, & velut plagam in animo, hoc inopinatum de discessu C. V. Ludouici Perezij aui tui, per te potes scire. Nosti amicitiam quæ inter nos vetus & fida fuit: quidni talis, ab annis iam triginta amplius contracta, & sine offensâ, imò querelâ, habita ac culta? Scio & te tuosque, mi Baroni, indoluisse in hoc casu: qui alterum tamquam parentem amisistis, in omni sorte, consilijs factisque, adiutorem aut directorem. Itaque alterâ iam anchorâ nauis hæc vestra spoliata est: Deus seruet illam sacram, & parentem tuum diu velit superesse. Quid tamen est? Dolere vos & ego debemus, & causâ est: sed cum modo, nec quò affectus solum aut natura, sed ratio trahit, audire & sequi. Non enim vt puluis aut palea ab omni vento, sic nos rapi à perturbatione debemus: sed hanc coërcere, & animum pondere illo rationis & sapientiæ stabilire. Quid autem ea dicit: nihil insolens euenisse, mortalem mortuum esse, nec diuulsum à nobis, sed prægressum. In eadem viâ omnes sumus; ad eandem Fati metam tendimus, & pertingemus,

—*sive reges,**Sive inopes erimus coloni.*

Quod ergo omnibus, quod semper euenit & eueniet: cur vt proprium dolorem aut cladem interpretemur? Qui nati sunt, in Solis aut Lunæ deliquio non stuperent enim: mox redituram vtrique sideri fides Christianis sit. qui gnari diuinitatis mortem hanc habemus, sed tr



turbidâ & impacatâ, æterna nos manet, curarum turbarumque  
expers. Iactamur hîc inter vndas, & noui semper aliqui ali-  
cunde fluctus: ô quando erimus vbi purum illud certumque  
serenum est? quò tempestas, imò nec metus eius, adspirat? Sicut  
fumus, quamuis crassius, cum altum petit, dissipatur & perit: sic  
necesse doloris omnem nubem, si cogitatione alta illa adeamus.  
Faciamus mi Baroni, nec illa plebeia cogitemus aut loquamur,  
Heu cur ille mortuus? cur me deseruit & reliquit? O stulte,  
debit:

*Certa etenim vita finis mortalibus inflat,  
Nec deuitari letum pote, quin obeamus.*

Ab Epiçteri potiùs sapientiâ illa mutuemur: *Non sum aterni-  
tas, sed homo: id est, particula Uniuerſi, ut hora diei. Venire igitur  
me oportet, ut horam; & præterire, ut horam.* Vidēsne in agris ut  
fruges satæ in herbam, in culmum, in aristam surgunt, matureſ-  
cunt, & metuntur? sic in nobis. venimus in vitam, quidam in  
herbâ, alij in culmo pereunt, plerique in maturitate aliquâ me-  
tuntur: & quæ cauſſa querelæ est? Ante oculos sortis humanæ  
conditio ponatur: ita fati & nati sumus. Enimuerò in nostro  
iſto, ſi examinas, iuſtior gratandi etiam cauſſa, quàm querendi  
occurret. quòd æquabilem vitæ curſum, cum optimâ famâ, ſine  
Fortunæ inſigni plagâ, peregit: quod ad terminos etiam illos æ-  
ui peruēnit, quò pauci omninò pertingunt. Vidit & reliquit fa-  
miliam florentem, liberos, nepotes, pronepotes: ut nec obiſſe  
quidem videri debeat, qui in tot animis corporibuſque ſuorum  
viuit. Ut agricola parùm aut nihil dolet in arbore amiſſâ, quæ ex  
vno trunco plures frutices & iam panè arbores dedit: ſit hîc ſi-  
mile. non tamen ut nihil, ſed ut modeſtiùs leuiuſque doleamus.  
Ille quidem in ſuperis locis, beatus inter beatos agit, uti ſpera-  
mus: & apud nos tamen memoria virtutum eius viuit & viuere  
quid apud nos? apud alienos, & populum etiam hunc veſtrum:  
quem probitate illâ & benignitate fecerat, iuuando, conſu-  
lendo, conſolando. im parens. Hæc talia  
cogit etſi adhærentes  
aut vtrò manus  
pe tare poteſt,  
lar ut ſe, depel-  
lamus.

Iamus. Fac, te quaeso: ego tecum dabo operam: & communia hæc utrique solatia (nam & ipse ego) scito à me scripta. Louanij, vi. Kal. anni noui instantis ∞. IOCII. quem voueo parenti tuo & tibi feliciter labi.

EPISTOLA XCIIII. *Pragam.*

IOANNI HOLLANDIO.

**G**AUDEO te rediisse incolumem, aut certè nunc esse incolumem, uti epistola tua mihi dat augurari. Nam diutinam valetudinem te passum intellexi, & dolui: spero omnia mitiora nunc fore & meliora, in patrio tuo solo. Sed & hoc gaudeo, talem rediisse, qualem scriptio ostendit: ita me Deus, plena honestissimi desiderij & studij, atque vno verbo, Bonæ mentis. Rogo te, perge in hâc viâ & vitâ, & reipublicæ ornamentum vel subsidium dona, ubi non laboranti? Certè apud nos aspera omnia & in ancipiti, & non ab vno hoste laboramus: Sunt qui in aperto, sunt qui cuniculis oppugnent: atque vtinam ut vires, ita consilia sint, ad resistendum! Qui volent, disserant: sed mihi firmum, plus mentem quàm manus valere, plus industriam quàm omnes opes. Confluant à veteri orbe, confluant ab isto nouo: alimenta malorum erunt, non remedia, nisi cæcū illum Plutum Prudentia dirigat & moderetur.

*Sed quid vana cano? quid fixos arceo casus?*

in supero illo consistorio decretum, quid nobis vobisque, & quomodo fiat. Iuuat videre interdum occultas fatorum vias, & quàm ipsis nobis contra nos vtantur. Quæ causâ est: illa, in quâ sistimus:

— *nusquam pietas, non gentibus æquum*

*Fas aut cura Iouis.*

Sed heu, inopinata etiam de vobis: tabellas illinc laureatas expectabamus: cupressinæ aduenerunt. Triste mehercules & pænè funestum, de Canisiâ: utique si hostis occasione suâ & viribus norit uti. Solimannus aliquis si esset, Germania ubi esset? At Deus hæc moderatur, & sistet ut spero impetum barbarici hostis, & nos vitam, ipse fortunam emendabit. Louanij, vii. Idus Ianuar. ∞. IOCII.

EPI-

## EPISTOLA XCV.

IOANNI DRENCKVVAIRTO, *supremo Thesaurario.*

**C**OGNATVM hic meum vides, & beneficio deuinctum tibi clientem. Sed beneficio, quod plenum firumque hunc effici, est in tuâ manu. Nam ecce Quæsturæ munus ante bien-  
nium amplius, te vno procurante, accepit: sed honorarium cer-  
tum nullum adiunctum, quod nunc ij qui ab ærario Brabantico sunt videntur assignasse. Sed cum ea res firmitatem aut vires habere non possit, nisi collegij vestri auctoritas & approbatio accedat: rogo benignè eam impertiri digneris, & beneficium tuum absoluere atque exornare. Iure equidem pro illo laboro, quia neptem meam ex sorore vxorem habet: & eius liberi inter heredes meos erunt. Plus autem famæ, quam opum relinquere ijs possum: nec has valdè ambio, tuam & bonorum gratiam. quam Deus adhuc mihi dedit, & rogo seruet. Idem te Ampl<sup>me</sup> & Nobil<sup>me</sup> Domine incolumem, ex nostro voto, id est vel tria sæcla. Louanij, prid. Idus Ianuar. ∞. ICCCII.

## EPISTOLA XCVI.

SALONATI.

IVLIO SALINERIO S. D.

**B**ENE de moribus meis iudicas, tales sunt, nec faciles & ingenui solum, vt scribis; sed mites, placidi, oleo tranquilliores. Impotentia tantum à me abest, quantum potentia. Quid ergo ambigis in Tacitum edere, quæ concinnasti, etsi à me meisque, vt ais, diuersa? Tu verò securus ede, non offensæ meæ, sed certus gratiæ: si digna illo scriptore & doctorum auribus dabis. Equidem & ego iam olim aliquid in illâ materiâ pinxi aut sculpsi: sed nihil est Protogenis aut Apellis: alius quicumque manum addat, imò & cupressum appingat. Testor supremum Numen, gratum & venerabilem mihi fore, per quem

*Respicere ignoto discam pendentia tergo.*

Ego enim vt omnia viderim? non si Mineræ aurea lucerna, vt vetus verbum est, illustrasset. Euripideum illud rotundum & verum:

\* Αλλ' ἔγὼ αὐτὸς πάλιν ἐπ' ἑστέων  
πέρων· ἄλλω δ' ἄλλο πρόσκειναι γέρας.

\* Non vni  
aliquis sci-  
re natum o-  
mnia est:  
Sed aliud  
aliqui primum  
posuit Deus

Audis,

Audis, mi Salineri? tibi quoque præmium paratum, & labori sua merces: profer. Qui putat se in his antiquis, & æuo obscuris, aginæ semper æquilibrio ferri: errat, & non Varro ipse fecit in alienis scriptis (testimonia sunt) doctior tamen illis ipse qui scripserunt. Multum est legisse, inquisivisse; plus rectam iudicii normam attulisse, sed totum, attigisse. quod Fortunæ aliquando est, non doctrinæ. Enimverò longius ibo, & philosophari tecum lubet, & decet. quid hæc sunt, aut quanti pretij, diuinasse & correxisse? In præfenti, delectatiuncula; in præfenti, gloriola: post quinquaginta, aut pro magno centum annos, nemo te aut me auctorem inscribet. Non putemus nos Troiam cepisse, cum depositum alteri locum sanauimus: quid? vnum alterumque verbum. O si animum, ô si mores! ô si illam Sapientiæ officinam ingrediamur, *ἰατρικὴν ψυχῆς*, atque ibi Æsculapio & Hygeiæ faciamus ac litemus! Non me diffundo. illud ex animo & interiore pectore, per me tibi liberum sentire, dissentire: neque sum ille Alexandro sublimior, qui nefas putem oppugnari. Facito. sed si me, non meâ causâ, audis, modestè & modicè: & veritas, non ambitio, finis elucescat. Conuitiari, inequitare, alienum est non à doctâ solùm mente, sed humanâ. Nónne & tibi fieri potest, nec vlla cautio errorem (in his quidem Criticis) vitet? Et à me vt sis securus; alius pro me, aut post me, optionem & succedaneum se dabit. Mihi quidem in his & maioribus frigus iam adhæret: siue ab ætate, siue à Sapientiæ consultis: nec in magno habeo, quod olim in summo. Menedemî dictum aureum, & sublimiori, id est tuæ menti, imprimendum: *Qui Athenas nauigarent, primò Sapientes esse, tum Philosophos, tum Rhetores, denique rudes & idiotas.* Adfirmo tibi, nemo propius rem tetigit, vtilius aperuit: & solida, non in ventum docta mens, quò diutius discit, in re plura, in opinione pauciora nouit. Mi Salineri

\*. hæc tibi  
Et mente  
pariter at-  
que lingua  
ediffere.

— ταῦτά σοι

Τῷ νῦν θ' ὁμιλῶς, κ' ὑπὸ τῆς γλώσσης, λέγω.

Vale. Louanij, v. Kal. Febr. ∞. 1611.

EPISTOLA XCVII. *Francofurtum.*

IANO GRUTERO.

**Q**VERELAM tuam in litteris ad Sweertium vidi, parùm meo animo iustam, & tamen gratam à causâ primâ & origine: quam confido amorem & desiderium esse. Quidni sic afficiaris erga amicum veterem, & quod caput est, doctorem? Formauimus certè te mi Grutere, & in optimâ studiorum viâ præuiimus, quam felici dehinc pede calcasti, & vt porrò facias voueo & hortor. Scis etiam præcipuam aliquam curam & affectum nostri in te fuisse, nec vt in theatro aliquo missilia hæc tantùm in vulgus sparsisse. Te iunximus propiùs, & in sinum tuum, vt sic dicam, contulimus: quæ Deo & ingenio faciente deinde auxisti. Hæc non vt exprobrem dico, vix vt imputem: sed vt ostendam quis fuerim, & ex eo quis sim etiam discas. Quid enim me mutarit? vnum in te aut circũ te est, quod optem aliter: reliqua constant, & te mihi firmant. Atqui silui. Quid? non Leodico ad te scripsi? In publico videbis mox epistolam, si non antè acceptam. Vtrùm ego à te interea, haud commemini: hoc tantùm, in litteris ad Ortelium de me sæpè fuisse. Ab eant ista: amemus, quod agimus agamus, rem litterariam & nos iuuenus. Seneca communis ille noster, quàm præcepta huic rei donat! quàm ab his inferis ad alta, à vanis ad solida, à turbidis ad quietam ducit? Sequamur, & ita in illo emendando simus, vt ab eo quoque emendemur. Vale mi Grutere, & amate hæcenus & amande. Louanij, postrid. Idus Febr. ∞. 1621.

## EPISTOLA XCVIII.

HENRICO SCHULTETO.

**L**ITTERAE tuæ, quibus amicitiam incam appetis, tuam defer, gratæ fuerunt, mi Schultete. Amor, humani generis nectar, suauior gratiorque est, cum à superiore illo Amore venit, id est Honesti & Boni: ex quo velut traducem esse tuum istû scio. Amas illa, & ob illa me, quia & à me amari (nec falsò) censet. Vtinam & compotire detur! studeo equidem, & omnibus inge-

OOO

nij

\**presumptam sapientiam.*

nij machinis hoc conor. O triumphum, qui peruenit! quamquam nec superari hîc turpe est, dummodò arma non projicias, & victus quoque velis vincere. Progrediamur, si non peruenimus. Nam laudes, quas tu plenâ manu in me cumulas, non nisi oculis libo, in animum non admitto, nec assensus mei suffragium dono. Imò esse qualem describis, vix opto, certè non spero. Odi istam nunc crebram \* *δοκίμιον*; cùm illud Aristarchi locum vindicat, *Olim vix septem sapientes repertos, hodie vix totidem rudes*. Maneamus in modestiâ, in bonorum studio, nec vela ad blandientium sermonum auras explicemus. Quod me rogas de *Numeris Platonis*, libelli res non epistolâ sit: nosti implexum illud à se, & interpretantium variâ tractatione districtum. Da aduocationem: at amoris tuo vel statim respondeo, & meum fideliter reddo. Louanij, prid. Kal. Febr. ∞. 1601.

## EPISTOLA XCIX.

HYGONI GROTIO.

\**sermonū concinnitates.*

**A**DAMVM tuum vidi, partem legi, & ex eâ omnia probaui. Nam similem te tui esse, facile præcipio. Dicerem miratum me, nisi priora tua hoc verbi & affectus iam exemissent. Itaiamantè te dedisti, & hoc ingenij specimen, vt bona & alta à te exigere debeamus, non solum expectare. At placuit mihi etiam vnice argumentum, & quòd ad seria, id est Sapientiæ illa studia te dones. Leuia ingeniorum, qui tantum animi delicias consecrantur, verborum elegantias, & cum Euripide, \* *λόγων εὐμορφίας*. Nos verò ad rem gradum addamus, & nihil pensius tractemus ijs quæ ad verum animi cultum, id est ad Salutem ducunt. Intellectualis philosophia magna studij huius pars est, quam feliciter in *Adamo* tuo libasti. Perge, hanc ama, & sine vento scientiam, & sine nouitate doctrinam. Publicâ viâ qui excidit, & semitas querit, errores & flexus quærit. Sperne, ita Deus te hîc honestum, alibi beatum velit. Louanij, III. Nonas Februar. ∞. 1601. Patrem & Patruum ex animo saluto.

EPI-

## EPISTOLA C.

Mediolanum.

ERYCIO PUTEANO suo.

**P**ROMVLSIDEM tuam vidimus, id est vina & mella. Planè pro suo nomine liber est: & acumen siue acrimoniam in sensibus habet, & in verbis puritatem, atque etiam suauitatem. Quid amplius dicam, nisi illud,

*I bone, quò tua te virtus vocat, i pede fausto.*

Ad alia, longius longiusque mi Puteane: sed pede semper recto, id est per viam quam veteres calcarunt, & ego monendo aut docendo præiui. Nouitios istos si audias, stolidos aliquos Hermas; deflectas, & ad languida quædam aut frigida te dones, quæ ipsi Tulliana vocant. O quàm indignetur & colorem non teneat, si refurgat ille Tullius, & hæc cernat! Ille altus, ille excitatus, & alacer, plenus spirituum & sanguinis, prober hos tabidos, iacentes, & verè \* χαμαιπαιδὲς λόγους? Atqui phrasin eius & verba habent. Nescio. dicunt: sed hoc scio, non verba, sed pectus & vim mentis esse, quæ disertos facit. Scitè nuper à Politiano dictum, meliorem honestioremque leonis faciem esse, quàm simiæ; etsi ista ad hominem propius accedit. Nihil est hoc imitari, si à te nihil inspiras; imò si omnia tua nō facis, & velut è proprio fonte emittis.

\*humifer-  
pentes ser-  
mones.

— qui sibi fidet

*Dux, regit examen.*

Alij seruiant, mendicent: fama aut vita non respiciet, quicquid hoc est scriptorum. Stuporem! ad vnius illam imitationem nunc nos vocari: quod nemo veterum aut priorum somniauit! Scilicet plus cordis nostri magistri habent, quàm Fabius & ipse Cicero, qui ad omnes non oratores solùm, sed historicos, poëtas etiam ducunt. Sed omitto has lacunas, quæ non nisi ab imbre implentur, à se arentes: tu inter viuos, vt dixi, fontes esto, &, quod sequi solet, perennes. Sed heus, quod vltimò scribebas, te meâ causâ Romam, quale est? impetrandi ciuilis illius tituli? Si ita, quo titulo te afficiam nescio, beniuolentis nimium, an parùm sapientis. Et quid tibi aut mihi vis? conciliare magnum hunc honorem? Non recusem si detur equidem, vel ob nomen illud prisce vrbis: sed si vltro. te autem, id est me (quis enim aliter interpretabitur?)

OOO 2

hoc

hoc agere? Abstine, ita liuor aut calumnia ab utroque nostrum abstineat: nec in istis elogijs posueris fundamentum famæ. Magis fortasse, si rara essent. scisne Alexandrum olim, cum ciuitate donaretur à nescio quo populo, contempsisse & irrisisse: sed cum legati addidissent, *Nemini hunc honorem delatum, nisi Herculi atque ipsi*: tum denique amplexum, & à socio illo pretium dedisse? Non idem hîc erit: & cum bonâ veniâ dicam, magna illa ciuitas se impertiuit non nimis magnis. Finio, tu ambire vltra caue vel sensu, non dicam vultu aut voce: & me tantum ama. Louanij, postrid. Kal. Nouembr. ∞. MDCL.

F I N I S.

# APPROBATIO.

*Miscellanea hæc Epistolarum Centuria J. Lipsii Professoris ac Historiographi Regij, utiliter admodum imprimetur.*

Gulielmus Fabricius Nouiomagus, Apostolicus  
ac Archiducalis librorum Censor.



## P R I V I L E G I V M C Æ S A R E V M.

**R** V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Sclauoniæ Rex, Archidux Austriæ, Dux Burgundiæ, Stiriæ, Carinthiæ, Carniolæ & Wirtemberga, &c. Comes Tirolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tanquam Dij quidam splendescere in terris videantur: rem sanè præclaram seque dignam illi præstant, qui diligentem iis ipsis in litteris ac disciplinis operam ponunt, præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, quique iudicare de Litteris possint, acceperimus, insignes te animi ingeniique tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florescentis minimeque vulgaris eruditionis specimina præbueris, dum obscura in antiquis scriptoribus loca, quæ quedam tanquam lustra erant, illustrasti, quæque in iis iniuria temporum deprauata & corrupta fuerunt, restitueris, dum vetusta Latine antiquitatis ruderia in nouam subinde structuram singulari artificio eleganter conuerteris: ad exquisitam adeò & raram doctrinam, quæ magnam de te apud doctos quosque viros opinionem excitavit, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes descriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue versaris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te suscipere voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro privilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus, statuimus, ut tamusque, ne quis Typographorum, Bibliopolarum,

aut aliorum, qui librariam negotiationem exercent, eos libros, quos tu edicturus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum finestriginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimùm in cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solùm eiusmodi libris, tibi, hæredibusve tuis, auxilio Magistratus, ubicunq; reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fiscus nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscunque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iusticiamve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscunque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Milleesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

RVDOLPHVS.

Iacobus Curtius à Senftenaw.

*Ad mandatum sacre Cæsareæ M<sup>ti</sup> proprium.*

Io. Baruitius.

*Additum sigillum Cæs. M<sup>ti</sup> in cera rubra.*

SVMMA PRIVILEGII REGIS CATHOLICI.

**P**HILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsi Historiarum in alma Vniuersitate Louanienſi Profeſſoris, & item Historiographi ſui libros quoscumque, à Cenſoribus legitimis approbatos, præter ipſius, heredumve eius, voluntatem, intra triginta annos à prima ſingulorum librorum editione computandos imprimat, aut alibi terrarum impreſſos, in has inferioris Germania ditiones importet, venaleſve habeat. Qui ſecus faxit, præter librorum conſiſcationem triginta marcharum auri puri illatione mul'tabitur. Vti latiùs patet in litteris, datis Bruxella, XIV. Febr. M. D. XCVII.

Signat.

Verreycken.

SVMMA PRIVILEGII REGIS CHRISTIANISSIMI.

**H**ENRICVS Dei gratia Galliarum & Nauarra Rex Chriſtianiffimus, ſingulari privilegio ſanxit, nequis per vniuerſos Regnorum ſuorum fines, Iuſti Lipsi, quos vel hætenus edidit, vel in poſterum editurus eſt libros, excudere intra decennium præter voluntatem ipſius poſſit. Qui ſecus faxit, præter librorum conſiſcationem, ter mille florenorum illatione mul'tabitur; vti latiùs patet in litteris, datis Pariſiis, XIII. Iulij, M. DC. V.

Signat.

Perrochel.

**T**ibi IOANNES MORETE, pro amicitia quæ mihi cum Plantino (heu, quondam meo) & Plantinianis eſt ac fuit, tibi, inquam, permitto, vti EPISTOLARVM mearum CENTVRIAS typiſ tuis excudas ac diuulges. Nequis alibi alius præter te, cupio ſiue iubeo, ex lege quam magnus Cæſar & Reges dixerunt.

Iuſtus Lipſius.

aut aliquum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut venundare intra sacri Romani Imperij, Regnorumq; ac Dominiorum nostrorum hæreditariorum finestriginta annis proximis à primo editionis die computandis, absque tuo tuorumve hæredum consensu audeat: Hac autem lege addita, ut tria ut minimum cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, cum non solum eiusmodi libris, tibi, hæredibusque tuis, auxilio Magistratus, ubicunq; reperti fuerint, vendicandis, priuari, sed triginta etiam Marcharum auri puri multa, cuius semissis quidem Fiscus nostri Procuratori, fraudis vindicis; alter verò semissis, tibi hæredibusque tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quam Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiæmve exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis multa, eos puniri & quibuscumque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Pragæ, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici item decimo septimo.

*Subsign.*

**RVDOLPHVS.**

Iacobus Curtius à Senftenaw.

*Ad mandatum sacre Cæsareæ M<sup>ti</sup> proprium.*

Io. Baruitius.

*Additum sigillum Cæs. M<sup>ti</sup> in cera rubra.*